




ԶՄԻԱԾԻՆ



Am 146



Ի Ը
ՏԱՐԻ

ԷԶՄԻԱԾԻՆ

HA-15954



ՊԱՇՏՈՆԱԿԱՆ
ԱՄՍԱԳԻՐ
ՀԱՅՐԱՊԵՏԱԿԱՆ
ԱԹՈՌՈՒՅ
Ս. ԷԶՄԻԱԾՆԻ

ՅԻՆԻՄԱՆ




1972



Հ Բ Ա Մ Ա Ն Ա Ի

Տ. Տ. ՎԱԶԳԵՆԻ ԱՌԱՋՆՈՅ

ՎԵՀԱՓԱՌ ԵՒ ՍՐԲԱԶՆԱԳՈՅՆ ԿԱԹՈՂԻԿՈՍԻ
ԱՄԷՆԱՅՆ ՀԱՅՈՑ



ՀԱՅՐԱՊԵՏԱԿԱՆ ՔԱՐՈՁ
ՓՐԿՉԻ ՀՐԱՇԱՓԱՌԻ ԾՆՆԴՅԱՆ ՏՈՆԻ ԱՌԹԻՎ
ՄԱՅՐ ՏԱՃԱՐՈՒՄ

(1972 թ. հունվարի 6)

«Քրիստոս ծնաւ և յայտնեցաւ»:

Սիրեցյալ հավատացյալ ժողովուրդ մեր որ ի Հայաստան և որ ի սփյուռս աշխարհի:

Մշտանորոգ հավատքով և անմար հույսով, հրաշակերտ սուրբ Էջմիածնից ձեզ բոլորիդ բերում ենք լույս ավետիսը Քրիստոսի ծննդյան և աստվածահայտնության:

Այս ավետիսով, ինչպես երկու հազար տարիներ առաջ, այսօր էլ մեր հոգու աշխարհի բարձունքներից՝ լսում ենք պատգամ-երգը հրեշտակների. «Փառք ի բարձունս Աստուծոյ և յերկիր խաղաղութիւն, ի մարդիկ հաճութիւն»:

Երկու հազար տարիներ շարունակ, աշխարհի վրա ոչ մի տեղ ու երբեք, ոչ մի երգ չի հնչել այնքան քաղցր, և ոչ մի պատգամ՝ այնքան փրկարար:

Անուամենայնիվ սակայն, ո՛վ մարդկային ճակատագիր, երկու հազար տարիներ հետո, աշխարհը տակավին հեռու է կենսագործված տեսնելուց՝ երկնառաք պատգամը քաղցր ու փրկարար:

Այս սուրբ պահին չենք մտածում մեղադրանքի կամ անեծքի խոսք ասել, և ոչ էլ հանգցնել լույսերը հույսին:

Տարակույս չկա թե մարդկային աշխարհը տառապում է իր մեղքերի ու իր տկարությունների հետևանքով: Մարդը ինքն իր մեջ է կրում արմատները բոլոր չարիքների: Սակայն, Քրիստոս փրկիչը մեր, մղում է մեզ լինել լավա-

տես: Քրիստոսանվեր կյանքի ճանապարհը, ճանապարհն է չարի արմատները պոկելու և խափանելու:

Աստված իր միածին Որդուն աշխարհ առաքեց, օգնելու համար մարդկությանը, ինքնափրկումի պայքարի մեջ, ցույց տալով նրան ճանապարհը փրկության, հայտնելու համար նրան ճշմարտությունը գերագույն, առաջնորդելու համար նրան դեպի կյանքը անվախճան:

Մարդկային աշխարհը փրկել անհրաժեշտություններից ու բռնություններից, փրկել կեղեքումներից ու խտրականություններից, փրկել ատելության թույնից ու պատերազմների կրակից, նշանակում է ամենից առաջ վերափոխել, վերանորոգել, պայծառակերպել մարդու հոգին, այսինքն նրա իմացականությունը, նրա կամեցողությունը, և մանավանդ նրա զգացումների խառնարանը:

Գա կլինի մեծագույն հեղափոխությունը բոլոր ժամանակների համար: Եվ այդ իսկ իրականացնելու համար է որ Քրիստոս Աստված մարդացավ ու աշխարհ եկավ: Նրա մեծ առաքյալը հրավեր ու պատգամ է կարդում մարդկանց բոլոր՝ «Մրբեցէք ի բաց զհին խմորն, զի եղիշիք նոր զանգում» (Ա. Կորնթ. Ե 7): «Մերկացարուք զհին մարդն զործովքն իրովք և զզնացարուք զնորն նորոգեալ ի գիտութիւն ըստ պատկերի Արարչին իրոյ» (Կողոս. Գ 9—10): Ահա թե ինչու մենք հավատում ենք թե Քրիստոս տնական հեղափոխությունն է մարդկային հոգեկան աշխարհի, և դրանով է նա մանավանդ Փրկիչը ազգի մարդկան, իշխանը խաղաղության, սրբազան արդարության:

Մենք չենք ժխտում, մարդկային կյանքում՝ զաղափարական, ընկերային, տնտեսական զարգացման անհրաժեշտությունը և նշանակությունը նույն չարիքների վերացման ի խնդիր, սակայն մտածում ենք թե զարգացող զաղափարական, ընկերային, տնտեսական դրություններն ու օրենքները մարդիկ են կյանքի կոչելու, գործադրելու, և հետևաբար եթե մարդիկ իրենք նույնը մնան, միեկնույնն է, արդյունքն էլ նույնը կլինի:

Ահա թե ինչու հավատում ենք թե մարդուն վերանորոգելու, պայծառակերպելու քրիստոնեական իդեալը մնում է այժմեական բոլոր ժամանակների համար, և մանավանդ մեր դարաշրջանի համար: Հիրավի, ինչքան զարգանան ու մեծագործ նվաճումների հասնեն՝ մարդկային իմացական հանճարը, գիտությունն ու տեխնիկան, այնքան ավելի անհրաժեշտ կդառնա մարդկանց զգացումների ու կամեցողության բարեշրջումը և նվաճումը՝ բարոյական հանճարի բարձունքների, որով կարող է հնարավոր դառնալ ազատագրումը մարդկային ցեղի՝ էսաթություն, նախանձի, ատելության ու տիրապետելու մոլուցքի թունավոր արմատներից:

Ինչքան տխուր է հաստատել՝ թե մեր օրերի աշխարհը տակավին լեցուն է նման չարիքներով:

Ինչքան տխուր է հաստատել՝ թե այսօր էլ տակավին աշխարհում այս ու այն տեղ հրահրվում է կրակը պատերազմների:

Ինչքան ծանր է մանավանդ մտածել՝ թե մեր օրերում, համայն մարդկության կյանքի հորիզոնի վրա, դեռևս առկա է անավոր սպառնալիքը ջերմամիջուկային աշխարհակործան հրդեհումների:

Եվ սակայն, ահա այս ողբերգական պահին, Հիսուս մեծ վարդապետը, պատգամում է մեզ՝ մերժել այս ճակատագիրը: Նա հրավեր է կարդում՝ կերտել նոր մարդուն, նման Աստուծո պատկերի, հաստատել սերն ու խաղաղությունը մարդկանց սրտերում, արդարությունն ու եղբայրությունը աշխարհում համայն:

Քրիստոսի անունով գործող բոլոր եկեղեցիները այսօր, նույն այս հավատամքով աղոթում են ու գործում, ու ահագանգ հնչեցնում՝ ընդդեմ անարդարությունների, ընդդեմ կեղեքումների, ընդդեմ ցեղային և այլ տեսակի խտրականությունների, ընդդեմ պատերազմների:

Հայաստանաց եկեղեցին, այս սրբազան պապարի մեջ միանում է իր բոլոր եկեղեցիներին՝ «վասն խաղաղության ամենայն աշխարհի», «վասն խաղաղության հեռաւորաց և մերձաւորաց», առաջնորդված տեսիլքովը՝ համայն մարդկության եղբայրացման, իբրև ժողովուրդը միևնույն Աստուծուն:

Աստված է մեր խաղաղությունը: Աստված է մեր փրկությունը:

Փառք ծննդյան Որդվուն Աստուծո Հիսուսի Քրիստոսի, որ աշխարհին ընծա բերեց պատգամը՝ «խաղաղության և ի մարդիկ հաճութեան»:

Սիրելի հավատացյալներ,

Խաղաղության և ժողովուրդների եղբայրության հրամայականը թանկ է ի մասնավորի մեր մայր եկեղեցու և մեր ժողովրդի հմար, որովհետև բազում տարիներ շարունակ նրանց կյանքը եղել է տեական տառապանք ու մահատակություն: Հագիվ հիսուն և ավելի տարիներից ի վեր է, որ հայոց հազրեկիքը վերածնվել է իբրև ազգային ինքնավար պետություն, ապահովելով հայ ժողովրդին խաղաղ, ապահով ու բարգավաճ կյանք՝ նյութական վերաշինության ու մշակութային ծաղկումի պայմանների մեջ: Նոր կյանքի կոչված, երգով, արևով ու սիրով կառուցվող շեն երկիրը մեր, Հայաստան աշխարհը, բոլոր իրավ հայերի՝ միակ ապավենն է այսօր, միակ մխիթարությունը, միակ հույսությունը:

Ահա թե ինչու, մեր աղոթքը՝ «վասն խաղաղության ամենայն աշխարհի», ամենավառ իղձն է՝ փրկության ափին հասած մեր ժողովրդի:


Ամեն բանից վեր և ամենից առաջ, խաղաղություն թող լինի, և ամեն ինչ խաղաղությամբ թող լինի:

Քրիստոսակերտ սուրբ Էջմիածնից, Ամենայն Հայոց Հայրապետը, խաղաղության պատգամի հետ միասին ձեզ բոլորիդ բաշխում է իր հայրական օրհնությունը և աղոթում ձեր ամենքի բարօրության ու արևշատության համար:

Քրիստոս ծնաւ և յալունեցաւ:

Շնորհավոր Նոր տարի:

Շնորհք, սէր և խաղաղութիւն եղիցին ընդ ձեզ ընդ ամենեւեւեանդ. ամէն:





ԱՄԱՆՈՐԻ ԵՎ ՓՐԿԶԻ ՀՐԱՇԱՓԱՌ ԵՎ ՍՈՒՐԲ ԾՆՆԴՅԱՆ
ՏՈՆԵՐԻ ԱՌԹԻՎ ԱՄԵՆԱՅՆ ՀԱՅՈՑ ԾԱՅՐԱԳՈՒՅՆ
ՊԱՏՐԻԱՐԷ ԵՎ ԿԱԹՈՂԻԿՈՍ, ՆՈՐԻՆ ՍՈՒՐԲ ՕԾՈՒԹՅՈՒՆ
Տ. Տ. ՎԱԶԳԵՆ Ա ՀԱՅՐԱՊԵՏԻ ԵՎ ԲՈՒՅՐ ԵԿԵՂԵՑԻՆԵՐԻ
ՀՈԳԵՎՈՐ ՊԵՏԵՐԻ ՄԻՋԵՎ ՓՈԽԱՆԱԿՎԱԾ ՈՂՋՈՒՅՆԻ
ՀԵՌԱԳՐԵՐՆ ՈՒ ԳՐՈՒԹՅՈՒՆՆԵՐԸ

Հռոմեական կաթոլիկ եկեղեցու քահանայապետ, Նորին Սրբություն
ՊՈՂՈՍ Զ ՊԱՊԻՆ (Հռոմ),

Կոստանդնուպոլսի հունաց տիեզերական Պատրիարք, Նորին Սրբություն
ԱԹԵՆ ԱԳՈՐԱՍԻՆ (Ստամբուլ),

Մոսկվայի և համայն Ռուսաստանի Պատրիարք, Նորին Սրբություն
ՊԻՄԵՆԻՆ (Մոսկվա),

Ալեքսանդրիայի և համայն Աֆրիկայի Պատրիարք, Նորին Սրբություն
ՆԻԿՈՂԱՅՈՍ Զ-ԻՆ (Ալեքսանդրիա),

Ղպտի ուղղափառ եկեղեցու Պատրիարք, Նորին Սրբություն
ԱՄԲԱ ՇՆՈՒՏԱ Գ-ԻՆ (Ալեքսանդրիա),

Երուսաղեմի հունաց Պատրիարք, Նորին Սրբություն
ԲԵՆԵԴԻԿՏՈՍ Ա-ԻՆ (Երուսաղեմ),

Անտիոքի և համայն Արևելքի Պատրիարք, Նորին Սրբություն
ԷԼԻԱՍ Գ-ԻՆ (Դամասկոս),

Անտիոքի և համայն Արևելքի Պատրիարք, Նորին Սրբություն
ՄԱՔՍԻՄՈՍ ԼԱՅԵՂ Ե-ԻՆ (Բեյրութ),

Անտիոքի սիրիական կաթոլիկ եկեղեցու Պատրիարք, Նորին Սրբություն
ԻԳՆԱՏԻՈՍ ԱՆՏՈՒԱՆ ՀԱՅԵԿ Բ-ԻՆ (Բեյրութ),

Սիրիական օրթոդոքս եկեղեցու և համայն Արևելքի Պատրիարք,
Նորին Սրբություն ԻԳՆԱՏԻՈՍ ՀԱԿՈԲ Գ-ԻՆ (Դամասկոս),

Համայն Եթովպիայի Պատրիարք, Նորին Սրբություն
ԱԲՈՒՆԱ ԹԵՈՖԻԼՈՍԻՆ (Ադիս-Աբեբա),

Հնդկաստանի և Նրևելքի մալաբար եկեղեցու կաթողիկոս, Նորին Սրբություն
ԲԱՍԻԼԻՈՍ ՈՒԿԵՆ Ա-ԻՆ (Քոթայամ),

Համայն Վրաց Պատրիարք-կաթողիկոս, Նորին Սրբություն
ԵՓՐԵՄ Բ-ԻՆ (Թբիլիսի),

Ռումին օրթոդոքս եկեղեցու Պատրիարք, Նորին Սրբություն
ԺՈՒՍՏԻՆԻԱՆԻՆ (Բուխարեստ),

Բուլղար օրթոդոքս եկեղեցու Պատրիարք, Նորին Սրբություն
ՄԱՔՍԻՄԻՆ (Սոֆիա),

Լիբանանի մարոնիտ Պատրիարք, Նորին Սրբություն
ԻԳՆԱՏԻՈՍ ԶԻԱԴԵԻՆ Բեյրութ),

Քենտրբերիի Արքեպիսկոպոս, համայն Անգլիայի Եպիսկոպոսապետ և
միտրոպոլիտ, Նորին Գերաշնորհություն ՄԱՅԶԼ ՌԵՄՋԻՆ
(Լոնդոն),

Աթենքի և համայն Հելլադայի միտրոպոլիտ, Նորին Գերաշնորհություն
ՀԵՐՈՆԻՄՈՍԻՆ (Աթենք),

Սերբիայի և համայն Հարավսլավիայի Պատրիարք, Նորին Սրբություն
ՀԵՐՄԱՆԻՆ (Բելգրադ),

Վարշավայի և համայն Լեհաստանի միտրոպոլիտ, Նորին Գերաշնորհություն
ՍՏԵՖԱՆԻՆ (Վարշավա),

Պրագայի և համայն Չեխոսլովակիայի միտրոպոլիտ,
Նորին Գերաշնորհություն ԳՈՐՈՖԵԻՆ (Պրագա),

Հայ կաթողիկե եկեղեցու Պատրիարք, Նորին Ամենապատվություն
ԻԳՆԱՏԻՈՍ ՊԵՏՐՈՍ ԺԶ ՊԱԹԱՆՅԱՆԻՆ (Բեյրութ),

Կիպրոսի Արքեպիսկոպոս, Նորին Գերաշնորհություն
ՄԱԿԱՐԻՈՍԻՆ (Նիկոզիա),

Եկեղեցիների համաշխարհային խորհրդի ընդհանուր քարտուղար
դոկտ. Է. ԲԼԵՅԿԻՆ (Ժնև),

Վիեննայի Արքեպիսկոպոս, Նորին Ամենապատվություն
կարդինալ ՖՐԱՆՑ ԳՅՈՆԻԳԻՆ (Վիեննա),

Փարիզի Արքեպիսկոպոս, Նորին Ամենապատվություն
կարդինալ ՖՐԱՆՍՈՒԱ ՄԱՐՏԻՆ (Փարիզ),

Մարսելի Արքեպիսկոպոս, Գերաշնորհ

ՌՈԺԵ ԷԶԵԳԱՐԵԻՆ (Մարսել),

Լատվիական ՍՍՀ ավետարանական-լուսերական եկեղեցու Արքեպիսկոպոս,
Նորին Գերազանցություն Յ. Պ. ՄԱՏՈՒԼԻՍԻՆ (Ռիգա),

Հստոնական ՍՍՀ ավետարանական-լուսերական եկեղեցու Արքեպիսկոպոս,
Նորին Գերազանցություն ԱԼԺՐԵԳ ՏՈՈՄԻՆԳԻՆ (Տալլին),

Միջին Արևելքի հայ ավետարանական եկեղեցիների միության նախագահ,
Վերապատվելի ՀՈՎՀԱՆՆԵՍ ԱՀԱՐՈՆՅԱՆԻՆ (Բեյրութ),

Ֆրանչիսկյան միաբանության կուստոդ

ԷՐՄԻՆԻՈ ՌՈՆԿԱՐԻՆ (Երուսաղեմ),

ԱՄՆ-ում Քրիստոսի եկեղեցիների Ազգային խորհրդի ընդհանուր

քարտուղար, Գերապատիվ հայր ԷՐՈՒԻՆ ԷՍՓԻՆ (Նյու-Յորք),

Իրաքի պապական նվիրակ, Գերաշնորհ

ԺԱՆ ՌՅՈՒՊԻՆ (Բաղդադ),

Մխիթարյան ուխտի աբբահայր, Գերապալծառ հայր

ՊՈՂՈՍ ՎԱՐԴԱԿԵՍ ԱՆԱՆՅԱՆԻՆ (Վենետիկ),

Մխիթարյան ուխտի աբբահայր, Գերապալծառ հայր

ԳՐԻԳՈՐԻՍ ՎԱՐԴԱԿԵՍ ՄԱՆՅԱՆԻՆ (Վիեննա),

Վերապատվելի ՀԱՐՈՒԹՅՈՒՆ ՀԵԼՎԱՃՅԱՆԻՆ (Մարսել):

Մարդասերն Աստված, իր Միածին Որդին երկինքեն երկիր առաքեց, փրկելու համար մարդկային աշխարհը համայն, մեղքի, չարիքի ու մահվան կապանքներեն:

Այսօր Մենք հույժ երջանիկ ենք Ձեզի վերստին բերելու՝ Աստվածորդ-վույն սուրբ Ծննդյան ավետիսը, մաղթելու համար երկնային ամեն բարիք Ձերը Սրբության և Ձեր առաքելահաստատ փառավորչալ եկեղեցիին ու ժողովուրդին: Մաղթելու համար նաև որ մեր օրերու խռովահույզ աշխարհն ու տառապող մարդիկ, իրենց հալացքը դեպի երկինք բարձրացնեն լուսավորվելու, վերանորոգվելու համար «խաղաղության և ի մարդիկ հանդուրժեան» փրկարար պատգամով, զոր իր սուրբ Ծնունդով Մանուկն Հիսուս ընծա բերավ աշխարհին:

Աղոթքի և ներշնչումի և հույսի այս սուրբ ժամին, բարի եղեք ընդունել մեր եղբայրական սերն ու հարգանքը, ինչպես և Մեր սրտեն բխած մաղթանքը որ երկար ապրիք և տեսնեք Ձեր բոլոր սուրբ իղձերու հաջողությամբ պսակավորումը:

ՎԱԶԳԵՆ Ա.

ԵԱՅՐԱԳՈՒՅՆ ՊԱՏՐԱՐԷ ԵՎ ԿԱԹՈՂԻԿՈՍ

ԱՄԵՆԱՅՆ ՀԱՅՈՑ


Ո, ԷԶՄԻԱՄԻՆ

•
• •

Վեհափառ Հայրապետի՝ Ամանորի և Փրկչի հրաշափառ և աւրբ Ծննդ-
յան շնորհավորական գրություններին ի պատասխան ստացվել են քույր եկե-
ղեցիների հոգևոր պետերի՝ այդ առթիվ ուղարկված ջերմագին շնորհավորա-
կան հեռագրեր ու գրություններ, որոնցում մի անգամ ևս պայծառորեն ար-
տահայտվում է քրիստոնեական եղբայրության ու համագործակցության սրբ-
տագին ոգին քույր եկեղեցիների միջև:

Հանուն Հայոց Հայրապետի ջերմ շնորհակալություն ենք հայտնում ստաց-
ված պատասխան շնորհավորականների համար:





ԱՄԱՆՈՐԻ ԵՎ ՓՐԿՉԻ ՀՐԱՇԱՓԱՌ ԵՎ ՍՈՒՐԲ ԾՆՆԴՅԱՆ
ՏՈՆԵՐԻ ԱՌԹԻՎ ԱՄԵՆԱՅՆ ՀԱՅՈՑ ԾԱՅՐԱԳՈՒՅՆ
ՊԱՏՐԻԱՐՔ ԵՎ ԿԱԹՈՂԻԿՈՍ, ՆՈՐԻՆ ՍՈՒՐԲ ՕԾՈՒԹՅՈՒՆ
Տ. Տ. ՎԱԶԳԵՆ Ա. ՀԱՅՐԱՊԵՏԻ ԵՎ ՆՎԻՐԱՊԵՏԱԿԱՆ
ԱԹՈՌՆԵՐԻ ՈՒ ԱՌԱՋՆՈՐԴԱՐԱՆՆԵՐԻ ՄԻՋԵՎ
ՓՈԽԱՆԱԿՎԱԾ ՈՂՋՈՒՅՆԻ ՀԵՌԱԳՐԵՐՆ ՈՒ
ԳՐՈՒԹՅՈՒՆՆԵՐԸ

ՄԵԾԻ ՏԱՆՆ ԿԻԼԻԿԻՈ ԿԱԹՈՂԻԿՈՍ, ՆՈՐԻՆ Ս. ՕԾՈՒԹՅՈՒՆ
Տ. Տ. ԽՈՐԵՆ Ա. ԻՆ (Անթիլիաս),

ԵՐՈՒՍԱԿԵՄԻ ՀԱՅՈՑ ՊԱՏՐԻԱՐՔ, ԱՄԵՆԱՊԱՏԻՎ
Տ. ԵՂԻՇԵ ԱՐՔԵՊԻՍԿՈՊՈՍԻՆ (Երուսաղեմ),

ԹՈՒՐԻՔԻՈ ՀԱՅՈՑ ՊԱՏՐԻԱՐՔ, ԱՄԵՆԱՊԱՏԻՎ
Տ. ՇՆՈՐՀՔ ԱՐՔԵՊԻՍԿՈՊՈՍԻՆ (Ատանքու),

ԲԱՐԵՆՍԱՄ ԲՈՂՈՐ ԹԵՄԱԿԱԼ ԱՌԱՋՆՈՐԴԱՆԵՐԻՆ
ԵՎ ԳԵՐԱՊԱՏԻՎ ԵՊԻՍԿՈՊՈՍՆԵՐՈՒՆ:

Երջանիկ ենք, Ձերդ ամենապատվության բերելու՝ Փրկչին մեր Հիսուսի
Քրիստոսի լուսահրաշ Ծննդյան ավետիսը, մաղթանքներով սրտագին որ
Միածին Որդվույն շնորհները առատապես բաշխվին ձեր սուրբ Աթոռի միա-
բանության, ձեր կրոնական կրթական ու մշակութային հաստատությանց և
համայն հավատացյալ ժողովուրդին ի շինություն և ի ծաղկումն հայոց հոգևոր
կյանքին:

Սուրբ Ծննդյան շնորհներով, թող հավետ անասան մեան Հայաստան-
յաց առաքելական սուրբ եկեղեցին և վերածնած ժողովուրդն ու մայր երկիրը
հայոց:

Քրիստոսակերտ սուրբ Էջմիածնէն տիրապանդ օրհնություն, սեր և խաղաղություն ընդ Ձեզ և ընդ ամենեւայանց, ամեն:
Ծնորհավոր Նոր տարի և սուրբ Ծնունդ:

Վ Ա Զ Գ Ե Ն Ա
ԾԱՅՐԱԳՈՒՑՆ ՊԱՏՐԻԱՐԷ ԵՎ ԿԱԹՈՂԻԿՈՍ
ԱՄԵՆԱՅՆ ՀԱՅՈՑ

Ա. ԷԶՄԻԱԾԻՆ

*
* *

Նմանօրինակ շնորհավորական գրություններ ուղարկվեցին նաև թեմական և կենտրոնական վարչությանց և խորհուրդներին, Հայկական բարեգործական ընդհանուր միության Կենտրոնական վարչությանը (Նյու-Յորք), Գալուստ Կյուլպենկյան հիմնարկության Կենտրոնական խնամակալությանը (Լիսաբոն), Արգարյան ավանդի և ս. Էջմիածնի հիմնադրամի հանձնաժողովին (Լոնդոն), ս. Էջմիածնի հանձնախմբին (Բելյուր), Վարդանանց ասպետներին (Ուտտերտաուն), Կալկաթայի հայկական ընկերության վարչությանը (Կալկաթա), գաղութային վարչություններին, հայրենակցական, մշակութային, տիկնանց, երիտասարդաց և օրիորդաց զանազան կազմակերպություններին, Մայր Աթոռի և հոգևոր ճեմարանի բարերարներին և ծանոթ ազգային դեմքերին:

*
* *

Ծնորհագարդ Եղբայր ի Քրիստոս,
Սրտի քաղցր պարտք կզգանք ներկայացնելու Ձեզի Մեր սիրաջերմ շնորհավորությունները և լավագույն մաղթանքները Նոր տարվան և ս. Ծննդյան տոնին առիթով:
Կաղոթենք Մեր սրտի խորերեն, որ Բեթղեհեմի Հիսուս մանուկը անշարժ և անսասան պահե Հայց. ս. եկեղեցին և ծաղկյալ ու պտղաբեր կյանք պարգևե համայն հայության որ ի Հայաստան և ի սփյուռս աշխարհի:
Մնամ եղբայրական սիրո ջերմ ողջունիլ, աղոթակից՝

Խ Ո Ր Ե Ն Ա
ԿԱԹՈՂԻԿՈՍ ՄԵԾԻ ՏԱՆՆ ԿԻՒԿԻՈ

ԱՆԹԻԼԻԱՍ

*
* *

Նոր տարվա և ս. Ծննդյան բարեպատեն առիթով հարգանք Ձեզ եմք ներկայացնում Մեր անունից և Սրբոց Հակոբյանց միաբանության և մեր համայնքի կողմից մեր սրտագին բարեմաղթությունները և աղոթում Ամենակալին, որ Ձերդ Սրբության շնորհի երկարատև առողջություն և բազում երջանիկ տարիներ՝ լի հաջողություններով, ի բարգավաճումն և ի հաստատություն մեր Մայր Աթոռ ս. Էջմիածնի:

ԵՂԻՇԵ ԱՐԲԵՊԻՍԿՈՊՈՍ
ՊԱՏՐԻԱՐԷ ՀԱՅՈՑ ԵՐՈՒՍԱԴԵՄԻ

ԵՐՈՒՍԱԴԵՄ

Վեհափառ Տէր,

Ամանորը և ս. Ծնունդը կուգան մեզի բարիքներով քեռնալոր, եթե մենք պատրաստ ենք ընդունելու զանոնք: Այդ բարիքներն առաջինն է կույսը.

«Ի Հօրէ ծագեցար, լուսաւորել զարարածս,

Արդարութեան արեգակն, Տէր, փառք քեզ»:

Ու լույսը կ'լուսավորէ աշխարհի բարոյական խավարի մեջ, սակայն դժբախտաբար «խաւար նմա ոչ եղև հասու»:

Ու տակաւին կուգա Ան մեզի անհուն ուրիշ պարգևներու ձևին տակ— կուգա իբրև շնորհք, խաղաղություն, փրկություն, ճշմարտություն, կյանք, հաց ու զինի:

Թող Աստված սակայն պարգևէ մեզի գերագույն շնորհը—ասունք ընդունելու տրամադրությունը և կարողությունը:

Մեր սիրտը անձնապէս, ու մեր պաշտոնական մարմիններու և հավատացաւ ժողովուրդի սիրտերը մշտապէս լեցուն են սիրո և հարումի զգացումներով, հանդէպ Վեհիդ անձին, հանդէպ Մայր Աթոռին, և զորս կարտահայտենք Ամանորի և ս. Ծննդյան այս երջանիկ առիթով:

Աստված հաստատ ու փառալոր պահէ զՁեզ առաքելական Ձեր Աթոռին վրա: Աստվածային հովանիին տէրքն միշտ անասան մնա Մայր Աթոռն մեր սուրբ Էջմիածնի:

Ընորհավոր Ամանոր.

Ընորհավոր ս. Ծնունդ:

Ողջունիվ եղբայրական ջերմ սիրո մատչիմք Օծելույդ ս. Աջին ի համբուր և մնամք միշտ խոնարհ աղօթակից Ձեզ՝

**ՇՆՈՐՀՔ ԱՐՔԵՊԻՍԿՈՊՈՍ
ՊԱՏՐԻԱՐԷ ԼԱՅՈՑ ԹՈՒՐԷՌՈ**

ԱՍՏՎԵՐՈՒՄ

Ամանորի և ս. Ծննդյան տոների առիթով Ամենայն Հայոց Վեհափառ Հայրապետի անունով ստացվեցին նաև ամենաջերմ և հարգալից զգացմունքներով զեղուն բազմաթիվ այլ շնորհավորական հեռագրեր և նամակներ արտասահմանի և ներքին մեր բոլոր թեմերի առաջնորդներից, ազգային-եկեղեցական, մշակութային, հայրենակցական, տիկնաճց, օրիորդաց և երիտասարդաց զանազան կազմակերպություններից, հայ և օտար պաշտոնական անձնավորություններից:





ԱՄԱՆՈՐԻ ԱՌԹՎ ԱՄԵՆԱՅՆ ՀԱՅՈՑ ՎԵՀԱՓԱՌ ՀԱՅՐԱՊԵՏԻ ԵՎ ՊԵՏԱԿԱՆ ԱՆՁՆԱՎՈՐՈՒԹՅՈՒՆՆԵՐԻ ՄԻՋԵՎ ՓՈԽԱՆԱԿՎԱԾ ՀԵՌԱԳՐԵՐԸ

ՀԱՅԿԱԿԱՆ ՍՍՀ ԳԵՐԱԳՈՒՅՆ ՍՈՎԵՏԻ ՆԱԽԱԳԱՀՈՒԹՅԱՆ ՆԱԽԱԳԱՀ
ՄԵԾԱՀԱՐԳ ՊԱՐՈՆ ՆԱԳՈՒԾ ՀԱՐՈՒԹՅՈՒՆՅԱՆԻՆ

Երևան

Նոր տարվա սեմին Ձեզ եմք ներկայացնում Մեր շնորհավորանքը և սրտագին մաղթանքը, որ աշխարհում խաղաղություն լինի և ժողովուրդների միջև՝ բարի կամեցողություն ընկերային և ազգային արդարության պայմաններում, և մեր վերածնված մայր երկիրը շարունակի իր վերակառուցման ու զարգացման ընթացքը Սովետական մեծ Միության ժողովուրդների եղբայրական ընտանիքում:

Ամենայն հարգանքով՝

ՎԱԶԳԵՆ Ա.

ԽԱՅՐԱԳՈՒՅՆ ՊԱՏՐԻԱՐԷ ԵՎ ԿԱԹՈՂԻԿՈՍ

ԱՄԵՆԱՅՆ ՀԱՅՈՑ

ԷԶՄԻԱՄԻՆ

*
*
*

ՀԱՅԿԱԿԱՆ ՍՍՀ ՄԻՆԻՍՏՐՆԵՐԻ ՍՈՎԵՏԻ ՆԱԽԱԳԱՀ
ՄԵԾԱՀԱՐԳ ՊԱՐՈՆ ԲԱԴԱԼ ՄՈՒՐԱԴՅԱՆԻՆ

Երևան

Հանում հայ հավատացյալ ժողովրդի, որ ի Հայաստան և ի սփյուռս աշխարհի, հաճելի է մեզ շնորհավորել Ձեր Նոր տարին՝ մաղթելով աշխարհիս խաղաղություն և մեր մայր հայրենիքին՝ տնտեսական, գիտական ու հոգևոր-մշակութային վերելք՝ ի խնդիր հայ ժողովրդի բոլոր ազնիվ իղձերի կենսագործման:

Մաղթում ենք նաև քաջատղջություն և շինարար, հայրենամուկ գործունեություն Ջեզ և մեր հայրենի կառավարության բոլոր հարգարժան անդամներին:

Խորին հարգանքներով՝

Վ Ա Զ Գ Ե Ն Ա

ԾԱՅՐԱԳՈՒՅՆ ՊԱՏՐԻԱՐԷ ԵՎ ԿԱԹՈՂԻԿՈՍ
ԱՄԵՆԱՅՆ ՀԱՅՈՑ

Է. Զ. ՄԻԱՇԻՆ

ՀԱՅԿԱԿԱՆ ՍՍՀ ՄԻՆԻՍՏՐՆԵՐԻ ՍՈՎԵՏԻՆ ԱՌԸՆԹԵՐ
ՀԱՅ ԵԿԵՂԵՑՈՒ ԳՈՐԾԵՐԻ ԽՈՐՀՐԴԻ ՆԱԽԱԳԱՀ
ՄԵԾԱՐԳՈ ՊԱՐՈՆ ՍԱՐԳԻՍ ԳԱՍՊԱՐՅԱՆԻՆ

Երևան

Մեր եկեղեցու և Մայր Աթոռ ս. Էջմիածնի անունից Ամանորի առթիվ ընդունեցեք Մեր և Մեր բոլոր գործակիցների հարգալից, բարի մաղթանքները Ջեր և Խորհրդիդ հարգարժան անդամների արևշատության և հայրենաշեն գործերի հաջողության համար:

Ամենայն Հայոց Հայրապետը և Իր բոլոր հավատարիմ գործակիցները կշարունակեն նաև հետ այսու խոսքով ու գործերով սրտեռանդն աշխատել ի խնդիր Հայաստանյայց եկեղեցու միության և համայն հայ ժողովրդի միասնության ամրապնդման, ինչպես և աշխարհի խաղաղության:

Շնորհավոր Նոր տարի:

Վ Ա Զ Գ Ե Ն Ա

ԾԱՅՐԱԳՈՒՅՆ ՊԱՏՐԻԱՐԷ ԵՎ ԿԱԹՈՂԻԿՈՍ
ԱՄԵՆԱՅՆ ՀԱՅՈՑ

Է. Զ. ՄԻԱՇԻՆ

ԱՄԵՆԱՅՆ ՀԱՅՈՑ ԾԱՅՐԱԳՈՒՅՆ ՊԱՏՐԻԱՐԷ ԵՎ ԿԱԹՈՂԻԿՈՍ
Վ Ա Զ Գ Ե Ն Ա - Ի Ն

Էջմիածին

Ընդունեցեք իմ ջերմ շնորհավորանքներն ու բարեմաղթությունները Նոր տարվա առթիվ: Թող 1972-ը խաղաղ ու բարեբեր լինի մեր մեծ հայրենիքի և ամբողջ աշխարհի համար:

Շնորհակալություն Ջեր սրտագին խոսքերի համար:

Խորին հարգանքով՝

ՆԱԳՈՒԾ ՀԱՐՈՒԹՅՈՒՆՅԱՆ
ՀԱՅԿԱԿԱՆ ՍՍՀ ԳԵՐԱԳՈՒՅՆ ՍՈՎԵՏԻ
ՆԱԽԱԳԱՀՈՒԹՅԱՆ ՆԱԽԱԳԱՀ

ԵՐԵՎԱՆ

*
* *

Հանեցեք ընդունել սեր շնորհավորանքները և լավագույն ցանկությունները Նոր տարվա առթիվ:

ԲԱԴՍԼ ՄՈՒՐԱԴՅԱՆ
ՀԱՅԿԱԿԱՆ ՍՍՀ ՄԻՆԻՍՏՐՆԵՐԻ ՍՈՎԵՏԻ ՆԱԽԱԳԱՀ

ԵՐԵՎԱՆ


*
* *


Ձերդ Սրբություն,
Հանեցեք ընդունել հաշիվեղացու գործերի խորհրդի և անձամբ իմ ջերմ շնորհավորանքները Նոր տարվա առթիվ:

Կամենում եմ Ձեզ քաջատողջություն, բարօրություն և մոր հաջողություններ խաղաղության և ժողովուրդների բարեկամության ամրապնդման ազնիվ գործում:

ՍԱՐԳԻՍ ԳԱՍՊԱՐՅԱՆ
ՀԱՅԿԱԿԱՆ ՍՍՀ ՄԻՆԻՍՏՐՆԵՐԻ ՍՈՎԵՏԻՆ ԱՌԸՆԹԵՐ
ՀԱՅ ԵԿԵՂԵՑՈՒ ԳՈՐԾԵՐԻ ԽՈՐՀՐԴԻ ՆԱԽԱԳԱՀ

ԵՐԵՎԱՆ





ԵՂԻՇԵ ԱՐՔԵՊ. ԴՈՒՐՅԱՆ

ԱՍՏՎԱԾՊԱՇՏՈՒԹՅԱՆ ԽՈՐՀՈՒՐԴԸ*

Ա. ԾՆՆՈՂՅԱՆ տունին առթիվ

Աստվածպաշտությունը կրոնական այն զգացումն է որ բարեպաշտական պաշտականություններու հետ գրեթե կնույնանա հավատացյալին մեջ, ու կուտա անոր հայտնի գնացք մը՝ իր Աստուծույն հավասար պաշտելու ինչ որ բարի է միանգամայն և աստվածային: Այդպիսի պաշտամունքի առարկան կըլլա ինքնին՝ Աստուծո և մարդոց սերն ընդհանրապես. և ո՛րնէ՛ օտարտի նկատում չի՛ հաշտվիր այդ մաքուր և անշահախնդիր ողջմտության հետ: Ճշմարիտ աստվածպաշտությունը ո՛չ սնահավատություն մըն է և ո՛չ ալ սակարկություն մը՝ անձնական արժանիքներ ստեղծելու համար հո՛ւն ուր կպակսին անոնք. այլ է՝ այն՝ ինչ որ ավանդական կամ տափակ կանոնապահությունն մը անդին կանցնի ու կներշնչէ մարդուն հետևիլ հոգեկան ալն խորհրդավոր բերումներուն՝ որոնք, առանց զինքը զոկելու երկրավոր կյանքի մը իրական պահանջումներեն, մոտ կտանին Աստուծո պաշտամունքին, և ա՛յդ է անշուշտ որոշ հայեցողությունը Պողոս Առաքյալին՝ երբ «մեծ շահավաճատ» կկոչէ աստվածպաշտությունը և կհամարի զայն «օգտակար ամեն բանի» (Ա Տիմ. 2. 6, Դ 7):

Պետք է ընդունիլ սակայն՝ որ քրիստոնեական հրահանգներով, բարի գործերով, անկեղծ համոզումներով շինված աստվածպաշտությունը բովանդակությունը չէ՝ նույնին, այլ հարկ է ունենալ ավելի բան մը՝ որ բուն **խորհուրդն** է աստվածպաշտության: Առաքյալը իր միևնույն թուղթին մեջ՝ զոր վերը հիշատակեցինք՝ նոր հայտնություն մըն ալ կուտա մեզի, հասարակորեն իմացված աստվածպաշտությունը վերածելով իր բարձրագույն իմաստին, և հրավիրելով զմեզ որ գիտնանք ըմբռնել անոր խորհուրդը կամ խորությունը:

Արդ՝ եթե հավատացյալ մը հարցներ մեզի՝ թե ո՞րն է աստվածպաշտության **խորհուրդը**, պիտի հանձնարարեինք իրեն՝ կարդալ **Ա. Գիրքին** սա համարը (Ա Տիմ. Ա 6):

**«Ան որ մարմնով երևեցավ
Արդարացավ հոգիով.
Ձինքն հրեշտակները տեսան,
Քարոզեցավ ազգերուն.
Աշխարհ իրեն հավատաց.
Ու վերացավ փառքերով»:**

Այս տողերուն մեջ՝ որ ըստ հույն բնագրին ևս երգի մը հորինվածքն ունին՝ հավատացյալը պիտի դնէ աստվածպաշտո-

* «Սիոն», Երուսաղեմ, 1928, № 1, էջ 2:

թյան խորհուրդին խառնումը, որ խառնումն է միանգամայն Հիսուսի պատմական և փրկագործական կյանքին: Կրնանք դիտել տալ հոս՝ որ խաչի անարգանքն ու մահվան արհավիրքը տեղ չունին այդ ստիքերունին մեջ, որպես թե երգիչը ուզած ըլլար ըսել մեզի. հանուն Աստուծո, զվարթ ու հոգեզմայլ ներշնչումը գերազույն պետք մըն է բարեպաշտ քրիստոնեին համար, վասնզի աստվածապաշտության խորհուրդն է որ թե՛ վավոր վերելքով մը կտանի կհանե զինքը երկրեն դեպի երկինք, հանդիսատես ընելով «մարմնով» երևցող աստուծո մը գործությանը՝ որ հավիտենական փառքերու մեջ կծրարվի:

Թերևս ըսվի սակայն. ինչո՞ւ ուրեմն Առաքյալը շատ անգամներով ու մեծ խանդավառությամբ կխոսի իր **Խաչի ճառը**: Հայտնի է պատճառը. ան իր պաշտած Հիսուսին իրական գոյությունն ու կյանքի զոհաբերումը կուզեր հաստատել՝ երկրագունդին վրա. մյուս կողմեն հրեա և հեթանոս միտքերն փարատելու համար խաչի անողոր ցայթակողությունը՝ ստեպ կդառնար այդ հարցին. մինչդեռ ճշմարիտ աստվածապաշտության ոգին՝ Հիսուսի երևումն ու փառավորումը միայն պիտի սիրեր հոչակել ցնծությամբ, մոռացոնքի տալով պահ մը անոր մարմնավոր կյանքին արյունոտ վախճանը՝ որ չէր կրնար չհիշեցնել անիրավ մարդերու ունիքն ու դատապարտությունը: Քրիստոնեության խորագրացության դրոշմը չի՞ կրեր արդյոք վերը մեջբերված նվագավոր պատառիկը, իսկատիպ գեղունը՝ նվիրված մեր կրոնքի հաղթանակին. անոր մեջ ազգեր կբարոզվին և աշխարհ կհավատա Հիսուսի. բայց չարիքն ու չարերը չեն հիշվիր, ու մարդասպաններու եղևոնը ստվերած մը չի բերեր երանության այդ տեսիլքին: Այո՛, աստվածապաշտության խորհուրդին ա՛նկ է՝ չխառնել ուղղակի կամ անուղղակի ատելության ու վրեժխնդրության զգացում մը անհավատ հոգիներու դեմ. և ոչ ալ գայթակողության խաչը մը մոտեցնել հավատավոր միտքին՝ որ զգլխավա՛ծ ոտք կելլե փառաբանելու իր Տիրոջ աստվածային պաշտոնն ու մեծությունը:

*
* *

Հետևելով մեր՝ նշանակած համարի յուրաքանչյուր տողերուն, կուզենք քանի մը խոսք ուղղել մեր հայ հավատացյալ եղբայրներուն և քույրերուն.


Ա.—«**Որ երևեցավ մարմնով**».—Հիսուսի ս. Ծննդյան օրվան առիթով՝ զոր քիչ օրեն պիտի տոնենք, անդրադառնանք մարդկա-

յին պատմության այն դրվագին՝ որ հիմն ու խարիսխն է աստվածապաշտության մեծ խորհուրդին:

Եկեղեցին՝ հին ու մարգարեական գուշակություններու համաձայն՝ կդավանի մեր Փրկչին «մարմնով» երևելու իրականությունը, զոր կարելի չէ՝ և պիտի չըլլա հերքել, ո՛րքան ալ հանդգնին ոմանք այլանդակորեն ուրանալ զայն:

Կա՛ սակայն կարևոր կետ մը՝ զոր պետք է յուսաբանել: Հրեական պատմության մեջ կրկնակ երևույթով կներկայանա մեզի մեծ սիական ակնկալությունը: Սպասված Փրկիչը, շատերու համար, օծոված պիտի ըլլար երկրավոր իշխանություն բոլոր հանդերձանքներովը. ան պիտի թագավորեր քաղաքականորեն հուսահատած հրեին ճակատագիրը վերականգնելու համար, որով և մոսիսիսական եկեղեցին տիեզերական փառախոյ պիտի ըլլար հեթանոս ազգերուն: Մյուս կողմե, քիչերու համար թեև, Փրկչի մը երևումը պիտի շեշտվեր անօրինակ հանգամանքով մը. ան պիտի կրնար ազատարար մը ըլլալ, ո՛չ թե անջատ կամ սեփական գետնի մը՝ կամ Պաղեստինի հողին վրա կանգնելով իր դրոշը, այլ իբրև մարդ՝ ա՛յնպես ինչպես կձնի ո՛րևէ մահկանացու՝ **երևելով երկրի վրա ու մարդոց հետ ապրելով**՝ պիտի կատարեր իրեն հանձնված փրկության բարոյական պաշտոնը: Այս երկրորդ ակնկալությունն էր որ արդարացավ մեր Տիրոջ մարմնատությանն ու ավետարանած վարդապետության շնորհիվ, որով ընդհանուր եղբայրության մը բեղմնավոր սկզբունքները քարոզվեցան «ընդ ծագ տիեզերաց», և երկնավոր Հոր մը որդիներն ըլլալու ազատությունը շնորհվեցավ ամենուն: Արդ՝ ողջամիտ հավատացյալ մը, որուն աչքին առջև փայլատակող ստուգություն մըն է այսօր Հիսուս Քրիստոսի կատարած փրկարար դերը, շատ պետք չունի, կկարծենք, մի առ մի վերլուծելու ա՛յս կամ այն մարգարեին ընդ աղոտ գուշակությունները, գիտնալով՝ թե դարերու հեռավորութենեն դիտված մեսիական պատկեր մը չի կրնար համեմատվիլ այն կենդանի պատկերին հետ՝ որ Հիսուսով նկարվեցավ: Եվ իբրեք, Ավետարանն է որ կուսավորե և այդ ամպամած մթություններն անցյալին, իր նուշեմ Եսային պիտի կրնար երկվանալ պահ մը, պիտի տատամսեր թերևս ծերունին Սիմեոն, եթե կանոխ չփակեր իր երջանիկ աչքերը, ինչպես Հովհաննես Մկրտիչ անգամ իր տկարացած համոզումներուն տառապանք ունեցավ իր բանտին մեջ:

Ներվի մեզ հոս փակագիծ մը բանալ, հիշեցնելու համար՝ թե մեսիական ակնկալություններն բոլորովին անկախ գետնի մը



ընդարձակ տարածությանը վրա՝ հեթանոս աշխարհին ալ, իր կարգին, մարմնավորված աստվածներու գոյության հավատաց և պաշտեց զանոնք, ինչպես հայտնի է. և գուցե տարակուսանքի մատնված միտք մը այդ խառնակ պաշտամունքի նմանությունը կարծե տեսնել Հիսուս Քրիստոսի մարմնատության մեջ։ Մենք այդ սխալ հայեցողության վրա պետք չունինք ծանրանալու, միայն թե՛ հարց կուտանք անցողակի. մեր հեթանոս նախահայրերուն—և ուրիշ բազմաթիվ ազգերուն—երկրպագած Արամազդին կամ Միհրի խանձարուրները աշխարհի ո՞ր անկյունին մեջ բակվեցան. ո՞վ ծնալ զանոնք միս ու ոսկրով. ո՞րն եղալ անոնց դիրքն ու կյանքը։ Եթե անոնցմե մին «Երկինք»-ն էր և մյուսը «Արև»-ը, անո՞նց նման ուրիշ աստվածներ ալ լոկ անձնավորումներն եղան բնական ա՛յս կամ այն երևույթներու կամ գորություններու, և ո՛չ թե տիրապես ապրող ու շնչող հոգիներ։ Ինչո՞ւլ ուրեմն հնար է նույնացնել զանոնք Տեր Հիսուսի հետ, որ Բեթղեհեմի մեջ ծնալ ճի՛շտ մեզի նման, և իր նմաններուն նվիրեց իր անձը, կերպարանակից ընելու համար զանոնք իր փառավորյալ մարմնին։ Զգուշանանք շփոթելն քրիստոնեական կրոնին իրականությունը հեթանոսական իմացումներու և երևակայության հետ։

Հիսուսի «մարմնով» երևելու պատմությունը՝ զոր Մատթեոս և Լուկաս ավետարանիչները կալանդեմ ենք՝ միևնույն ստանցքը չունի։ Առաջինը՝ այրին կամ մաուրին վրա կանգ առնող նորանշան աստղին տակ՝ ուրուն կհետևին ընծայաբեր մոգերը՝ վրդովեցուցիչ տեսարան մը կպարզե մեր աչքին, հավատարմորեն նկարագրելով «Հրեից թագավորին» ազդելիք խուճապը։ Երուսաղեմի քահանաները կխլրտին նենգալոր սպառազինությամբ մը. Հերովդես կխտովի, կղաղա-

ղբե. մանուկներ կկոտորվին. Հոսթելի լացին ձայնը կլսվի Հոամայեն. սարսափ, փախուստ կհաջորդեն իրարու, Էմմանուելի կյանքը փրկելու համար։ Երկրորդը սակայն՝ ծիծողուն դաշտ մը կբանա մեր առջև, ո՛չ թե մեկ աստղի, այլ համակ աստեղազարդ երկինքին ներքև, ոսկից կծագի Աստուծո փառքը. հրեշտակ մը՝ հետո հրեշտակներ կերևին. անոնց երգը կլսվի բարձրերեն. «մեծ ուրախություն» ավետող ձայները խաղաղության՝ հաճության կամ հոժար կամքի պատգամը կհնչեցնեն երկրի ու մարդկության ականջին. հովիվներ իրենց հոտերուն պահպանությունը թողած՝ կվազեն կուգան ողջունելու Փրկիչը կամ Օծյալ Տերը, ու կօրհնեն զԱստված։ Ոչ մեկ գոռացող սպառնալիք նորածին Մանկան օրրանին մոտ։ Ծնողական գորովանքով կտարվի ան իր Հոր տունը, ուր մարգարեություններ կխոսվին, և հետո դառնալով Գալիլիա՝ կանի, կգորանա ի իմաստությամբ։ Այս երկրորդ ներկայացումը՝ ուր հավանական վտանգի մը հնձնությունը չզգացվիր բնավ՝ անուշ մթնոլորտ մը շնչել կուտա մեր հոգիներուն, և այդ հմայքով կփոխադրե զմեզ դեպի այն վայրը՝ ուր աստվածպաշտության խորհուրդը բացատրող երգը պիտի թրթուար։ Ի՞նչ ձևով ալ տրվին մեզի ավետարանական պատմության այդ նախընձա դրվագները, մեր հավատքն այն է որ՝ երկրի վրա «մարմնով» երևցող Աստուծո Որդին փառքերով վերացալ դեպի երկինք։

Դուք որ այս հավատքն ունիք և կպահեք զայն, եկեք ձեր երկրպագած Էության խորքին երգելու, ս. Ծննդյան տոնին առթիվ, Հայ Բերթողին օրհնության սա սրտառույ հրավերը.

«Խորհուրդ մեծ...

Որդիք մարդկան, օրհնեցե՛ք, զի վաղը մեր մարմնացառ։





ՍՈՒՐԲ ԾՆՆԴՅԱՆ ՊԱՏԱՐԱԳ ԵՎ ՀԱՅՐԱՊԵՏԱԿԱՆ ՔԱՐՈՁ ՄԱՅՐ ՏԱԾԱՐՈՒՄ

Հունվարի 5-ին, չորեքշաբթի օրը, երեկոյան, Մայր տաճարում պաշտովում է Ծննդյան Ծրագալույցի ժամերգություն, որին ներկա են լինում բազմաթիվ հավատացյալներ: Ծրագալույցի ժամերգությանը և արարողություններին նախագահում է Վեհափառ Հայրապետը:

Հոգևոր ճեմարանի սաները ընթերցում են Դանիելի գրքի երից Մանկանց օրհներգությունը:

Ծրագալույցի ժամերգությունից հետո սկսվում է ս. պատարագի արարողությունը: Պատարագում է տ. Հունիկ եպս. Սանթուրյանը:

Հավարտ ս. պատարագի տեղի է ունենում Ծննդյան տոնի նախատոնակը և հնչում է «Խորհուրդ մեծ և սքանչելի» շարականը:

Ժամերգության ավարտին եկեղեցական թափոթը երգով ու շարականով ուղղվում է դեպի վանական սեղանատուն, ուր օրհնվում է մայրավանքի աղն ու հացը, և միաբանու-

թյունն ու ուսանողությունը ճաշակում են Ծննդյան նավակատիքի բարիքները:

Հունվարի 6-ին, հինգշաբթի օրը, դեռևս վաղ առավոտից, հավատացյալների հոծ բազմությունը լցնում է Մայր տաճարն ու նրա շրջակայը: Առավոտյան պաշտովում է ս. Ծննդյան հանդիսավոր ժամերգություն:

Ժամը 11-ին սկսվում է ս. պատարագը: Պատարագում է տ. Կոմիտաս եպս. Տեր-Ստեփանյանը:

Ժամը 12-ին Վեհափառ Հայրապետը առաջնորդվում է Մայր տաճար՝ ներկա լինելու ս. Ծննդյան պատարագին, որը հանդիսավորությամբ շարունակվում է մինչև «Հայր մեր»-ը:

«Հայր մեր»-ից առաջ Վեհափառ Հայրապետը առաջնորդվում է Ավագ սեղան՝ Իր ոգեշունչ քարոզով ավետելու Քրիստոսի Ծննդյան հոգևոր բերկրանքը և ավետիսը եկեղեցուն և ողջ հայությանը:

Հայոց Հայրապետի քարոզը տպագրվել է սույն համարում (էջ 3):

Հավարտ ու պատարագի հաղորդություն են առնում ինչպես հավատացյալներից շատերը, այնպես էլ սփյուռքահայ բազմաթիվ ուսանող-ուսանողուհիներ:

Ս. պատարագից հետո ավանդական շքով Մայր տաճարում կատարվում է Փրկչի մկրտության տոնը՝ Զրօրհնյաց հանդեսը՝ պատարագիչ տ. Կոմիտաս Եպիսկոպոսի հանդիսադրությամբ:


Ս. Սեդանի առջև դրված են կաթսանք՝ լցված ջրով: Պատարագիչ սրբազանը խաչը ջուրն է գցում, և տաճարի կամարների տակ հնչում են «Այսօր ձայնն հայրական» և «Ով զարմանալի» մեղեդիները:

Հավարտ Զրօրհնյաց հանդեսի Վեհափառ Հայրապետը թափոռով առաջնորդվում է Վեհաբան՝ ընդունելության դահլիճը:

Հանուն Գերագույն հոգևոր խորհրդի, Մայր Աթոռի միաբանության, պաշտոնեու-

թյան տ. Հուսիկ Եպս. Սանթրույանը ու Ծմնդյան տոնի առիթով շնորհավորում է Հայոց Հայրապետին՝ ցանկանալով Նրան բաջատողջություն, արևաատություն և հովվապետական երկար-երկար օրեր՝ ի փառս Մայր Աթոռի շինության և պաշտության:

Այնուհետև օրհնության խոսք է ասու Նորին Սրբությունը: Նա իր խոսքի սկզբում վշտով անդրադառնում է Մայր Աթոռի, անձամբ Իր և ընդհանրական հայ եկեղեցու կրած կորստի՝ Մայր տաճարի լուսարարապետ տ. Հայկազուն արքեպ. Արքամամյանի մահվան տխուր առիթին: Ապա Նորին Սրբությունը շնորհավորում է բոլոր ներկաներին՝ Ծմնդյան տոնի առթիվ, օրհնում է ազգքն ու եկեղեցին, հայրենիքն ու ժողովրդին և խաղաղություն է բարեմաղթում ողջ աշխարհին ու համայն մարդկությանը:





Ս. ՍՏԵՓԱՆՈՍԻ ՏՈՆԸ ԵՎ ՍԱՐԿԱՎԱԳՆԵՐԻ ՁԵՌՆԱԴՐՈՒԹՅՈՒՆ ՄԱՅՐ ԱԹՈՌՈՒՄ

Դեկտեմբերի 25-ին, շաբաթ օրը, Մայր Աթոռում ավանդական շուքով տոնվեց առաջին նախավկա և մարտիրոս ս. Ստեփանոսի տոնը:

Սովորաբար Մայր Աթոռում գեղեցիկ ավանդույթ է դարձել սույն տոնի ուրախ առիթով հոգևոր ճեմարանի լսարանական բաժնի ուսանողներից ոմանց սարկավագական աստիճանի շնորհումը:

Ուրբաթ երեկոյան Մայր տաճարում կատարվում է ս. Ստեփանոսի տոնի նախատոնակը: Օրվա հանդիսության շարականները կատարում են Մայր Աթոռի սարկավագները: Ժամերգության ավարտին տ. Հուսիկ եպս. Սանթրույանը կիսասարկավագության աստիճան է շնորհում հոգևոր ճեմարանի Բ լսարանի հինգ ուսանողների. «Արկանէ գրագկուրարն յահեակ բագուկն նորա, և տայ ի ձեռն զսկիհն դատարկ և զմաղզմայն, և զամենայն զգեստ պատարագին և զշուշիսն և զխորհրդատետրն»:

Ծաբաթ առավոտյան սկսվում է հանդիսավոր ժամերգությունը: Հնչում են ս. Ստեփանոսին նվիրված քաղցրահնչուն «Նախատակ բարի Քրիստոսի», «Ընդ երկնայնոց», «Նախասարկաագ և առաջին մարտիրոս» և «Ստեփանոս քաղցրիկ տատրակ» շարականները, որոնց երգեցողության տակ նորընծաների հոգիները համակվում են օրվա խորհրդով:

Ուրախ է ճեմարանի տեսչությունը, դասախոսական կազմը և հավատացյալների բազմությունը, որովհետև հինգ մատաղ հոգիներ իրենց նվիրում են հայ եկեղեցու հոգևոր սպասավորությանը:

Երեկ էր, երբ նրանք դեռ պատանիներ և անմշակ հոգիներ ունեցին հոգևոր ճեմարանից ներս, բայց վանական մեղոյրտում և իրենց դասախոսների շնչի ներքո անցին հոգով և մարմնով, ձեռք բերեցին հոգևոր և մտավոր գիտելիքներ և այսօր Մայր տաճարի ս. Սեդանի առաջ խոստանում են իրենց ողջ հոգեկան և իմացական կարողությունները ի սպաս դնել հայ եկեղեցու պայծառությանը և շինությանը:

Հանդիսավոր ժամերգությունը շարունակվում է մինչև ժաշոց գրքի ընթերցումը, որից հետո տ. Հուսիկ եպս. Սանթրույանը հոգեվոր ճեմարանի տեսչության միջնորդությամբ և ազգիս Վեհափառ Հայրապետի բարեհաճ արտոնությամբ սարկավագական աստիճան է շնորհում Բ լսարանի ուսանողներ Վրեժ Նաջարյանին, Սամվել Պետրոսյանին, Հակոբ Խաչատրյանին, Նորայր Ավագյանին և Ավետիք Արաքաջյանին:

Ձեռնադրության հանդիսությունը կատարվում է ըստ Ձեռնադրության Մաշտոցի, սուրբ գրական ընթերցումներով, համապատասխան շարականներով՝ ոգեկոչելով «աստուածային և երկնային շնորհ, որ միշտ լնու զպէտս սրբոյ սպասաւորութեան առաքելական եկեղեցոյ, կոչէ զնոսա ի դպրութենէ ի սարկաւագութիւն ըստ վկայութեան անձանց իրեանց և ամենայն ժողովրդեան»:

Այնուհետև ձեռնադրիչ եպիսկոպոսը տալիս է օրհնությամբ «զսուրբ ուրարս», «իշխանութիւն ընթերցումով զսուրբ Աւետարանս, յեկեղեցիս Աստուծոյ» և «հրաման խնկարկել և բուրել հոտ անուշութեան ի սպասաւորութիւն խորհրդոյն»:

Չեմնադրությունից հետո սկսվում է ս. պատարագը, որին սպասարկում են նորընծա հինգ սարկավագները: Պատարագում է հոգևոր ճեմարանի տեսուչ տ. Հովհաննես

սուրբ ուխտի: Դուք վեր բարձրացրիք ձեր աղոթող ձեռքերը՝ ուխտելով ծառայել մեր սուրբ եկեղեցուն: Լուծը ծանր է, բայց քաղցր, եթե այն կրեք Աստուծո՝ օգնականու-



Մի պահ ձեմնադրության արարողությունից

քին. Մարությանը: «Հայր մեր»-ից առաջ, օրվա տոնի և ձեմնադրության խորհրդի վերաբերյալ պատարագիչ տեր հայրը քարոզելիս ասում է.

«Մայր Աթոռ ս. Էջմիածնում վերջին տարիներին ավանդություն է դարձել ս. Ստեփանոսի տոնի օրը սարկավագական ձեմնադրություն կատարել:

Ահա այսօր մեր աչքերի առաջ, Միածնա-Էջ այս ս. կամարների տակ, հոգևոր ճեմարանի բարձր լսարանի հինգ սաներ Աստուծո՝ կանչով առաջնորդված, ժողովրդի հոգևոր ծառայության ձայնին անսալով ծնրադիր իրենց ուխտը կատարեցին՝ նվիրվելու համար Տիրոջ սուրբ Սեղանին:

Միրելի զավակներ, Ամենայն Հայոց Հայրապետը, ձեր դասախոսները, ձեր ծնողներն ու հարազատները, ինչպես նաև մեր հավատացյալ ժողովուրդը հուզումով և հոգեկան մեծ հրճվանքով վկաները եղան ձեր

թյամբ: Աստված ձեզ հետ, ձեզ հետ են նաև հայ եկեղեցու մեծ վարդապետների ոգին ու ժողովրդի լուսաշող պատմությունը: Ապավինեցեք նախ Աստուծուն և ապա ձեր հայրերի հավատքին, ունեցեք զոհողության և հայրենասիրության ոգի:

Դուք այս րոպեից սովորական ուսանողներ չեք, այլ ս. Հոգու շնորհներով հոգևոր սպասավորության կանչված արիասիրտ պատանիներ: Հավատում ենք, որ մի քանի տարիներ հետո պիտի կատարեք ձեր երկրորդ մեծ ուխտը, դարձյալ այս սեղանից՝ պատարագելու ու պատարագվելու համար հանուն Տիրոջ Սեղանին:

Աստուծո՝ շնորհները ստացած եք, բայց եթե ձեր մեջ հավատքը, նվիրումի ոգին, աշխատասիրությունը, հայրենասիրությունը, մարդասիրությունը չչորացնեք, ձեր ունեցած շնորհները կմեղմեն ձեր մեջ, և կյանքում կդառնաք վրիպած մարդիկ:

Այսօր ոչ ոք ձեզանից չի պահանջում ս. Ստեփանոս Նախավկայի նման ձեր արյունը թափելը: Բայց տարբերություն չկա նահատակության և զոհողության միջև: Ամեն ճշմարիտ ու հավատավոր հոգևորականի կյանքը ամենօրյա պատարագ է, տքնություն, զոհողություն, հանուն Ավետարանի ճշմարտության և մարդու հոգու փրկության և խաղաղության: Ս. Ստեփանոսի նման եղեք արիասիրտ և դժվարությունների առաջ չընկճվող: Ձեզ առաջնորդող ուժը լինի Քրիստոսի Ավետարանը և ձեր ժողովրդի պատմությունը:

Տարիներ առաջ եկաք այստեղ անկազմակերպ հոգով ու մտքով, բայց հավատքով նվիրվելու հոգևոր այս սպասավորության: Ձեր ստացած հայեցի և քրիստոնեական դաստիարակությունը, Հայոց Վեհափառ Հայրապետի հայրական ու ամենօրյա հոգատարությունը ձեզ մղեցին անվարան կրելու այս քաղցր լուծը: Դուք այստեղ սնվել եք նույն մոր երկու ստինքներից՝ հայ եկեղեցու և հայ ժողովրդի պատմությունից: Չդավաճանեք այն ոգուն, որ ձեզ կանչում է դեպի ծառայություն:

Այսօրվանից, այս բարձունքից, նոր կյանքով պետք է ապրեք: Միշտ առաջ նայեցեք, դեպի բարձունքները, «Աստուած խօսեցաւ ի բարձանց»: Պարտականության գիտակցությունը, ծառայության ոգին ձեզ միշտ առաջ թող մղի: Դուք այրվելով, լույս տալով է, որ պիտի ապրեք: Դուք Աստուծո գործի մշակներն եք դառնալու, Ավետարանի լույսն եք տանելու մարդկանց հոգիների մեջ:

Ձեր կյանքում ձեր առաջ թող բացվի ս. Ստեփանոսի և մեր հայրերի թափած արյունով ոռոգված Քրիստոսի լուսաշող ճանապարհը: Եվ դուք արիացած ու խանդավառ, համարձակ ընթանաք այդ ճանապարհով:

Թող Աստուծո օգնականությունը լինի ձեզ հետ: Թող մեր սուրբ նախնյաց և նրանց արժանավոր հաջորդ ազգիս Վեհափառ Հայրապետի օրհնությունը լինի ձեզ հետ: Թող ձեզ հետ լինեն մեր ժողովրդի սերն ու վրաստահությունը այժմ և միշտ և հավիտյանս հավիտենից, ամեն:

Ս. պատարագից հետո տ. Հուսիկ եպս. Սանթրույանը և ճեմարանի տեսուչը նորընձաներին առաջնորդում են Վեհափառ Հայրապետի մոտ, որը հայրական սիրով ընդունում է Իր հոգևոր զավակներին, օրհնում

նրանց հոգևոր ծառայության սուրբ ուխտը և հորդորում լինել ս. Ստեփանոսի նման Աստուծո գործին նվիրված հավատքի և աղոթքի մարդիկ:

Նույն օրը, ժամը 15-ին, հոգևոր ճեմարանի սեղանատանը, ի պատիվ նորընձա սարկավագների, տրվում է ճաշկերույթ, որին մասնակցում են նաև ճեմարանի դասախոսները:

Սեղանը օրհնում է տ. Հուսիկ եպս. Սանթրույանը:

Ուսանողներին, մանավանդ նորընձա սարկավագներին ուղղված սրտի խոսք են ասում դասախոսներ Գ. Գյուլյանը և Ս. Անթոնյանը: Իսկ Ա. լսարանի ուսանող Մ. Մարգարյանը ողջ ուսանողության ամունից շնորհավորում է նորընձա սարկավագ եղբայրներին:

Այնուհետև նորընձա սարկավագների ամունից Վեհափառ Հայրապետին, ինչպես նաև ճեմարանի դասախոսներին ուղղված երախտագիտության և շնորհակալության խոսք է ասում Ավետիք սարկավագ Արաբաջյանը:

Ճաշկերույթը վերջանում է ժամը 16.30-ին:

Բարեշնորհ Վրեժ սրկ. Նաջարյան. ծնվել է Հալեպ քաղաքում, 1952 թվականին: Ավարտել է Բեյրութի Թեքեյան նախակրթարանը, ապա սովորել է Հովակիմյան-Մանուկյան երկրորդական վարժարանում: 1968 թվականին ընդունվել է հոգևոր ճեմարան:


Բարեշնորհ Սամվել սրկ. Պետրոսյան. ծնվել է 1955 թվականին Թբիլիսիում: Մանուկ հասակում ընտանիքի հետ տեղափոխվել է Երևան և ավարտել 6-րդ դասարանը: 1967 թվականին ընդունվել է հոգևոր ճեմարան:

Բարեշնորհ Հակոբ սրկ. Խաչատրյան. ծնվել է 1951 թվականին Երևանում: Ավարտել է միջնակարգ դպրոցը: 1966 թվականին ընդունվել է հոգևոր ճեմարան:

Բարեշնորհ Նորայր սրկ. Ավագյան. ծնվել է 1948 թվականին Արտաշատում: Ավարտել է տեղի միջնակարգ դպրոցը: 1968 թվականին ընդունվել է հոգևոր ճեմարան:

Բարեշնորհ Ավետիք սրկ. Արաբաջյան. ծնվել է 1951 թվականին Երևանում: Ավարտել է միջնակարգ դպրոցը: 1970 թվականին ընդունվել է հոգևոր ճեմարան:





ԱՄԱՆՈՐԸ ՀՈԳԵՎՈՐ ԺԵՄԱՐԱՆՈՒՄ

1971 թվականի վերջին օրն է, դեկտեմբերի 31-ը, ուրբաթ: Արտակարգ աշխուժություն է տիրում հոգևոր ճեմարանի դահլիճում. մի առանձին ուրախություն է համակել բոլորի հոգիները:

Ամանորյա սոխաղական սեղանները ծանրաբեռնված են հայրենի դաշտերի բարիքներով և ոսկեգույն գինիներով: Այդ սեղանների շուրջ բոլորել են Գերագույն հոգևոր խորհրդի անդամները, Մայր Աթոռի միաբանությունն ու պաշտոնեությունը, հոգևոր ճեմարանի ողջ ուսանողությունը, դասախոսական կազմը և այլ հրափայտներ:

Որոշյալ ժամին Վեհափառ Հայրապետը, շրջապատված բարձրաստիճան հոգևորականներով, ծափահարությունների տակ մուտք է գործում դահլիճ և բազմում Իրեն հատկացված բազկաթոռին:

Ողջ դահլիճը հոտնկայա ունկնդրում է Հայաստանի պետական հիմնի երաժշտությունը, որը դաշնամուրի վրա կատարում է Գ դասարանի ուսանող Կիրակոս Հովնաթյանը: Ուսանողական երգչախումբը կատարում է «Ճեմարանի քայլերգ» խմբերգը:

Ամանորի սեղանը օրհնում է Վեհափառ Հայրապետը:

Հանուն ճեմարանի տեսչության, Վեհափառ Հայրապետին և ներկայներին ողջված շնորհավորական խոսքով հանդես է գալիս հոգևոր ճեմարանի տեսուչ արժ. տ. Հովհաննես քհն. Մարտիրոսյանը և ասում.

«Վեհափառ Տեղ,

Մի քանի ժամ ևս և արդեն պատմություն դարձած հավերժի գիրկն է անցնելու հին տարին: Ինչպիսի՜ մտքեր ու հույզեր ասեք չեն համակում մեզ այս րոպեին:

Հավիտենական, միշտ կրկնվող ու նորոգ այս կյանքի մեջ մարդ արարածը իր գոյությունը հավերժացնելու, իմաստավորելու համար ստեղծել է ժամանակի հասկացողությունը իր կատարած աշխատանքները, իր անցած ողին արժեքավորելու համար: Իսկ Նոր տարին մարդու համար դարձել է միշտ կրկնվող, վերանորոգվող կյանքի խորհրդանիշը:

Այսօր կյանքի վերելքի աստիճանների վրա կանգ առնելու պահն է: Մեզանից յուրաքանչյուրը հետադարձ մի հայացք է նետում: Ունենում ենք ուրախության և տխրության զգացումներ, ուրախանում ենք մեր հաջողություններով, տխրում, երբ տեսնում ենք հավերժի գիրկը գլորվող հին տարվա մեջ մեր բարոյական և հոգեկան վրիպումները:

Աստուծո կամքով, նվիրական այս պահին դարձյալ հավաքվել ենք հոգևոր ճեմարանի հարկի տակ՝ տոնելու Նոր տարին:

Համայն մարդկությունը իր կյանքի հեփնե ընթացքի մեջ չունի մի որևէ օր կամ ժամ, որտեղ միասնական կերպով խորհի, մտածի ու ապրի տվյալ պահը: Հին տարվա վերջին ժամերը, րոպեները համայն մարդկությանը

մի մտածումի շուրջ են հավաքում, և հարցը ծառանում է բոլորիս առաջ. «Ի՞նչ կարողացանք անել հավաքապես և որպէս անհատներ»:

Մեր ժողովուրդը այս տարի ևս բոլորեց խաղաղ, ստեղծագործական մի շրջան և՛ հայրենիքում, և՛ սփյուռքում: Ծարունակվեցին կառուցվել հայրենի հողի վրա նոր ձեռնարկություններ, բնակելի շենքեր, մշակութային օջախներ, դպրոցներ և հիվանդանոցներ: Մեր ժողովուրդը ունեցավ տնտեսական, մշակութային, ազգային վերելքի մի շրջան:

Իսկ Մայր Աթոռ ս. Էջմիածնում և մեր բոլոր թեմերում այս տարի ևս, Վեհափառ Տեր, Ձերո՛ր Սրբության անմիջական և հոգեվոր հովանու տակ շարունակվեցին մեր ազգային-եկեղեցական կյանքը ընդգրկող աշխատանքները: Յուրաքանչյուր ուխտավոր, որ ոտք է դնում ս. Էջմիածին, տեսնում է Ձերո՛ր Սրբության հոգևոր, շինարար աշխատանքը, Ձեր հայրական վերաբերմունքը նաև դեպի հոգևոր ճեմարանը:

Ուրախ ենք նշելու, որ Ձեր բարձր կարգադրությամբ ս. Ստեփանոսի տոնի օրը սարկավազ ձեռնադրվեցին հոգևոր ճեմարանի Բ լսարանի հինգ սաներ՝ աճեցնելով թիվն ու որակը Մայր Աթոռի միաբանության և հայ եկեղեցու սպասավորության:

Հոգևոր ճեմարանի ուսանողությունը այս նոր տարում որպէս նվեր ստացավ Բեյրութից ասպարված արդիական հարմարավետ գրասենյակներ, սեղաններ ու աթոռներ, որի համար հոգևոր ճեմարանի տեսչությունը իր որդիական երախտագիտությունն ու շնորհակալությունն է հայտնում Վեհափառ Հայրապետի:

Վեհափառ Տեր, Ամենայն Հայոց Հայրապետությունը, ս. Էջմիածինը հալ ժողովրդի կրոնական և ազգային հավատքի կենտրոնն է և այն հոգեկան ամրոցը, որ հալ ոգին միշտ կենդանի է պահում, այն հաստատությունը, որը համայն հայությանը կապում է հայրենիքին: Դուք, Վեհափառ Տեր, անհատական կյանք ունեցող անձնավորություն չեք, այլ համահայկական այս Հաստատության ընտրյալ Գահակալը, որի ամեն մի հրահանգը հայության համար սրբություն է, իսկ Ձեր աղոթքները՝ օրհնություն ու բարիք:

Շնորհավորելով նաև բոլոր ներկաների՝ Նոր տարին, թույլ տվեք, Վեհափառ Տեր, բաժակ բարձրացնել Մայր Աթոռ ս. Էջմիածնի կենացը՝ Ձերո՛ր Սրբության արևշատության կենացը՝ ասելով.

Կեցցե՛ Մայր Աթոռ ս. Էջմիածինը:

Կեցցե՛ նրա արժանընտիր Գահակալը՝

մեր բոլորիս սիրելի Ամենայն Հայոց Հայրապետը:

Գեղարվեստական իր ճոխ ծրագրով հանդես է գալիս հոգևոր ճեմարանի երգչախումբը՝ եկրոպական երաժշտության դասախոս Խորեն Մելիսանեջյանի շնորհալի ղեկավարությամբ, և կատարում է «Հայրապետական մաղթանք», «Չանճառելի լուսու մայր», «Կաղանդ է այսօր», «Սեղանն է ստատ», «Հայոց գինին», «Կենաց երգ», «Այ Յողկա-Յողկա», «Ազգ փառապանծ», «Հայրենիքիս հետ», «Բամ փորտաւն» և «Էրեբունի» խմբերգերը:

Արարատ սրկ. Գալստյանի նախաձեռնությամբ վերջերս ստեղծված և նրա ղեկավարությամբ գործող Էստրադային նվագախումբը, Ա լսարանի ուսանող Գրիգոր Քեշիշյանի սենեկագույլամբ, կատարում է «Քելե, քելե», «Երևան», «Գլորիա՛ պելուիսա», «Ալագյազ» և «Գարուն Երևան» երգերը:

Այնուհետև խորհրդավոր լուսության մեջ օրհնության խոսք է ասում ազգիս Վեհափառ Հայրապետը և բոլորին ցանկանում քաջառողջություն, արևշատություն և բարձր տրամադրություն: Իր խոսքի վերջում Նորին Սրբությունը շեշտում է, որ ս. Էջմիածինը և մայր հայրենիքը այսօր քան երբևէ վայելում են մի իսկական խաղաղություն, բարօր կյանք, որի մասնը հալ ժողովուրդը երկարամիջ դարերի ընթացքում երազել է միայն:

Ապա Ա դասարանի ուսանող Միքայել Թուղլաջյանը և Բ դասարանի ուսանող Ադամի Բաբուջյանը երգեհոնի քաղցրահնչուն երաժշտության ողեկցությամբ երգում են «Առաւօտ լուսու» մեղեդին: Ա լսարանի ուսանողներ Հրանտ Աղաջանյանն ու Ավետիս Արթինյանը դաշնամուրի վրա կատարում են մի հատված Գ. Նիխազարյանի «Սևան» քալեոից, Բ լսարանի ուսանող Վրեժ Նաջարյանը՝ Ծուբերտի «Ավե Մարիա»-ն, Գ դասարանի ուսանող Կիրակոս Հովնանյանը՝ իր հորինած «Հայկական պար»-ը:

Բ լսարանի ուսանող Ավետիք Արաքաջյանն արտասանում է Գ. Սարյանի «Ժրագույց»-ը, նույն լսարանի ուսանող Հակոբ Խաչատրյանը՝ Հովն. Թումանյանի «Լուսավորչի կանթեղը», Ա լսարանի ուսանող Վաչե Նալբանդյանը՝ Դ. Վարուժանի «Ցան»-ը, իսկ Ա դասարանի ուսանող Լևոն Բաղդասարյանը՝ Միխայկովի «Պող մովի գող» քանաստեղծությունը:

Այնուհետև Վեհափառ Հայրապետին և ներկաներին ողջված սրտի խոսք են ասում, հանում Մայր Աթոռի միաբանության, Մայր տաճարի լուսարարապետ տ. Հայկազուն արքեպ. Աբրահամյանը, հանում Մայր Աթոռի պաշտոնեության՝ Պ. Ծախրազյանը,

հանուն ճեմարանի դասախոսական կազմի՝ դասախոս Սամվել Անթոնյանը:

Հանուն հոգևոր ճեմարանի ուսանողության հանդես է գալիս Սամվել արկ. Պետրոսյանը և Վեհափառ Հայրապետին ողջոված իր սրտի խոսքն ատում:

«Ամեն որ սրտի անհուն բերկրանքով և ապագայի նկատմամբ բոցավառ սիրով ու բազում հույսերով է դիմավորում Նոր տարին:

Ամանորը մեզ առիթ է տալիս խորհրդածելու, քննելու, թե ինչպե՞ս, ի՞նչ արդյունավորությամբ անցավ անցյալ տարին:

Մեր՝ հոգևոր ճեմարանի ուսանողներին համար անցյալ տարին եղավ արդյունաւատու ու բարեբեր մի տարի: Մենք արեցինք այն, ինչ որ կարողացանք՝ չնայած մեր ձգտումներն ու երազանքները շատ ավելին էին:

Կյանքը և գիտությունը, մեր բարեխիղճ դասախոսների շնորհիվ, մեզ շատ բան սովորեցրին: Ավելի ընդարձակվեց մեր մտային հորիզոնը: Մենք գիտության օվկիանոսն քայլ առ քայլ առաջ գնացինք, դեպի ազնիւ տեղ, ուր տանում է գիտությունն ու Աստուծո՛ւ սերը:

Կյանքը մի մատյան է, իր բազմաթիվ էջերով, որի յուրաքանչյուր էջը թերթվում է տարին մեկ անգամ, Ամանորի օրը: Ամեն անգամ, երբ թերթում ենք այն, մեր առջև պատկերվում է ապիտակ մի էջ, որը պետք է լցնենք մի՛նչև ու տարեկերք:

Լցնե՛լ միայն...

Արդյո՞ք բավական է այդքանը:

Հարկ է լցնել այն լավ գործերով, հայրենասեր ու եկեղեցական ձեռնարկումներով, մաքուր ու ազնիվ հոգեկան ապրումներով և բարեգործություններով:

Իսկ այն ժամանակ քո խիղճդ հանգիստ կլինի:

Մենք սիրում ենք մեր ժողովրդին:

Մենք սիրում ենք մեր եկեղեցուն:

Մենք սիրում ենք Աստուծույն:

Ամեն մի բար, ամեն մի մատյան, ամեն մի սրմունջ ու հոգու կարկաշ, ամեն մի հետապնդող դրվագ ու ողբալի էջ, որ կապված

է հայ ժողովրդի և հայ եկեղեցու հետ, սուրբ ու նվիրական է մեզ համար:

Եվ մենք ամեն կերպ կաշխատենք՝ նոր տարվա ընթացքում ավելի ևս կապվել հայ ժողովրդին ու հայ եկեղեցուն, ծառայել նրանց ու համբուրել սուրբ ու հերոսական, քնքրւշ ու նվիրական նրանց անունները:

Եվ այս ամենով փառավորել Աստուծո՛ւ անունը:

Իսկ մեր հոգիների աշապիսի կերտմանը պարտական ենք Ձեզ, Վեհափառ Տեղ, և մեր սիրելի դասախոսներին:

Նոր տարին գրեթե բոլոր տարիքի մարդկանց արտերում խիղճի կայծ ու բերկրանքի շող է առաջացնում: Սարդիկ սկսում են սիրել իրենց նմաններին ավելի, քան մյուս օրերին: Եվ սիրով ողջունում են միմյանց:

— Ընորհավոր ձեր Նոր տարին:

Թույլ տվեք, Վեհափառ Տեղ, հոգևոր ճեմարանի ուսանողության անունից շնորհավորել Ձեզ և բոլոր ներկաներին՝ ասելով:

— Ընորհավոր Ձեր Նոր տարին:

Եվ թող այս նոր տարվա թագավորության ընթացքում բոլոր անհաղթահարելի թվացող դժվար բացվեն Ձեր բոլորի առաջ: Թող իրականանան Ձեր և մեր երազանքները:

Ընորհավոր Նոր տարին»:

Հանկարծ հանգչում են դահլիճի լույսերը և խորհրդավոր մթության մեջ շարքով ներս են մտնում ուսանողները՝ վառված մոմերը ձեռքերին, տեղ գրավում երգեհոնի մոտ և անգլերեն լեզվով երգում Ծննդյան մի քանի սբանչելի երգեր ու բոլորն ծափահարությունների արժանանում:

Այնուհետև Բ լսարանի ուսանող Ավետիք Արաքաշյանը դիպուկ և բովանդակալից կադանդչեքներ է բաժանում ճեմարանի դասախոսներին և ուսանողությանը, որից հետո սկսվում է վիճակահանությունը, և ներկաներից շատերը շահում են գեղեցիկ և ճաշակով ընտրված իրեր:

Ամանորյա սույն հանդեսը ավարտվում է Վեհափառ Հայրապետի «Պահպանիչ»-ով և խմբովին երգված «Հայր մեր»-ով:

Ընորհավոր Նոր տարի:





Մ Ա Յ Ր Ա Թ Ո Ռ Ո Ւ Մ

Հունվարի 2-ին, կիրակի.—Նոր տարվա առթիվ Մայր տաճարում առաջին ա. պատարագն է մատուցում տ. Նշան քին. Բեյերյանը:

Հավարտ ա. պատարագի քարոզում է Մայր տաճարի լուսարարապետ տ. Հայկազուն արքեպ. Աբրահամյանը՝ «Դու, Տէր, գալստն ես ի լրումն հասցուցեր» բնաբանով, խորհրդածություններ է կատարում Նոր տարվա առթիվ, և սրտագին բարեմաղթություններով շնորհավորում է Հայոց Հայրապետի, հայ ժողովրդի և միաբանության Ամանորը:

Հավարտ ա. պատարագի, Վեհափառ Հայրապետի հանդիսադրությամբ, կատարվում է հայրապետական մաղթանք:

Ա. պատարագը և եկեղեցական այլ արարողությունները կատարում են հոգևոր ճեմարանի սաները՝ բարեշնորհ Արարատ սրկ. Գալստյանի ղեկավարությամբ:

Հունվարի 9-ին, կիրակի.—Այսօր Մայր տաճարում ա. պատարագ է մատուցում տ. Հակոբ քին. Հակոբյանը:

Ա. պատարագին ներկա էր Վեհափառ Հայրապետը:

*
* *

Հունվարի 13-ին, հինգշաբթի.—Տօն անուանակոչության Տեառն մերոյ Յիսուսի Քրիստոսի.

Մայր տաճարում ա. պատարագ է մատուցում տ. Նշան քին. Բեյերյանը: Ա. պատարագի երգեցողությունը կատարում է հոգևոր ճեմարանի ուսանողությունը:

Հավարտ ա. պատարագի ա. Գալանեի վանքում, տ. Հայկազուն արքեպիսկոպոսի գերեզմանի վրա, կատարվում է հոգեհանգիստ:

*
* *

Հունվարի 15-ին, շաբաթ.—Տօն ծննդեան սրբոյն Յովհաննու Կարապետին.

Այսօր Մայր տաճարում ա. պատարագ է մատուցում տ. Հովհաննես քին. Մարությանը:

*
* *

Հունվարի 16-ին, կիրակի.—Մայր տաճարում ա. պատարագ է մատուցում տ. Գևորգ վրդ. Սեբադարյանը և քարոզում Հովհաննես Մկրտչի կյանքի և գործունեության մասին:

Հավարտ ա. պատարագի հոգեհանգըստյան պաշտոն է կատարվում Նուպար Կյուլպենկյանի հիշատակին՝ Վեհափառ Հայրապետի նախագահությամբ:

Հունվարի 17-ին, երկուշաբթի.—Այսօր հոգևոր ճեմարանում սկսվում են կիսամյա քննությունները, որոնք շարունակվում են մինչև հունվարի 26-ը:

Հունվարի 17-ին, երկուշաբթի.—Այսօր, հին տոմարով ա. Ծննդյան տոների առիթով եկեղեցական տոնակատարություններին մասնակցելու համար, Ռուստով է մեկնում տ. Դևորգ վրդ. Սերադյարյանը, Թբիլիսի՝ Ժիրայր և Կորին սարկավագները, Կիրովաբադ՝ տ. Նշան քնն. Բեյլերյանը և Եղիշե սրկ. Բաղրամյանը, Արմավիր՝ Ծավարշ սարկավագը:

Հունվարի 23-ին, կիրակի.—Բարեկենդան Առաջատրաց պահոց.

Այսօր Մայր տաճարում ա. պատարագ է մատուցում տ. Հակոբ քնն. Հակոբայնը:

Հունվարի 25-ին, երեքշաբթի.—Այսօր Վեներեիկի Մխիթարյան վանքի միաբան հայր Եփրեմ վրդ. Տեր-Ղազարյանը ուխտավորաբար ժամանում է ա. Էջմիածին:

Մայր տաճարում իր ուխտն ու աղոթքը կատարելուց հետո հայր Եփրեմը ներկայանում է Վեհափառ Հայրապետին՝ Նրա օրհնությունը ստանալու:


Հայր Եփրեմ վրդ. Տեր-Ղազարյանը, Վեհափառ Հայրապետի կարգադրությամբ, հոգեվոր ճեմարանում կդասավանդի որոշ առարկաներ:

Հունվարի 29-ին, շաբաթ.—Այսօր ուխտավորաբար Մայր Աթոռ ա. Էջմիածին է ժամանում Դամասկոսի հայոց առաջնորդ տ. Կորյուն ծ. վրդ. Մանվելյանը:

Մայր տաճարում իր ուխտն ու աղոթքը կատարելուց հետո տ. Կորյուն ծ. վարդապետը ներկայանում է Վեհափառ Հայրապետին՝ Նրա օրհնությունը ստանալու:

Նույն օրը Մայր Աթոռ է վերադառնում տ. Աղան վրդ. Բալիոզյանը, որը 15 օր առաջ մեկնել էր Երուսաղեմ, ա. Ծննդյան տոների առիթով:

Հունվարի 30-ին, կիրակի.—Այսօր Մայր տաճարում ա. պատարագ է մատուցում տ. Նշան քնն. Բեյլերյանը, իսկ քարոզում է տ. Կորյուն ծ. վրդ. Մանվելյանը՝ «Էջ Միածինն ի Հօրէ և յուս փառաց ընդ նմա» քնարանով:





ՀԱՆԳԻՍ
ԳԵՐԱՇՆՈՐՀ Տ. ՀԱՅԿԱԶՈՒՆ ԱՐՔԵՊԻՍԿՈՊՈՍ
ԱԲՐԱՀԱՄՅԱՆԻ
(1906--1972)




Հունվարի լույս 4-ի գիշերը, ժամը 2-ին, ս. Էջմիածնում, իր բնակարանում, 65 տարեկան հասակում, արյան զեղումի հետևանքով վախճանվեց Մայր տաճարի լուսարարապետ տ. Հայկազուն արքեպ. Աբրահամյանը:

Հայոց Հայրապետը, Մայր Աթոռ ս. Էջմիածինն ու Հայաստանյայց եկեղեցին մեծ կորուստ կրեցին:

Մեր եկեղեցական-ազգային կյանքից վաղաժամ հեռացավ հոգևոր ու բարոյական արժանիքներով հարուստ և օժտված բարի

ու հայրենասեր մի հոգևորական, որն իր ամբողջ գիտակցական կրակը առանց մնացորդի նվիրել էր Հայաստանյայց եկեղեցու

Պատանի Հայեր 1918 թվականին ծնողների հետ գաղթում է Սարմատի վրայով դեպի Պարսկաստան՝ տարագրության ար-



Գաղաղի մեջ

հոգևոր սպասավորության նվիրական գործին:

Հանգուցյալ տ. Հայկազուն արքեպ. Արքանամյանը, ավագանի անունով Հայկ, ծնվել է 1906 թվականի մայիսի 16-ին Վանում, բերդակցի հայ հավատավոր գյուղացու ընտանեկան հարկի տակ:

1915 թվականի ապրիլի վերջին, Վանի հերոսական ինքնապաշտպանությունից հետո, պատանի Հայկը իր համաքաղաքացիների հետ գաղթում է իր ծննդավայրից և բազմահազար վասպուրականցիների հետ հասնում Ղամարլու (այժմ՝ արտաշատ), ուր երեք տարի հաճախում է գաղթականաց վարժարանը և սպա հաստատվում Երեվանում, ծնողների հետ:

1917 թվականի կեսերին վասպուրականցի գաղթականների մի մեծ խմբի հետ վերադառնում է Վան և հազիվ տուն-տեղ դարձած, նոր արհավիրքներ են հասնում և նոր դժբախտության և ողբերգության դուռ է բացվում Վասպուրական աշխարհի պատմական հայ ժողովրդի համար:

Գաղթականի ցուպը ձեռքին անտուն ու տնավեր է լինում ողջ Վասպուրականը. «Կու՛ծ մի արցունք առ իմ այրած հայրենիք»:

յունոտ ճանապարհի վրա կորցնելով ծնողներին ու հարազատներին:

1920 թվականին, որբության կրակե շապիկը հագած, ընկնում է Բաղդադ և ընդունվում Հայկական բարեգործական ընդհանուր միության Նահր Օմարի հայկական որբանոցը՝ նույն ողբերգական տխուր ճակատագրին ենթարկված իր համաքաղաքացի ընտանիքների՝ տ. Սիոն, տ. Զգոն, տ. Սերովբե, տ. Եղիշե, տ. Հալիկ սրբազանների հետ:

1922 թվականին պատանի Հայկը փոխադրվում է իր ընկերների հետ Երուսաղեմ՝ Արարատյան որբանոցը և 1923 թվականին ընդունվում ս. Հակոբյանց վանքի Ժառանգավորաց վարժարանը, որը նոր էր բացվել տ. Եղիշե պատրիարք Դուրյանի օրով:

1927 թվականին, վարժարանի քառամյա ընթացքը հաջողությամբ ավարտելով, նույն տարում սարկավազ է ձեռնադրվում Դուրյան պատրիարքից և, 1930 թվականին ավարտելով ընծադարանի եռամյա աստվածաբանական դասընթացը, կուսակրոն քահանա է ձեռնադրվում տ. Մեսրոպ եպս. Նշանյանից՝ վերանվանվելով տ. Հայկազուն արքեպ:

Այնուհետև, 1930—1957 թվականներին,

ծրաջան հոգևորականի առաջ քաջվում է ա. Հակոբյանց պատմական վանքում կրթական-վանական, վարչական-հովվական ծառայության լայն ասպարեզ:

1930—1941 թվականներին ձեռնհասորեն վարում է Յաֆայի հայոց ա. Նիկողոս վանքի և հայ գաղութի տեսչությունը:

1941 թվականին վերադառնալով վանք, վարում է պատասխանատու տեսչական պաշտոններ՝ անդամակցվելով նաև վանական-վարչական վերին Մարմին՝ Տնօրեն խորհրդին:

1954 թվականի մայիսին, իբրև Երուսաղեմի հայոց պատրիարքության ներկայացուցիչ, գալիս է մայր հայրենիք՝ մասնակցելու լուսահոգի Տ. Գևորգ Զ Ամենայն Հայոց Հայրապետի թաղման արարողությանը:

1955 թվականի հոկտեմբերին Մայր Աթոռում մասնակցում է Տ. Տ. Վազգեն Ա Ամենայն Հայոց կաթողիկոսի ընտրությանը՝ որպես Երուսաղեմի հայոց պատրիարքության և Պաղեստինի հայության պատգամավոր:

Տ. Հայկազուն վարդապետը նույն թվականի հոկտեմբերի 6-ին ա. Էջմիածնում եպիսկոպոս է ձեռնադրվում նորընտիր Հայոց Հայրապետից:

1957 թվականի հոկտեմբերին տ. Հայկազուն արքազանը, ընդառաջելով Հայոց Հայրապետի հրավերին, ընդմիջող վերադառնում է ա. Էջմիածին և ստանձնում նախ հոգևոր ճեմարանի վերատեսչությունը, ապա Մայր տաճարի լուսարարապետությունն ու Գերագույն հոգևոր խորհրդի ատենապետությունը՝ մինչև իր մահը՝ 1972 թվականի հունվարի 4-ը:

Հունվարի 4-ին, երեքշաբթի օրը, ժամը 16-ին, հանգուցյալ արքազանի մարմինը եկեղեցական թափորով լուսարարապետականից փոխադրվում է Մայր տաճար և դրվում Խժման ա. սեղանի առաջ, ուր և կատարվում է հոգեհանգստյան արարողություն:

Հանգուցյալ արքազանի մարմինը Մայր տաճարում մնում է մինչև հունվարի 5-ը, չորեքշաբթի, ժամը 11-ը, երբ եկեղեցական թափորով փոխադրվում է ա. Գայանեի վանք:

Հունվարի 7-ին, ուրբաթ, մեռելոցի օրը, ա. Գայանեի վանքում, Հայոց Հայրապետի նախագահությամբ, հանդիսավորությամբ կատարվում է տ. Հայկազուն արքեպ. Աբրահամյանի վերջին օծման և թաղման կարգը:

Հոգեհանգստյան ա. պատարագը մատուցում է և վերջին օծման կարգը կատարում Աղբյուրանի թեմի հայոց առաջնորդ և Գերագույն հոգևոր խորհրդի անդամ տ. Հունիկ եպ. Սանթրոյանը:

Հոգեհանգստյան սուրբ պատարագի երգեցողությունը կատարում է Մայր տաճարի քառաձայն երգչախումբը՝ խմբավար Խորեն Մելիսանջյանի ղեկավարությամբ:

Ս. տաճարը լիքն է սգակիր բազմությամբ: Հանգուցյալ արքազանը վերջին արտառույ «Ողջուն»-ն է տալիս իր եկեղեցուն, իր ժողովրդին, «Ողջո՛ւն քեզ, սուրբ եկեղեցի, ողջո՛ւն քեզ, սեղան արքութեան... Դասք բահանալութեան... Ողջո՛ւն ձեզ, մանկունք եկեղեցույ և համօրեն ժողովրդականք... Ես ճանապարհորդեցի առ Քրիստոս յույն ամենեցուն»:

Հայոց Հայրապետը տխուր ու վշտի տակ ընկճված առաջնորդվում է ա. Սեղան՝ Իր դամբանականը խոսելու: «Եղիցի նա որպէս Ծառ որ տնկեալ է ի գնացս ջուրց» (Սաղմ. Ա. 3) բնաբանով, Հայոց Հայրապետը Իր բովանդակալից և արտառույ դամբանականի մեջ խոսում է տ. Հայկազուն արքեպիսկոպոսի մահով Մայր Աթոռի, Իր և հայ եկեղեցու կրած մեծ կորստի մասին և ապա վեր հանում հանգուցյալ արքազանի ծառայությունները Երուսաղեմում և մանավանդ ա. Էջմիածնում, 1957—1972 թվականներին, որպես Իր անմիջական գործակցի, Մայր տաճարի լուսարարապետի և Գերագույն հոգևոր խորհրդի ատենապետի հավատավոր, բարի ու ազնիվ և հայրենասեր հոգեվորականի:

Հայոց Հայրապետի դամբանականը ընդհատվում էր հաճախ արցունքներով:

Հավարտ ա. պատարագի Վրաստանի հայոց թեմի առաջնորդ և Գերագույն հոգևոր խորհրդի անդամ տ. Կոմիտաս եպ. Տեր-Ստեփանյանի նախագահությամբ կատարվում է հանգուցյալ տ. Հայկազուն արքեպիսկոպոսի թաղման կարգը:

Հանգուցյալ արքազանի մարմինը ամփոփվում է ա. Գայանեի վանքում՝ միաբանական գերեզմանատանը:

Հանգուցյալ արքազանի վրա հուզումնալից դամբանական է խոսում «Էջմիածին» ամսագրի խմբագիր Արթուն Հատիտյանը, որը 1929 թվականից Երուսաղեմի հայոց և ապա Մայր Աթոռում տ. Հայկազուն արքեպիսկոպոսի հետ կապվել էր 43 տարիների անմալ բարեկամությամբ ու պողատատ գործակցությամբ:

Դամբանական է խոսում նաև Երևանի հայ ավետարանական համայնքի կողմից վերապատվելի Սարգիս Կոնույանը:

Հանգուցյալ տ. Հայկազուն արքեպ. Աբրահամյանի հիշատակին կատարված հոգեհանգստյան սուրբ պատարագին և վերջին օծման ու թաղման կարգի կատարմանը ներկա է լինում ՀՍՍՀ Միևիստրների սովետին առընթեր հայ եկեղեցու գործերի խորհրդի

նախագահի տեղակալ Սուրեն Հովհաննիսյանը:

Թաղման արարողությունից հետո Վեհափառ Հայրապետը Վեհարանում ընդունում է Գերագույն հոգևոր խորհրդի, Մայր Աթոռի միաբանության, պաշտոնեության, հոգևոր ճեմարանի դասախոսական կազմի և տ. Հայկազուն արքեպիսկոպոսի հայրենաբնակ հարազատների՝ Արամ և Պերճոնի Դավթյան ընտանիքի անդամների ցավակցությունները:

Ժամը 15.30-ին վանական սեղանատանը, տ. Կոմիտաս սրբազանի նախագահությամբ, տրվում է հոգեմաշ, ուր հանգուցյալ տ. Հայկազուն սրբազանի հիշատակը մի անգամ ևս ոգեկոչում են տ. Կոմիտաս եպիսկոպոսը, տ. Հովհաննես քհն. Մարությանը, հանուն Գերագույն հոգևոր խորհրդի՝ Սարգիս Մեղիքսեյանը, հոգևոր ճեմարանի դասախոսներ Գրիգոր Գյուլյանն ու Սամվել Անթոնյանը:

Վերջում, օրվա տխուր արարողությունները եզրափակելուց հետո, տ. Կոմիտաս սրբազանը շնորհակալություն է հաղտնում բոլոր ներկաներին, որ հարգեցին հանգուցյալ սրբազանի հիշատակը՝ եկան բաժանելու Մայր Աթոռի վիշտն ու մեծ կորուստը:

Տ. Կոմիտաս սրբազանը բարեմաղթություններ է կատարում Հայոց Հայրապետի


կենաց արևշատության և Մայր Աթոռի անսասնության և պաշտության համար:

Տ. Հայկազուն արքեպիսկոպոսի մահվան տխուր առիթով, հանուն Վեհափառ Հայրապետի, ցավակցական հեռագրեր են ստացվում, խորունկ վշտով և միախառնության եղբայրական ջերմ զգացմունքներով, Անթիպասի Մեծի Տանն Կիլիկիո Տ. Խորեն Ա կաթողիկոսից, Երուսաղեմի հայոց տ. Եղիշե պատրիարքից, Կ. Պոլսի հայոց տ. Ծնորհր պատրիարքից, թեմակալ բոլոր առաջնորդներից, հովվություններից, ազգային-եկեղեցական մարմիններից, ինչպես նաև բոլոր եկեղեցիներից և այլ բազում անձնավորություններից:

Հայոց Հայրապետի անունով ցավակցական հեռագրեր էին ուղարկել նաև ՀՍՍՀ Սինիստրների սովետին առընթեր հայ եկեղեցու գործերի խորհրդի նախագահ Ս. Գասպարյանը, Սիվուրքահայության հետ մշակութային կապի կոմիտեի նախագահ Վ. Համազասպյանը, Խաղաղության պաշտպանության հանրապետական կոմիտեի նախագահ Գրիգոր Տեր-Գրիգորյանը, ս. Մեսրոպ Մաշտոցի անվան Մատենադարանի տնօրեն պրոֆ. Լ. Խաչիկյանը և բազում այլ անձնավորություններ:

Խոնկ ու աղոթք տ. Հայկազուն արքեպիսկոպոսի նվիրական հիշատակին:





ԳՐԻԳՈՐ ԳՅՈՒԼՅԱՆ

Տ. ՀԱՅԿԱԶՈՒՆ ԱՐՔԵՊԻՍԿՈՊՈՍ ԱԲՐԱՀԱՄՅԱՆԻ ՊԱՅԾԱՌ ՀԻՇԱՏԱԿԻՆ

Թեև դժվար է հավատալ, բայց փաստ է, անողոր փաստ: Չկա այլևս մեր սիրելի սրբազանը: Մեզնից ընդմիշտ հեռացավ մեր բարեկամը, մեր հարազատը, մեր սիրելին: Մեզնից հեռացավ այն պայծառ հոգևորականը, որ ավելի քան տասնհինգ տարի վանքը լցրեց իր հմայքով, իր անսահման նվիրումով, իր ծառայական ոգով:

Թոչուցի նման թռավ-գնաց սրբազանը. գնաց՝ առանց ազդանշանի, առանց նախապես մեզ պատրաստելու վշտի անողոր հարվածներին: Վիշտը պսօթ բռնել է մեր կողորդից, սեղմում է: Չգիտենք՝ ինչ է կատարվում մեզ հետ. ժամ առ ժամ խորանում է կակիծը, ակնհայտ է դառնում կորստի մեծությունը: Մեզ համար դժվար է հաշտվել այն մտքի հետ, որ սրբազանը մեզ հետ չէ, մեզ հետ չի լինելու: Էլ չենք տեսնելու նրան՝ սե կամ սպիտակ կապա հագած վանքի բակում զբոսնելիս. էլ չենք տեսնելու նրան՝ բարի ժպիտը դեմքին՝ բանվորների մոտ, գրասենյակում, հոգևոր ճեմարանի ուսուցչարանում, Մայր տաճարում: Էլ չենք տեսնելու նրան՝ Ամենայն Հայոց Հայրապետի կողքին բազմած՝ Նրա հետ զարդարելու համար մեր հավաքյություններն ու մեր հանդիսությունները: Կարծես երազ էր, ցնդեց. անցավ ու գնաց: Պակասեց միայն մի հոգի. բայց կարծես մի պահ վանքը դատարկվեց: Այն-բան հզոր էր Հայկազուն սրբազանի անձնական հմայքը:

Տասնհինգ տարի առաջ նա այստեղ եկավ

հեռու Երուսաղեմից. եկավ՝ Ամենայն Հայոց Հայրապետի առաջին իսկ կոչին և միշտ մնաց Նրա կողքին: Ծառայեց առանց տակարկության: Գնաց այնտեղ, որտեղ նրան կանչում էր պարտականությունը: Ծառայեց խոնարհությամբ, սրտի հոժարությամբ: Գանձատ չուներ, սրտունջ չուներ. կատարում էր միայն իր պարտքը՝ ծառայության մեջ փնտրելով ու գտնելով իր վարձատրությունը:

Հայկազուն արքեպիսկոպոսը Հայաստանյայց առաքելական սուրբ եկեղեցու առաքելատիպ հոգևորականներից մեկն էր՝ սնված նրա ժողովրդասիրական ավանդություններով, ճշմարիտ, պայծառ հայրենասիրությամբ: Ծնողներից որք՝ հայկական արհավիրքը նրան թրծել էր իր կրակների մեջ: Նա ամրակազմ էր, համառ էր և անընդուն: Նա տեսել էր հայկական գողգոթան, ուստի և անսահմանորեն սիրում էր մեր այս հայրենի մի կտոր հողը:

Հայկազուն սրբազանը աշխարհ տեսած մարդ էր. եղել էր բազմաթիվ երկրներում, բայց երբեք, երբեք նրան չէր հրապուրել, չէր հրապուրում օտար դահլիճների փաթաթմունքներն ու շքեղությունը: Նա կարոտում էր Հայաստանին, սիրում էր նրա օդն ու ջուրը, լուսավոր ներկան: Նա սիրում էր մեր կիսակործան վանքերի, տաճարների խոտոդ լռությունը: Սիրում էր մեր սրբավայրերի մամուսկալած քարերը:

Հայկազուն սրբազանը արտակարգորեն

համեստ էր. մեծ էր նա իր խոնարհությամբ, սրտի անսպառ բարության, վարակիչ կենսորախության, պայծառ լավատեսությամբ: Մարդահանությունն ու արժարասիրությունը երբեք չկարողացան տեղ գտնել նրա մարքի մեջ: Նա խորշում էր ստից, կեղծիքից, ստորաքաշությունից: Մամուլում երբեք չկարողացավ գերեվարել նրան: Բաց էր նրա դուռը, բաց էր նրա սեղանը, բաց էր նրա քսակը, բաց էր նրա սիրտը: Նա կիսում էր հացը բոլորի հետ: Բացառիկ էր սրբազանի հյուրասիրությունը:

Հայկազուն սրբազանը վանքի բարի ոգին էր. նախանձ չուներ, թշնամի էր խոտվության: Ուր գնում էր, հետը տանում էր խաղաղություն, սեր և համերաշխություն: Նա Ամենայն Հայոց Հայրապետի առաջին գործակիցն էր և Նրա անդատալիք զինվորը: Ծառայում էր սիրով, անսահման նվիրումով:

Հայկազուն արքեպիսկոպոսի մահվամբ՝ մեծ է մեր կորուստը, և անմխիթար՝ մեր

վիշտը: Բայց մենք մխիթարվում ենք նրանով, որ նա պայծառ հիշատակ թողեց: Մարդ եկավ ու մարդ գնաց այս աշխարհից: Պատվով, արժանապատվությամբ անցավ իր ճանապարհը: Մահը կարող է խորտակել միայն ինչ նյութական է, ինչ կորնչական: Մահը չի կարող խորտակել գեղեցկությունը, գերեզմանել ճշմարտությունը: Հայկազուն սրբազանը ապրող, կենդանի ճշմարտություն էր, ճառագայթող մի ոգի, որ սնվում էր հազարամյակների պատմություն ունեցող մեր ժողովրդի ակունքներից: Մենք երբեք, երբեք չենք մոռանա մեր սրբազանին: Մեր հիշողության տախտակից երբեք չի ջնջվի նրա պայծառ անունը: Մենք՝ ճեմարանի դասախոսներս, սրբությանը կշարունակենք նրա կրթական-դաստիարակչական գործը, որ ճշմարիտ ժողովրդասիրության, ճշմարիտ հայրենասիրության և ճշմարիտ եկեղեցասիրության պայծառ օրինակ էր:

Խումկ ու արցունք և օրհնություն նրա պայծառ, անթառամ հիշատակին:





ՀԱՅԿԱԿԱՆ ԲԱՐԵԳՈՐԾԱԿԱՆ ԸՆԴՀԱՆՈՒՐ
ՄԻՈՒԹՅԱՆ ՆԱԽԱԳԱՀ ՏԻԱՐ ԱԼԵԿՍ
ՄԱՆՈՒԿՅԱՆԸ ԽՈՍՈՒՄ Է՝ Ս. ԷԶՄԻԱՇՆԻՑ ԵՎ
ՀԱՅՐԵՆԻՔԻՑ ԻՐ ՏՊԱՎՈՐՈՒԹՅՈՒՆՆԵՐԻ ՄԱՍԻՆ

Հայոց Հայրապետի գահակալության 16-րդ տարեդարձի ուրախ առիթով, որպես Նրա թանկագին հյուրը, հոկտեմբերի 2—16 օրերին ուխտավորաբար Մայր Աթոռում և հայրենիքում էր գտնվում Հայկական բարեգործական ընդհանուր միության նախագահ տիար Ալեքս Մանուկյանը:

Ստորև «Էջմիածին» ամսագրի ընթերցողների ուշադրությանն ենք ներկայացնում տիար Ալեքս Մանուկյանի հայրենական տպավորությունները, տպագրված Բեյրութի «Զարթոնք» օրաթերթի դեկտեմբեր 7 և 8 համարներում, որը գրի է առել Զարեհ Մելքոնյանը:

ՀԱՐՑՈՒՄ.—Կրնա՞ք ձեր ընդհանուր տպավորությունը ամփոփել մեկ նախադասության մեջ:

ՊԱՏԱՍԽԱՆ.—Փորձեմ,—«վերադարձա Հայաստանեն գոհ, ուրախ, լավատես»:

— Որքա՞ն են այն գլխավոր երևույթները, որոնք ձեր ուշադրությունը գրավեցին ամենեն ավելի:

— Կասկած չկա թե Հայաստանը իրապես պետականություն ունեցող երկիր մըն է. հո՛ն է վարչամեքենան: Իսկ պետական պատասխանատուները իմ վրա ձգեցին շատ նպաստավոր տպավորություն՝ թե՛ իրենց լրջությամբ և թե՛ իրենց խանդավառությամբ որպես կարող հայեր:

Հայաստանցի հայը, ըլլա դեկավար թե պարզ քաղաքացի, ունի այն խորունկ համոզումը և վստահությունը թե Հայաստանը իրականությունն է: Հա-

լաստանցի հայր Հայաստանը կնկատե կարևոր մեկ անդամը Խորհրդային Միության, և այս բանին համար հպարտ է:

Ան ինքնավստահ է թե անընդհատորեն կհասնի նոր սերունդ մը, որ ո'չ միայն ի վիճակի է շարունակելու իր երեցներուն գործը, այլ նաև գերազանցելու զայն:

Հայաստանի հայր հպարտ է Հայաստանի նվաճումներով, ինքզինք կդասե աշխարհի ամենեկն հառաջադեմ ժողովուրդներուն շարքին:

Հայաստանը «Հայաստան» է, ըսել կուզեմ՝ խորապես հայ է:

Ուշագրավ է այն պարագան, որ հառաջդիմություն արձանագրված է հավասարապես բոլոր մարզերուն մեջ՝ նյութական թե մշակութային. Հայաստանը կոնյակ կարտադրե, և նաև քրմփետրոջը, ունի շքեղ թանգարաններ, ու նաև սկսած է մտածել շինելու մասին հաճույքի և հանգստի վայելքին ծառայող հավաքավայրեր:

Էջմիածինը իրապես բարգավաճ է թե՛ հոգևորապես և թե՛ ընկերայնորեն:

— Որպես ճարտարարվեստական՝ ի՞նչ է ձեր տպավորությունը Հայաստանի գործարաններեն:

— Հայաստանի ծավալով և միջավայրով երկրի մը համար՝ արտադրությունները շատ լավ են: Գործարաններուն կարգուսարքը, արտադրության եղանակն ու արդիականության չափը գոհացուցիչ են:

— Պիտի ուզեի՞ք մանրամասնել ձեր տպավորությունները Էջմիածնի մասին:

— Այնքան է թե ժողովուրդը կհարգե ու կսիրե Վեհափառը և մեծ համարում ունի անոր նկատմամբ: Տարակույս չկա թե Վազգեն կաթողիկոսին ներկայությունը այդ գահին վրա՝ օրհնություն մը եղած է և է Էջմիածնին համար: Խոսելով վանքին մասին՝ պետք է ըսել թե գործերը դասավորված են շատ լավ, կա հմայիչ և մաքուր մթնոլորտ: Օրական հինգ հարյուր զրոսաշերջիկ կաջեղե Էջմիածին, շատերը ոչ-հայ: Կարծե տեսնել կիրակի օրերու հավատացյալներու բազմությունը. անհավատալի է պարզապես...: Վեհափառը հարգված է նաև պետության կողմե, որ ցույց կուտա անհրաժեշտ քաջալերանքն ու օգնությունը: ...Լավ վիճակի մեջ է նաև տպարանը: Վանքը իր բյուջեն 80 առ հարյուրը կգոյացնե տեղական միջոցներով,—մոմավառությենն, նվերներն, տպարանական գործերն...: Էջմիածինը կենսունակ է ու գորեղ թե՛ որպես հավատքի կեդրոն, և թե որպես հաստատություն: Դպրեվանքը ունի ավելի քան քառասուն աշակերտ: Սկսած է նորոգությունը Երևանի ս. Սարգիս եկեղեցիին: Նորոգության մեջ են շատ մը վանքեր ու տաճարներ:

— Նորություն իմացա՞ք Սևանի մասին:

— Զրանցքին աշխատանքները կշարունակվին և պիտի ավարտին երկու տարիեն: Զորին մակարդակը բարձրացնելու անհրաժեշտությունը չեն զգար, նկատելով որ նույն մակարդակին վրա պահելը պիտի բավե կարիքներուն, մանավանդ որ ջորերուն պակսելովը մշակելի տարածություններ բացված են և գտնված՝ հնարձեք առարկաներ: Ներկայիս կօգտագործեն նաև հատկապես փորված հորերու ջորերը, թե՛ ոռոգումի համար և թե այլ պետքերու:

— Ըսի՞ք թե Հայաստանը հա՛յ է. կրնա՞ք բացատրություններ տալ:

— Ինչպես ծանոթ է՝ մեր անցյալի մշակույթը կրած է զգալի դրոշմը մեր հավատքին և եկեղեցիին: Արդ, ամենուրեք ներկա են թե՛ մեր անցյալը և թե մեր կրոնա-հոգեկան մշակույթին ազդեցությունները: Թատրոն, օպերա, Դրա-

ժըշտություն (ներքին թե՛ արապարակներու վրա բարձրախոսներեն հնչող), ճարտարապետություն, պատմական հուշարձաններ, գրականություն, նկարչություն, այլ խոսքով՝ մշակույթը իբրև ամբողջություն կցուցանե մեր անցյալը և մեր ոգին: Կա անշուշտ թե՛ պետական անձերու, թե՛ արվեստագետներու և թե՛ պարզ քաղաքացիներու խոսքերեն, արարքներեն, կեցվածքեն շողարձակող հայկականությունը: Հայությունը առօրյա և ապրում է:

— **Կուզե՞ք քանի մը բառ ըսել շինարարության մասին:**

— Պարզապես ապշեցուցիչ է թիվը բարձրացող նոր բնակարանային շենքերու: Հարյուրավոր կառույցներ կշինվին նույն ատեն: Կխորհին թե հինգ տասը տարին ամեն ընտանիք նոր հարկաբաժին պիտի ունենա: Վստահ եմ թե ժամանակի ընթացքին պիտի բարելավվի նաև որակը այդ շինություններուն...: Ամեն տարի ութեն տասը հազար հայեր կներգաղթեն Հայաստան, և ամենք կստանան նոր բնակարաններ:

— **Ի՞նչ է ձեր տպավորությունը մշակութային հիմնարկներեն և կեդրոններեն:**

— Պարզապես հիանալի են, և ետ չեն մնար որևէ երկրի համապատասխան իրագործումներեն: Եվ լավը այն է, որ բոլոր այս հիմնարկներն ու կեդրոնները կծրագրեն իրենց նո՛ր շենքերը ունենալ գալիք հինգեն տասը տարիներուն, նոր, ա՛լ ավելի ընդարձակ շենքերը:

— **Ի՞նչպես տպավորվեցաք ժողովուրդեն:**

— Բոլոր այն անձերը, որոնց հետ հարաբերելու առիթը ունեցանք՝ հյուրասեր էին ու քաղաքավար, ամոնք ըլլան պաշտոն ունեցող անհատներ թե պատահական մարդիկ: ...Երևանը արդիական և շատ գեղեցիկ քաղաք մըն է, և անոր փողոցներեն երթեկող անցորդները գոհացուցիչ էին իրենց ներկայանալիությամբ: Քաղաքը մաքուր է և խնամված: Երևանը եվրոպական քաղաք մըն է, որ սակայն ունի իր ուրույն նկարագիրը: Իսկ խոսելով կյանքի մակարդակին առնչությամբ՝ պետք է ըսել թե համեստ բայց գոհացուցիչ կյանք մը կապրին: Չունին արևմտյան երկիրներու մեջ նշմարվող ճոխությունները, բայց չունին նաև մեր մտահոգություններեն շատերը: Բժշկական խնամքը ձրի է, կենսաթոշակը՝ բավարար՝ համեստ ու հանգիստ կյանք մը ապրելու համար: Զրի է նաև ուսումը: Հառաջադեմ ուսանողությունը կվճարվի իր անմիջական մանր ծախքերուն համար: Հո՛ն ուսանող արտասահմանյան աշակերտներ կստանան նյութական հատկացում, որ կբավե համեստ կյանք մը ապրելու համար:

— **Եթե չեմ սխալիր՝ տեսակցություն ունեցաք վարչապետ Բաղալ Մուրադյանին հետ:**

— Այո: Վարչապետին հետ ունեցանք սիրալիք տեսակցություն: Ան հեղինակության տեր անձնավորություն մըն է: Խոսեցանք արտասահմանի մշակութային կարիքներուն մասին, և հատկապես հայագետ-պատմաբան ուսուցիչներու կարիքին մասին: Առաջարկեցի որ այդ դրկվելիք հայագետ-պատմաբանները արտասահման գան իրենց ընտանիքներով հանդերձ և հոն հաստատվին: Խոստացալ գոհացում տալ այս խնդրանքին:

— **Դուք պաշտոնական հյուրն էիք Վեհափառին: Ի՞նչ հավաքույթներ սարքվեցան ի պատիվ ձեզի:**

— Թեև հյուրն էինք Էջմիածնին, այսուհանդերձ Սփյուռքահայության հետ մշակութային կապի կոմիտեն ալ իր մնայուն ներկայացուցիչին միջոցով ընկերացալ մեզի: ...Անշուշտ ճաշկերույթ-հավաքույթներ կազմակերպված էին Էջմիածնին կողմեն: Մշակութային կապի կոմիտեն ալ սարքեց հա-

վաքույթ մը: Վերջին օրը ճաշկերույթի հյուրն էի մշակութային, գեղարվեստական, պետական անձնավորություններու. ներկա էին Վեհափառը, կրթական նախարարը, Սիլվա Կապուտիկյանը, Մշակութային կապի նախագահը, թանգարանին և համալսարանին տնօրենները և բազմաթիվ այլ ակադեմիկոսներ կայացուցիչներ: Ըսեմ որ՝ հայաստանցիները լա՛վ ուտող և լավ խմող են: Ես ջանացի լավագույնս ընել՝ անոնց հետվե՛ն հետևիլ կարենալու համար...: Ծառ մը ուրիշ նվերներու կարգին՝ ինձի տրվեցաւ Հայաստանի 50-րդ տարեդարձի շքանշանը:

— **Որն է նոր նվիրատվություն ըրի՞ք:**

— Էջմիածնի մեջ պիտի կառուցվի նոր շենք մը (միաբաններու բնակարան և հյուրանոց)՝ մեր նվիրատվությամբ:

— **Հուզումի պահեր ունեցա՞ք:**

— Մանավանդ երկու անգամ: Առաջինը ունեցա որպէս հայ. տարօրինակ էր, — ամեն մարդ հայ, անցորդը հայ, վարչապետը հայ, ուսուցիչներ հայ..., լեզուն հայ, խանութպանը հայ, թատրոնը հայ...: Երկրորդը ունեցա Էջմիածնի մեջ: Ես եկեղեցասեր եմ. ամբողջ քառասուն տարի դպրություն ըրած եմ. տարիներով «Էջմիածի՛ն» երգած եմ...: Տարբեր է Էջմիածինը, իրապէս մեծ է ան և իր արմատներն է խրած ո՛չ միայն մեր անցյալին մեջ՝ այլ նաև ներկային...: Հայրենիքին և Էջմիածնի համերաշխ գոյակցումին գիտակցութենէն թիտղ զգացումն էր որ հուզեց զիս մանավանդ: Երանի՛ թե շատեր տեսնեն Էջմիածնի ուժին և սրբության այս մեծությունը..., որ նաև մեր ամբողջ ժողովուրդին մեծությունն ու ուժն է:

— **Ի՞նչպէս տպավորվեցաք երիտասարդներէն:**

— Թեև բավարար առիթներ չունեցանք հարաբերելու երիտասարդության հետ, այսուհանդերձ կրնամ ըսել թե անոնք ներկայանալի էին..., և հիպպիկներու չհանդիպեցանք մենք:

— **Պակասներ, թերիներ ձեր ուշադրությունը չգրավեցի՞ն:**

— Բայց պակասներ ու թերիներ կան բոլոր երկիրներուն մեջ: Հայաստանը «ոչինչէն սկսած» փոքր երկիր մըն է. ժամանակի ընթացքին կարբագրվին այդ պակասներն ու թերիներն շատերը. Հայաստանը այսօր երեկվա՛նը չէ՛:

— **Վիկտոր Համբարձումյանին հանդիպեցա՞ք:**

Այո: Ծիկությունը սկսած է նոր աստղադիտարանի մը: Հայաստանը համաշխարհային տարողությամբ գիտական կեդրոն մը դարձած է. միջազգային ժողովներ կզումարվին հոն հաճախ: Մեծապէս տպավորվեցա Համբարձումյանէն:

— **Ե՞րբ, կիտրոհիք, կրնա տեղի ունենալ ձեր հաջորդ այցը Հայաստան:**

— Եթե մոտ ըլլար..., և եթե տարիքս ավելի թույլատու ըլլար՝ պիտի ուզեի ամե՛ն տարի այցելել, և վաչելել Երևանի մշակութային կյանքն ու գեղեցկությունները, Էջմիածինն ու Հայաստանի բնությունը: Պիտի ուզեի այցելել, նաև, գիշերով դիտելու համար լուսազարդված տոնական Երևանը, որ անմահն է:

— **Փակելու համար այս տեսակցությունը՝ կուզե՞ք քանի մը խոսք ըսել:**

— Ես զիս բախտավոր կնկատեմ որ Հայաստանն ու Էջմիածինը տեսնելու պատենությունը ունեցա: Հայաստանին մեջ գտա Էջմիածինը, Էջմիածնին մեջ գտա Հայաստանը՝ իրարմով ամբողջացած ու զորացած:

Վերադարձա գոհ, ուրախ, լավատես:



Հ. ԵՂԻԱԶԱՐՅԱՆ

ԱՄԱՂՈՒ ՆՈՐԱՎԱՆՔԸ

Հին Հայաստանում, կարծես, մի տեսակ կանոն է դարձած եղել այն, որ մենաստանները կոչելիս են եղել այն բնակավայրերի անուններով, որոնց սահմաններում նրանք գտնվելիս են եղել: Դա հատկապես անհրաժեշտ է եղել այն դեպքում, երբ գոյություն են ունեցել միևնույն անունը կրող մի քանի մենաստաններ: Այդպես են, օրինակ, Սյունյաց նահանգում գտնվող, Նորավանք անունը կրող երկու մենաստանները: Դրանցից առաջինը, որի մասին ցանկանում ենք խոսել, գտնվելիս է եղել Վայոց ձոր գավառում, Ամաղու գյուղին մոտիկ և վերջինիս անունով էլ կոչվել է **Ամաղու Նորավանք**: Իսկ մյուսը գտնվելիս է եղել Ծղուկ գավառում, Բղեն գյուղի մոտ և համապատասխանաբար կոչվելիս է եղել **Բղենո Նորավանք**: Ծղուկ գավառը հետագայում բաժանվել է երկու առանձին գավառների՝ Ծղուկ և Բղենո գավառներ: Մատենագրության մեջ Բղենո Նորավանքը մատնացույց է արվում Բղենո գավառում. հավանական է, որ այն կառուցված լինի այն ժամանակ, երբ Ծղուկ գավառը արդեն բաժանված է եղել երկու առանձին գավառների: Բղենո Նորավանքի կիսավեր կառուցվածքները գտնվում են այժմյան Գորիսի շրջանում, Գորիս քաղաքից՝ Շուռնուխ ավանի վրայով դեպի Տաթև գյուղը

տանող կես ճանապարհին, ընդարձակ տարահարթի վրա:

Այդ նույն կանոնի ձևով էլ ընդունված է ասել, որ Հայաստանի ամենագեղեցիկ վայրը Լոռին է. և դա իրոք այդպես է: Սակայն սխալված չենք լինի, եթե ասենք, որ Զանգեզուրն ու Վայոց ձորն էլ իրենց բնական գեղեցկությամբ չեն զիջում Լոռիին: Ահա Ամաղուի ձորը՝ խորունկ ու լայնահուն, անտառապատ-կանաչազարդ լանջերով, վառ-կարմրագույն հանքաքարի բարձրաբերձ ու անմատչելի քարափներով և կարկաչափոս ու սրընթաց գետակով: Իսկ ձորի աջակողմյան լանջին, կանաչներով շրջապատված, բարձր դիրքով բազմած է Ամաղու Նորավանքը՝ հայ մշակույթի հույակապ կոթողներից մեկը:

Այցելում, որքան էլ նա շտապելիս լինի, չի կարող մի պահ կանգ չառնել ձորաեզրին կամ ձորալանջին՝ դիտելու և, ոչ առանց հուզմունքի հիանալու այդ գեղեցիկ ու գմայլելի տեսարանով: Այդ տեսարանն առավել գեղեցիկ ու հիասքանչ է լինում արեգակի մայրամուտից քիչ առաջ, երբ արևի վերջին մեղմացած ճառագայթները հանդիպելով ձորափի գույնզգույն ժայռերին, բեկվում են և անդրադարձնալով գոյացնում անտառի ծառերի վրա, մի տեսակ նուր միզանման ոսկեգույն շղարշ՝ ամբողջ ձորով մեկ:

Ամաղու գյուղը գտնվում է այժմյան Եղեգնաձորի շրջանում: Այն Հայաստանի հնագույն բնակավայրերից է, որը մատենագրության մեջ հիշատակվում է դեռ վաղ-քրիստոնեական շրջանից: Բայց չնայած այդքան հնությանը, այնտեղ պահպանված շատ սակավաթիվ հուշարձանները վերաբերում են միայն միջին դարերին:

Ամաղու գյուղը նույնպես, ինչպես Վայոց ձորի մյուս բնակավայրերը, բազմիցս ենթարկվել է օտար նվաճողների հարձակումներին՝ ավերվել, թալանվել և ամայացել ու անմարդաբնակ է դարձել, սակայն նորից վերակառուցվել ու շենացել է: Վերջնականապես ավերվում և անմարդաբնակ է դառնում թուրք-թաթարական միջցեղային կոիվների ժամանակ՝ 16-րդ դարի առաջին կեսին: 18—19-րդ դարերում այդտեղ բնակություն են հաստատում վանեցի ու ալաշկերտցի գաղթականները, վերակառուցելով նաև ավերակ հին եկեղեցին: Սակայն 1856—1860 թվականներին նրանք լքում են Ամաղու գյուղը, ինչպես այդ մասին տեղեկացնում են ժամանակի հայ տեղագիրները, և գնում բնակություն են հաստատում շրջանի Այար (այժմ Ագարակաձոր) և Ենգիշա (այժմ Գանձակ) գյուղերում: Բայց անցած դարի վերջերին Ամաղուում նորից բնակություն է հաստատվում, այս անգամ ադրբեջանցիներով:

Ամաղու Նորավանքը գտնվում է գյուղից երեք կիլոմետրաչափ դեպի հարավ-արևելք, Ամաղու գետակի աջակողմյան ձորալանջին, մի փոքրիկ հարթակի վրա, անտառի մեջ:

Տասներեքերորդ դարի հայ նշանավոր մատենագիր Ստեփանոս Օրբելյանը տեղեկացնում է, որ շատ վաղ ժամանակներից Ամաղուի նեղ ու անձուկ ձորում, քաղցրահամ աղբյուրի մոտ կառուցված է եղել մի սբանջելի եկեղեցի՝ ս. Կարապետի անունով և, որ ամբողջ ձորը զարդարված է եղել խաղողի և մրգատու ծառերի թանձրախիտ այգիներով:—

«Յառաջ քան զայս (Նորավանքի՝ Օրբելյանների կողմից կառուցելուց առաջ—Ն. Ե.) բազում ժամանակօք, վաղատորք և հնագույն ամօք, ի նեղ ու անձուկ ձորակին այնմ, ի պատշաճաւոր տեղուջ էր շինեալ եկեղեցի մի կրաշաղախ վիմօք լանուն սրբոյ Կարապետին՝ յոյժ սբանջելագործ և ահարկու և անուանի մերձակայ սահմանացն: Եւ թղխեր մերձ նմին աղբիւր քաղցրահամ. և ձորն ամենայն գեղեցկացեալ էր այ-

գեօք և թանձրախիտ ծառօք մրգաբերօք»¹:

Մինչև այսօր էլ վանքին մոտիկ պահպանվել է պատմիչի նշած սառնորակ և քաղցրահամ ջրով այդ աղբյուրը, ուր այցելում վանքի հուշարձանները դիտելուց և ուսումնասիրելուց հետո պահ մի դադար է առնում աղբյուրի մոտ, ծառերի ստվերում՝ հանգրտանալու, զովանալու աղբյուրի սառնորակ ջրով և կրկին ու կրկին հիանալու բնության աննման այդ գեղեցկություններով:

Իսկ Ամաղու գյուղի այժմյան աշխատանք ու ժրաշան մարդու ձեռքով աղելի է բնորոշակվել խաղողի ու պտղատու ծառերի այգիները և ամբողջ ձորը վերածվել մի փառքամ ու գեղատեսիլ այգեստանի:

Այդ նույն Օրբելյանը տեղեկացնում է նաև, որ Սյունյաց նահանգի Բաղք գավառում գտնվող Վահանավանքի առաջնորդ Հովհաննես եպիսկոպոսը թողնելով Վահանավանքը, 1205 թվին գալիս է Վայոց ձոր գավառը և բնակություն հաստատում Ամաղու Նորավանքում և կազմում վանական միաբանություն:—

«Ի 554 թուականին, էր եպիսկոպոսումն ի վանան Յովհաննու՝ Յովհաննես անուն, լցեալ ամենայն առաքինութամբ. և բոլորովին զգեցեալ գրիստոս, յազգէ ազնուական որդի մեծափառ իշխանին Բաղաց Հասանայ: Այս Յովհաննէս յետ անբման իւրոյ աշխարհին, բազումս աղեկոծեալ այսր անդր, եկն ի Վայոց Ձոր գաւառ եւ կամեցաւ բնակել ի խորձոր անապատին Նորավանից, մերձ անտիկ տղեկին Հրանկիայ քերզոյն, առ հիազօր և մեծաւրանջ եկեղեցոյն սրբոյ Կարապետին: Համարձակ բնակել ի նմա՝ ժողովեալ արս կրօնատուրս և ճգնազգեացս»²:

Ամաղու Նորավանքը իր զարգացումը սկսում է հենց այդ Հովհաննես եպիսկոպոսի առաջնորդության ժամանակից, իր բարգավաճման գագաթնակետին հասնելով Օրբելյանների տիրապետության շրջանում: Օրբելյանները ժառանգելով Սյունիքը, իրենց վարչա-քաղաքական կենտրոնը դարձնում են Վայոց ձոր գավառի Եղեգիս ավանը (այժմյան Ալալազ գյուղը նույն Եղեգնաձորի շրջանում), այնտեղ կառուցելով իշխանական ապարանք, եկեղեցիներ և առավել բն-

¹ Պատմության նահանգին Սիսական, արարեալ Ստեփանոսի Օրբելյան արքեպիսկոպոսի Սինեաց. Թիֆլիս, 1910 թ., էջ 346:

² Ստ. Օրբելյան, նույն տեղ, էջ 347—348:

դարձակում ու բարեկարգում այն, դարձնելով Հայաստանի խոշոր, նշանավոր ու բարգավաճ բնակավայրերից մեկը: Ժամանակի մատենագիրները գյուղաքաղաք, քաղաք, նույնիսկ մայրաքաղաք անուններով են կոչում այն:

Դրան զուգընթաց, Օրբելյանները Սյունիքի հոգևոր կենտրոնը, որը մինչև այդ գրությունում էր Տաթևի վանքում, փոխադրում են Ամաղու Նորավանք, միաժամանակ վերջինս դարձնելով իրենց տոհմական գերեզմանատեղին՝ պանթեոնը: Եվ, որպեսզի մարչա-քաղաքական կենտրոնը մոտ լինի հոգևոր կենտրոնին, նրանք իրենց վարչական կենտրոնը Նղեգիսից փոխադրում են՝ Ամաղու Նորավանքին մոտիկ գտնվող Արփա գյուղը: Այդտեղ նույնպես նրանք կառուցում են իշխանական ապարանք, որի ավերակների աննշան հետքերն են պահպանվել է մի եկեղեցի, որը մինչև այսօր էլ կանգուն ու ամբողջական վիճակում է:


Օրբելյանները ավելի մեծացնում և ընդարձակում են Ամաղու Նորավանքը՝ կառուցելով այնտեղ նորանոր շքեղ ու հռչակապ հուշարձաններ: Նրանք, որպես սեփականություն վանքին են նվիրում բազմաթիվ գյուղեր, ագարակներ, այգիներ, հողաբաժիններ, ջրաղացներ, նույնիսկ վանքեր ու բերդեր և այլն: Այդ բոլորով հանդերձ Ամաղու Նորավանքը առավել հզորանում է թե՛ տրևեստապետ և թե՛ քաղաքականապես:

Ամաղու Նորավանքը միաժամանակ եղել է միջնադարի հայ գրչագրության ու մատենագրության նշանավոր կենտրոններից մեկը: Այնտեղ են ապրել և ուսուցանել Սյունյաց հռչակավոր մետրոպոլիտներ Հովհաննես և Ստեփանոս եպիսկոպոսները, «անհաղթ հռետոր» Շնորհավոր քորեպիսկոպոսը և ուրիշներ: Այդտեղ է գրվել «Պատմություն Սյունյաց նահանգին» պատմական երկը՝ հայ մատենագրության գոհարներից մեկը:

Թե երբ է ավերվել, լքվել ու դադարել որպես մենաստան գոյություն ունենալուց այդ նշանավոր վանքը, ստույգ հայտնի չէ: Այնտեղ պահպանված 16-րդ դարին վերաբերող տապանագրություններ ունեցող գերեզմանները ենթադրել են տալիս, որ այդ ժամանակամիջոցում, այս կամ այն չափով, դեռ շեն էր մենաստանը: 1840 թվի երկրաշարժից ավերվում է նաև Ամաղու Նորավանքը և այդ ժամանակից վերջնականապես ամայանում և դադարում է որպես մենաստան գոյություն ունենալուց:

Ամաղու Նորավանքը կառուցվածքների մի ամբողջ կոմպլեքս է, որի կազմի մեջ

մտնում են հետևյալ հուշարձանները.— (նկ. 1)



Նկար 1. Ամաղու Նորավանք.— Գլխավոր հատակագիծը

1. Ս. Կարապետ եկեղեցի.— Սա վանքի ամենահին կառուցվածքն է և, հավանական է, որ դա եղած լինի այն եկեղեցին, որի մասին հիշատակում է պատմիչ Ստեփանոս Օրբելյանը, թե «...հնագույն ամօք, ի նեղ և անձուկ ձորակին այնմ, ի պատշաճադոր տեղուց էր շինեալ եկեղեցի մի կրաշաղախ վիմօք յանուն սրբոյ Կարապետին...»: Այժմ այդ եկեղեցին ավերակ վիճակում է, նրա պահպանված մասերի ուսումնասիրությունը բերում են այն հաստատ համոզման, որ եկեղեցու նախնական շենքը ամբողջությամբ չի պահպանվել, այլ ժամանակի ընթացքում քանդվել և նորից վերակառուցվել է: Իսկ այդ վերակառուցումը, ամենայն հավանականությամբ, պետք է տեղի ունեցած լինի 9—10-րդ դարերում: Սա բազիլիկ տիպի մի կառուցվածք է, շարված սրբատաշ քարերով՝ կրաշաղախի միացությամբ:

2. Ս. Կարապետի անվան մյուս եկեղեցին, կամ ինչպես անվանում են նաև Ստեփանոս Նախավկայի անվան եկեղեցին— գտնվում է նախորդ եկեղեցու հյուսիսային

կողմում՝ նրան կից (նկ. 2): Ինչպես վկայում է Ստեփանոս Օրբելյանը, այն կառուցել է տվել Լիպարիտ Օրբելյան իշխանը՝ Նորավանքի առաջնորդ Սարգիս եպիսկոպոսի միջոցով, ավարտելով այն յոթ տարվա ընթացքում՝ 1216—1223 թվականների ժամանակամիջոցում։—



Նկար 2. Ամաղու Նորավանք.—Ս. Կարապետի նշանակությամբ Ստեփանոս Գալաթիայի անկախ եկեղեցու արևելյան ճակատը

«Իսկ եպիսկոպոսն Տէր Սարգիս խորհեալ ընդ մեծ Լիպարտի՝ սկսանին միաբան մեծախառնակ աշխատանք և անշտի ծախիւք շինել զգեղեցկայարմար եկեղեցին ի նորավանս. և աւարտեն զնա ամս՝ 7՝ ուր խորանօք, ի թուականին Հայոց 672. եւ մեծահանդէս ժողովով՝ եպիսկոպոսօք, վարդապետօք, զահագլոխ իշխանօք, ազատօք և տանուտէրօք սունեն նախակատիս սրբոյ տանարին, ընդ որում էր և մեծ իշխանն Բուպակ որ ընծայէ սուրբ և նորակերտ քաւարանին յիւրոց հալալ արդեանց և հայրենեաց պտուղ բոլորահաւատ զագարակն Աղբերիս իրով սահմանօքըն...»³:

Այդ եկեղեցու կառուցման մասին, բացի մատենագրական վկայություններից, նրա ներսում, հյուսիսային և արևմտյան պատերի վրա պահպանվել են երկու արձանագրություն՝ հուշարձանի կառուցման վերաբերյալ, որոնք մեջ ենք բերում քիչ կրճատված և վերծանված ձևով։—

«Ի թվին ՈՂԲ (672+551=1223 թ.) կաման Աստուծոյ, եւ Լիպարիտ, որդի Ալակումի և թոռն մեծին Արպելեանց, զի հայրն իմ Ալակումն քենեցաւ ի թագաւորէն արիազաց, զնաց ի սունն Աթաբակի Ելսկուզանց և նա մեծաւ

գաւով մեծարեաց զնա. եւ նմա զմեծ քաղաք Համիտն. եւ Լիպարիտս՝ որդի նորա մանուկ գոյով դարձալ վերստին ի լուսաւոր հաւատն սրբոյն Գրիգորի, եկի առ մեծ Աթաբակ իսանէ. հայրենեացն փոխան եւ զնրաշկաբերգ իր կերովն և եւ շինեցի զվանքս, որ կոչի Նորավանք, յառաջնորդութան Տեառն Սարգսի Սինեաց վերադիտողի, շինեցի զեկեղեցիս...»:

«Եւ Տէր Սարգիս, քնորդի Տէր Ստեփանոսի՝ Սինեաց արհի եպիսկոպոսի, շինեցի զեկեղեցիս ի բարեխաւսութիւն ինձ և Լիպարիտին և նախնեաց մարոց և երկուց հարազատ եղբարցն, որ սպանան ի թուրքաց պատերազմաց. վասն որոյ աղաչեմ հանդիպողացդ յիշել զմեզ ի Քրիստոս»:

Եկեղեցու կառուցմանը իր միջոցներով մասնակցել է Ամաղու գյուղի բնակիչ Հասանը՝ շինելով հարավ-արևմտյան անկյունում եղած ստորին խորանը, որի մասին արձանագրված է խորանի հարավային պատի վրա, որը հետևյալն է։—Ցանուն Աստուծոյ այս գիր է Տէր Սարգսի եւ սպասաւորաց սուրբ Կարապետիս, որ տվաք զխորանս Հասանայ Ամաղուեցոյ, որ նորա հաղալ արդեամբք շինեցաւ. ի տարին Բ. ար ժամ հաստատեցաք զՊետրոսի և զՊաղտի տանին. Ա. Հասանայ, Ա. իր կնոջն...:

Ս. Կարապետ եկեղեցու կառուցման ձևը «գմբեթավոր սրահներ» տիպի և «կենտրոն-նագմբեթ» ոճերի մի տեսակ խառնուրդ է. այդ համազամանքը նշանակալից չափով շեշտում է նրա կարևորությունն ու նշանակությունը հայ նարտարապետության պատմության ստամոլը:

Հուշարձանի հատակագիծը արտաքին տերևաձևից ուղիղ քառանկյունի է, իսկ ներսից՝ շնորհիվ անկյուններում տեղադրված խորանների՝ ստացել է խաչաձև տեսք՝ ուղանկյուն խաչքերով: Արևելյան խաչքերում հարդարված է կիսակլոր արքայի՝ բարձր բնով: Անկյուններում տեղադրված խորանները երկհարկանի են, բոլորն էլ արևելյան կողմից ունեն կիսակլոր փոքր արքայիկեր: Արևելյան կողմի անկյուններում եղած խորանների ստորին հարկերի մուտքերը բացվում են դեպի արևմուտք՝ եկեղեցու մեջ, իսկ վերին հարկերի խորանների մուտքերը՝ արքայի մեջ, բեմի վրա՝ իրար դիմաց, որ բարձրանում են քառաստիճան քարե սանդուխտներով: Արևմտյան կողմի անկյուններում տեղադրված խորանների մուտքերը բացվում են այդ կողմի խաչքեկ մեջ՝ իրար դիմաց, ըստ որի վերին հարկի խորանները

³ Ստ. Օրբելյան, նույն տեղ, էջ 356—357:

բարձրանում են ստորին հարկի խորանների պատերին կից կառուցված յոթ աստիճան ունեցող բարե կոնսոլ սանդուխքներով:

Խաչքների միացման անկյուններից ձգվող գլանաձև կիսապուրները միանալով կամարներով, իրենց վրա են կրելիս եղել երբեմնի գեղեցիկ գմբեթը: Միակ մուտքը արեւմտյան կողմից է, որը բացվում է ժամատան մեջ և զարդարված է գլանաձև կիսապուրնավոր շրջանակով: Արևելյան պատի մեջ, արտաքուստ մշակված է եռանկյունաձև հատվածը ունեցող երկու խորը խորշեր (հիշեր)՝ կամարաձև զագաթներով: Յուրաքանչյուր ճակատից բացվում է մեկական երկար ու նեղ յուսամուտ՝ գծավոր շրջանակներով: Ամբողջ շենքն ավարտված է «ավագար» հանքաքարի՝ խիստ ողորկ ձևով հղկած քարերով՝ ամուր կրաշաղախի միացությամբ: Հատակը և տանիքը պատած են սալքարերով: 1840 թվի երկրաշարժից քանդվել է եկեղեցու գմբեթը, պատերի վերին մասերը, թափվել է երեսապատ քարերի մի մասը, պատերի մեջ տեղի են ունեցել ճեղքել:

3. Ժամատուն—գտնվում է ս. Կարապետ կամ Ստեփանոս Նախավկայի անվան եկեղեցու արևմտյան կողմում՝ նրան կից և վերջինիս նեւո հարակցվում է առանձին մուտքով: Կառուցել է տվել իշխանաց իշխան Սմբատը 1261 թվին:—

«Այս ի սորա ժամանակս (Ստեփանոս եպիսկոպոսի—Է. Ե.) մեծ և արքայաշուք իշխանն Սմբատ՝ որդի Լիպարտի, շինե՛ ժամատուն մի հրաշակեւտ յօրինումովք՝ տեղի աղօթարանի ի դրան սրբոյ նախավկային ի տաշածոյ վիմաց և ի կոխածոյ քարանց»⁴:

Ժամատան կառուցման վերաբերյալ՝ բացի մատենագրից վերը մեջ բերված տեղեկությունից, պահպանվել է նաև կառուցման մասին արձանագրությունը, որը փորագրված է շենքի ներսում, հարավային պատի վրա: Մեջ ենք բերում նշված արձանագրությունը որոշ կրճատումներով և վերծանված ձևով:

«Ի թվիս 2Ժ. (1261) այս գիր յիշատակի և արձան անջնջելի իմ՝ Սմբատայ իշխանաց իշխանի, որդու մեծին Լիպարիտի... շինեցի գեկեղեցիքս, վերջսինն մորոգեցի... և ետու իմ հայրենացն Բ. (երկու) գիտ ի սուրբ Նախավկայս՝ գԱւէշ ու Անապատ, եւ յԱկոռի գնորատունկ մեծ ազգին իւր Կիրակաշրովն. Տէր Սարգիս և միաբանքս հաս-

տատեցին զաւագ խորանն, որ հանապագ, պատարագ պարոնացն առնեն. զշաքաթն ու զկիրակի՝ Լիպարիտի, հինգշաքաթ՝ Ասփային, գերկոշաքաթ ու գերեքշաքաթ՝ Երվույմին, չորեքշաքաթ՝ Իւանէին, ուրբաթն՝ Փախարդուլային... Արդ՝ որ լետ մեր ժառանգեն ի տեղոյս՝ յիմոց կամ յաւտարաց և այս հաստատեալ պայմանիս հակառակել չանայ և կամ ի սուրբ եկեղեցոյս հանել կամ գծամն խափանել՝ մեր մեղացն պարտական է...»:

Ժամատունը իր կառուցապատման, հարդարման ու մշակման յուրահատուկ ձևերով խիստ նշանակալից է և եզակի տեղ է գրավում այդ կարգի կառուցվածքների շարքում, ինչպես այդ մասին կարող է պարզ պատկերացում ունենալ ընթերցողը՝ ստորև մեջ բերված նկարագրությունից:

Բավականին ընդարձակ շենք է. նրա հատակագիծը քառակուսի տեսք ունի: Պատերը ներսից, ստորին մասում, մինչև երեք մետր բարձրությամբ հարթ են, յուրաքանչյուր պատին կից ձգվում են երկուական որմնապուրներ. նման մեկական որմնապուրներ էլ ձգվում են անկյուններից: Թե՛ որմնապուրները և թե՛ նրանց խարիսխներն ու խոյակները իրենց մշակման ձևերով միանգամայն տարբեր են միմյանցից: Որմնապուրները միանում են որմնակամարներով, պատերի այդ մասում առաջացնելով ոչ խորը, լայն խորշեր: Արևելյան պատի որմնապուրները միացնող կամարը սլաքաձև է, որը շրջափակում է եկեղեցու մուտքի ճակատակալ քարը:

Արևմտյան, հարավային և հյուսիսային պատերի մեջ, որմնասույների բարձրությամբ և նրանց արանքում դրված են մեծ կալունակներ: Այդ կալունակների և որմնապուրների վրայով, պատերին կից ձգվում է քարակերտ, գոտկանման լայն շերտ:

Այդ նույն երեք պատերում, վերը նշված գոտկաձև շերտից վերև եղած մասերում, յուրաքանչյուր պատի մեջ մշակված է երեքական խորը խորշեր, ըստ որում կենտրոնում եղած խորշերը համեմատաբար ավելի մեծ են, որոնց միջից բացվում են զույգ, բարձր յուսամուտներ: Վերջիններս արտաքուստ նեղ են, իսկ ներսի կողմից բավականին լայն բացվածքով և ուղղանկյուն կողերով: Այդ նույն խորշերում, նրանց ամբողջ բարձրությամբ, հատուկ պատվանդանների վրա դրված են մեկական գեղաքանդակ խաչքար: Վերջիններիս վրա նույնպես դրված են մի-մի կալունակ՝ պատերը կալուն և մասսիվ դարձնելու համար: Այդ իսկ առումով հիշյալ խաչքարերն ունեն ոչ միայն դե-

⁴ Ստ. Օրբելյան, նույն տեղ, էջ 363:


կորուսելով, այն կոնստրուկտիվ նշանակություն:

Շենքի երեսապատը և ծածկը իրականացված է գլխավորապես կարմրագույն հանքաքարի մաքուր տաշված քարերով՝ ամուր կրաշաղախի միացությամբ: Ծածկը գոց թաղի ձևով է՝ կենտրոնում ժամատների հատուկ լուսանցքով՝ երդիկով: Տանիքը պատած է սալքարերով, որոնց մեծ մասը թափված է: Նկատվում է վերանորոգումների ու վերակառուցումների հետքեր: Գլխավոր մուտքը արևմտյան կողմից է, մի փոքր մուտք էլ բացվում է հարավային պատի ամպեղյան ծայրից:

Ժամատունը հարուստ է շատ շքեղ և վերին աստիճանի նուրբ ձևով մշակված զարդաքանդակներով ու բարձրաքանդակներով: Գլխավոր մուտքի կիսակլոր ճակատակալ քարի վրայի բարձրաքանդակը պատկերում է Տիրամայրը՝ բազմոցին բազմած՝ մանուկ Հիսուսը գրկին, իսկ երկու կողմերում մի-մի մարդ: ճրանց երկրպագելիս: Բարձրաքանդակը ամփոփված է ծաղկեղյուս նուրբ զարդաքանդակներով ու աղավաղներա պատկերներով: Ծակատակալ քարը եզերող կանաթը պատած է ստալակտիտ զարդաքանդակներով (նկ. 3):

Արևմտյան պատի ճակատամասում, զրլխավոր մուտքից վերև բացված լուսամտի սրբաձև վերջավորությամբ ճակատակալ քարի վրայի բարձրաքանդակը պատկերում է Հայր Աստծուն՝ լայն ու երկար վերնագգետով, զանգուր մագերով: Նրա աջ կողմում Հիսուսի խաչելությունն է պատկերված, իսկ ձախ կողմում՝ թևավոր մի հրեշտակ: Աստծու ձախ ձեռքում մարդկային մի զանգ է, իսկ աջ ձեռքով օրհնում է Հիսուսին: Ծակատակալ քարը եզերող կամարը զարդարված է ստալակտիտ նուրբ քանդակներով (նկ. 3):


Առաստաղի հյուսիս-արևելյան մասում ե-



Նկար 3. Ամսդու Մորավանք.—Ժամատունի արևմտյան մուտքն ու լուսամուտը

ղած բարձրաքանդակը ներկայացնում է որսի տեսարան, ըստ որի՝ ծառու եղած աղյուծը հարձակվել է՝ իրեն թրատելու պատրաստված հեծյալի վրա: Գմբեթը ներսի կողմից ունի ստալակտիտ բարդ կոնստրուկցիա:

(Ծարունակելի)



ՅՈՒՅԱԿ ՄԱՅՐ ԱԹՈՌ Ս. ԷԶՄԻԱՄՆԻ ՆՈՐ ՍՏԱՑՎԱԾ ԶԵՌԱԳՐԵՐԻ*

Իսկ յորժամ յառաջին նուագի մտի ի պահարան Տաճարիս՝ որ խորան կոչիւր, որ և կայ և երևի արդ ըստ հին կազմութեան առ դրամբ նորակաւոյց պահարանացս, գտի փոքր յոյժ և անձուկ և ոչ բաւական ի պարունակել զամենայն զգեստս՝ սպասս՝ և զանօթըս Աթոռոյս, որ մի ի միոյ խառն և դիզադէզ զմիմեամբք կուտակեալ մերձ էին յապականութիւն, և կարծել այնպէս էր տեսողաց, եթէ ոչ որ խնամտոտ էր լեալ և հոգածու պահպանութեան այնոցիկ և յայնպիսի անշքացեալ պայմանի գտանէին, մինչ զի և մնացելոցն զգեստոց, զարդոց և անօթոց ունէր հանդիսիլ վիճակի կորուսելոցն առաջնոց, թող զի միաբանութեամբ Աթոռոյս չէր տեղի ուրեք ուր զշուրջառու մարթացեցն տնուոյ զիւրեամբք յաւուրս տօնից, այլ զգեւնոյն ի դասին և յզգեստաւորիլ պատարագիչ եպիսկոպոսաց դժուարին յոյժ էր թագին որ ի գլուխըս՝ ի դուրս գալ ի խորան անուանելոյն, իսկ կաթողիկոսունք սակս ոչ գոյոյ յարմարաւոր տեղոյ՝ զառաջեալ միոյ ի փոքր սեղանացն լինէին զգեստաւորեալք, վասն որոյ ի բարեկարգութիւն Մայր Տաճարիս և յապահով և ի վայելոյչ պահպանութիւն նորական հմութեանց և եկեղեցական զարդոց և անգին մասանց սրբոց պանծալի յիշատակաց ի նախնեաց մնացելոց, յորոց զբազումս ոչ սակաւ աշխատութեամբ ի ձեռս բերի յալ և այլ վիճակաց յորժամ յայց ելանել մեզ յաջողեցաւ քրիստոսաւանդ հօտին իմոյ սիրեցելոյ, խորհեցալ զերիս ընդարձակագոյն պահարանս շինել, զորս Տեառն օգնականութեամբ ի հիմանց կառուցի, զառաջինն սակս հանապազօրեալ

պիտոյից և գործածութեան զգեստոց և սպասուց. զմիջինն յաղագս սրբոց նշխարաց և այլոց սրբութեանց, և զերրորդն յատկացուցեալ վասն ամենատեսակ հմութեանց:

Եւ յետ բազում դժուարութեամբ ի գլուխ հանելոյ զշինութիւն պահարանաց յարեւելս կոյս կցելոց ընդ Սուրբ Սեղանացն՝ յամի Տեառն 1869, և պատրաստեալ զնորաշէն ընկուզեալ դարանս, մինչ կամէի զետեղել զիրաքանչիւրն ըստ իւրումն կարգի, տեսի զի արծաթեղէն և ոսկեղէն զարդք և անօթք Սրբոյ Աթոռոյս վասն անձկութեան տեղւոյն առաջնոյ, բազումք բեկեալ էին և խեղաթիւրեալք և շատք սևացեալ, նոյնպէս և բերեալքն իմ ի գաւառաց յովութեամբ ժամանակաց անցելոց զհետս կարի նսնմութեան և անշքութեան կրեին յինքեանս, ոչ բարւոք համարեցալ այնպիսի անվայել դրութեամբ զետեղել, այլ ընդ ձեռն ոսկերչաց ճարտարութեան յառաջին պատկեր շքեղութեան վերածել փոյթ կալալ՝ զբեկեալս և զխախտեալս նորոգելով և զպակասորդս ըստ կարի լրացուցանելով, և զամենակին միանգամայն մաքրելով յաղտոյ և ի ժանկոյ, որով հմութիւնքն այնոքիկ թօթափեցին զաղտն անմաքուր և ի նորոյ զգեցան զվայելչութիւն, և պատրաստեալ զտպագիր թուանշանս, և կախեալ թելի զիրաքանչիւր սրբազան անօթոց՝ նշխարաց սրբոց զգեստոց՝ Հայրապետական և Եպիսկոպոսական մատանեաց՝ գաւազանաց՝ պատուանշանաց և այլոց համայնից, որ ինչ էին սեփականութիւնք նախորդաց իմոց Հովնապետաց և հովուաց և իմ, և որ ինչ ընծայաբերութիւնք ի Սուրբ Տաճարս ըստ կարելոյն նաև զժամանակ հմութեան իւրաքանչիւրոցն համառօտիւ բացատրեալ, և ապա ի գեղաշէն փայտակերտ և ապակաւոր դարանս ուրոյն ուրոյն դասակարգութեամբ ամփոփեալ զետեղեցաք վայելչապէս, և զմի մի ի նոցանէ

* Ետրոնակված «Էջմիածին» ամսագրի 1964 թվականի №№ Ը—Թ-ից, ԺԲ-ից, 1965 թվականի №№ Ը—Ժ-ից, 1968 թվականի № Լ-ից, 1970 թվականի №№ Դ—Ե-ից, Ժ-ից, ԺԲ-ից, 1971 թվականի №№ Ե—Ը-ից և ԺԱ-ից:

արձանագրեալ բուսականութեամբ ըստ տեսակաց և ըստ հանգանակաց կազմեցաք զերկուս միօրինակ տու-մարս, որոց մին պարտ է պահել միշտ ի ներքին պահարանի տակ՝ և միւսն ի Հայրապետանոցի:

Այդ ճանաչելով իմ զարդ սրբութեանցն և հնու-թեանց՝ որոյ պարտ ի խնդիր են ամենայն ազգք լուսաւորեալ աշխարհաց, ոչ միայն յիմոց սեփեա-կանութեանց ոչ երբէք դանդաղեցալ զստ իս եղեալ հին առաք դրանս, զսկեալ գօտիս մարգարտայիս, զեկեղեցական զգետս և զգտազանս և այլն, և այլն, ի ժողովս հնութեանց նոյրիւ անմահանմարս, այլ մանաւանդ առ ի բազմապատկել զթի գտեղոցն զարդիս յիշատակաց ի նորակարոց պահարանս, ոչ յապաղին հրաշիւ յաւետ ի նոյն գործ ազգօգուտ և Աստուածամանոյ զամենեւեամ՝ որ էր այժմ և որ զայլոց էր զկնի՝ զպատրիարքունս, զառաջնորդս, զվանահայրս վանոց և մեհառանցաց, զվարդա-պետս, զբանամայս, զազնուազարս և զհամօրէն ուխտաւոր հարազատ որդիս գերագահ Սրբոյ Աթո-ռոյս Լէւոնիմի՝ մասնակից լինել այսմ գործոյ նոյն-րաւորութեամբ ամենատեսակ-ազգային հնութեանց ի բարեգործութիւն և ի պարծանս լուսամին Մօր Հայաստանեաց՝ տեղոյ տակն Իշման փառաց որո-ւոյն յախտեանակամի:

Եւ քանզի լիցեղոյն յոյժ և անկալուն լինին յաւետ այն ամենայն գործք ու կարգադրութիւն, որոց չիցն հիմնեալ ի վերայ հաստատուն կանոնաց բարեկար-գութեան, ուստի և չկարեն զնոս բերել զքանակային պտուղ երէ կարճատեւ իցն յապագային խնամք և ի հոգատարութիւնք ի պահպանութիւն կանոնացն, այս սակս այսու Հայրապետական կոնդակաւ կանոնա-դրեմ և իբրեւ կտակ աւանդեմ յաջորդաց իմոց և անկից Եպիսկոպոսաց և վարդապետաց միաբանից Սրբոյ Աթոռոյս, զի քանակին առաջին պահարանի մնացել միշտ առ Ասագ լուսարարն Տաճարիս, իսկ երկրորդայն դրանն՝ որ երկրորդք քանակեօք քանի, մին մնացել առ Կարողիկոսն, և միւսն առ ժամօրնո-ւոյ Եպիսկոպոսն: Նոյնպէս և երրորդ պահարանն ունի զերկուս քանակս, յորոց մին մնացել առ առագ լուսարարն, և միւսն առ Եպիսկոպոս ոմն ի միաբանից Աթոռոյս՝ որում և պատշաճ դատեցի Հայրապետն յանձնել, որպէսզի ի դեպս հարկաւոր-ութեան քանակոյ, առանց ի մի ժողովելոյ երից Եպիսկոպոսաց՝ յորս են քանակիրն՝ և փոխանորդի Հայրապետին՝ անհնար լիցի քանակ:

Բաղձանդ սրտի իմոյ և հոգոյ այն է, սիրելիք իմ ի Տէր, զի գէթ յայմեմեմ աճացի թիս պատուական յիշատակաց և հնութեանց յԱթոռս այս գերագահ ի կեդրոնն, առան հաստոյ Հայաստանեաց Եկեղեց-ւոյ, ուստի պատուէր սիրոյ աւանդեմ զանսմառանգ յաջորդաց իմոյ և համօրէն միաբանից Սրբոյ Լէ-ւոնիմի, միանգամայն խնդրեմ գուն գործել յաւետ անթերի և ապահով պահպանութեան սրբոց մա-սանց՝ զգետոց՝ զարդոց՝ անօթոց՝ և այլոց ամե-նից՝ որ ի պահարանս ժողովեցի, նախանձախնդիր հանդիսանալով ամբողջութեան ճոցին և բարեկար-գութեան յապագային, չմտաբերել և ոչ գործել երբէք որեկեղ միջոցօք ձեռնամուխ լինել ի նստս և չտալ բնաւ

իրաւուն ձեռնորեց լինելոյ չարամտաց և ախտաղե-լոց կորստաբեր շահաւիրութեամբ, և ոչ թողուլ ումեք աշտաքս տանիլ և ոչ զմին ի հնութեանց ի զարդոց և ի գլեհատոց, և կամ ընծայել ումեք զնշխարս Սրբոց և զայլս, զի մինչև ցաւորս մեր տալով երբեմն իբրեւ առժամանակեալ և երբեմն ընծայելով ակամատոր հիւրոց՝ պակասեալ են յոյժ ի նշխարաց սրբոց և ի քանակացին հնութեանց:

Իսկ երէ իշխեսցէ որ առանց խղի միսլ զնոն չար մտօք յամբողջութիւն ի մի վայր ժողովեալ սրբութեանց և հնութեանց, երէ զգետոց՝ անօթոց՝ զարդոց և երէ նշխարաց սրբոց, ո՛ր որ և լինիցի այն ի հետագայից՝ պարտական գտանիցի առաջի ամեղ ատենին Քրիստոսի, և զմասն ժառանգութեան ընդ զաւանակապտոս ընկալցի ի հանդերձելումն, քանզի զտակաւաթի նշխարս պարծանաց փառաց ի միութա-րութիւն ազգի և Եկեղեցոյ Հայաստանեաց ձկտի վատնել այնպիսին յօգուտ անձին և ի փառս անուան իւրոյ, ոտնակոյի արարեալ զօգուտ և զփառս Մօր իւրոյ Սրբոյ Լէւոնիմի:

Այլ և պարտ վարկանիմ պատուիրել սիրելեացդ ի Քրիստոս, ջանալ զապարան Աթոռոյս՝ զոր քաղում աշխատութեամբ ծաղկեցուցեալ ընդարձակեցի, ի գործադրութեան լիցի միշտ և զմին և զնոր մատենա-գրութիւնս կարևորս ի յոյս ընծայելով, լուսաւորեացէ զաշտ մտաց հոգոյ մանկանց նորոյս Սիովնի: Մա-նաւանդ յանձն առնեմ և աղաչեմ փոյթ մեծ ունել սակս հոյակապ ժառանգաւորաց ճեմարանի Մայր Աթոռոյս՝ զոր ի հիմանց կառուցի բազմազան ճեղո-րեամբ և ազգի ազգի տառապանօք և ընտրանօք յանձնացն կողմանց զմանկունս ուշիմս և զգտառս ժողովեալ ի նմա ըստ կանոնադրութեան իմոյ՝ դաս-տիարակել զմիսս և զսիրտ նոցա ուսմամբ և երկի-դի Տեառն, և ոգով նախնեաց և ողորմաւոր վարդա-պետաց խնամել և դարմանել զնոսս միշտ, և ի չափ հասակի կատարելութեան ժամանակս ձեռնադրել ի վարդապետս, և պատրաստել յառաքելութիւն քար-գութեան, զի ըստ օրինակի երանկի սրբոց վարդա-պետացն առաջնոց տարեցն զԱւետարանն Տեառն մերոյ և զաւետիս յախտեանական կենաց առ ամենայն որդիս Մօրն լուսոյ Սրբոյ Լէւոնիմի, լուսատու լի-ցին Եկեղեցոյ, նախանձաւոր պաշտպանի կրօնի և քարոզիչք քանին ճշմարտութեան և ազգութեան և դասնութեան մերոյ և աւանդութեանց, տարածիչք դպրութեան լեզուիս և Աստուածամանոյ առաքինու-թեանց, որոց քան զամենայն իրաց և հաստատու-թեանց առան պետս պետս ոմն ազգս տառապեալ, քանզի ընդ ամենայն ժամանակս ազգ մեր ի ձեռն անձնուէր հովուաց և վարդապետաց Եկեղեցոյ զոգի առեալ և եկեալ է ի կենաց և ի փրկութիւն և ի պա-կասիլ այնպիսեաց՝ մոլորեալ ի ճանապարհն կե-նաց և անկեալ ի փառաց և ի զօրութենէ միութեան, և կործանեալ իսկ յանդուրդս թշուառութեան:

Յիշեցէք, եղբարք, զի որպէս Մայր Աթոռս ի վե-րայ Արարատայ գիւղիս սրբութեան իւրոյ հարեալ ընդ արևելս զփառաւորեալ քաղաք Աստուծոյ բարձ-րացեալ կայ ի լերին՝ որ ոչ ծածկի յաչաց ուստե-

բաց և դատերաց իւրոց՝ լեկեղեցեացն Հայաստան-
եայց, սոյնպէս և ուխտո՞ւ որ ի սմա՝ ունել ունի
պարտա իբրեւ գերկնաքաղաքացի լուսաւորս՝ լուսով
հաւատոյ՝ սրբութեան վարուց՝ ոգով հաւատար-
մութեան և ողջամիտ վարդապետութեան օրինակ
լինել համօրէն ուխտի եկեղեցւոյ, և իբրեւ գլուխ
ւի սուրբ ստաշի Քրիստոսի նախանձելի լաշս
անկեցուն և զսէր և զոգի բոլորեցուն ձգել զարբու-
թիւն Աթոռոյս: Մի թուանալ ի բարեպաշտութեանց
և ի խախտել և քայքայել զազգօգոտ աւանդութիւնս
նախնեաց, զի մի ընդ փառաց մերոց առաջնոց ի հող
իջցեն, և լայնժամ անարատ ոգին Հայաստանեայց
բողոք կայցի զհովտաց եկեղեցւոյ առաջի Քրիստոսի
թէ, Տէ՛ր, քակեցին զցանկ նորա, և կթեն զնա անցա-
ւորք: Ճանապարհի, և խոզ և երեւարի արածեցաւ ի
ձեռատունկ դրախտիս, և կորեաք լերկրի լերեսաց
հովտացն՝ զորս դու ոչ առաքեցեր Տէր, և այնպէս
անէծս արձակեցեն զհետ մեր:

Ին արդ զայս ամենայն հաստատեալ ի մտի՝ և
զարթուցեալ ի սրտի ձերում զառ և զերկիւղ աւուրն
բարութեան, զգուշացարո՛ւք հաստատուն և անխա-
փան պահել զաւանդս՝ զիշտական բարեպաշտ ոգւոց՝
և զայս իմ կտակ, աղօթակիցելով ընդ իս զի ողոր-
մեսցի Աստուած աշխարհիս հալոց և Արքայ Սիօնիս,
զորոյ զհիմունս ինքնին արկ, և ինքն փառօք և խոր-
հրդովք իւրովք յախտեանս յախտեցինք ի սմա
թագաւորեցել: Ամէն:

Գեորգ Գ

ԿԱԹՈՂԻԿՈՍ ԱՄԵՆԱՅՆ ՀԱՅՈՑ

(Կաթողիկոսի ստորագրությունը կարմիր թանաքով)

Ի 25-ն դեկտեմբերի 1873 ամի Փրկչական,
Ի ԺԴ Քաղոցի ՌՅԻԳ ազգ. թուականիս,
Ի Ա. Էջմիածին, ի Վաղարշապատ:

№ 291

ՖԻՐՄԱՆ

(Թուրքերեն)

Թերթերը՝ 1:—Մեծությունը՝ 78.8×54.5 սմ.:
—Նյութը՝ դեղնած և կեղտոտած հաստ դիմացկուն
թուղթ:—Կազմ՝ չունի:—Պահպանակներ՝ չունի:—Վի-
ճակը՝ լավ:—Գրությունը՝ միապուն:—Դատարկ թղթե-
րը՝ չկան:—Տողերը՝ ընդամենը 12 տող:—Գծումները՝
աչքի չափով:—Գիրը՝ արաբերեն (լեզուն՝ թուրքե-
րեն):—Զարդագրություն՝ Ֆիրմանի վերևի մասում
կա բավականին գեղեցիկ մի զարդանկար, բրգաձև,
որի խարիսխը ունի մոտ 27 սմ. երկայնությունը, իսկ
բուրգի բարձրությունը է մոտ 37 սմ.: Բուրգի ներքևի
մասում միաձուլված գրված է մահմետական «Բիսմ
իլլահի ուսթման ուսթման» բառերը, ոսկեգույն և կանաչ
գույներով, իսկ բուրգի մեջ նկարված են ոսկեգույն ծա-
ղիկներ և ճյուղեր: Բուրգի երկու կողմերում նկարված
են զարդեր, ծաղիկների մման, վարդագույն, կապույտ,
կարմիր և կանաչավուն գույներով:—Գրիչը՝ անհայտ:

—Պատվիրատուն՝ անհայտ (Ֆիրմանի ստորագրու-
թյունը անընթեռնելի է):—Ծաղկողը՝ անհայտ:—Ժա-
մանակը՝ ԺԸ դար:—Վայրը՝ Թուրքիա:—Ծանոթու-
թյուն՝ սույն ձեռագիր Ֆիրմանը ստացված է Հոգևոր
ճեմարանի գրադարանից Հոգեշնորհ Տ. Նարեկ վար-
դապետ Ծաքարյանի միջոցով, 1965 թ. ապրիլի 15-ին:

ՀԻՇԱՏԱԿԱԳՐՈՒԹՅՈՒՆ

(Ֆիրմանի հետևի մասում)

Լիմալ զախիւս չտան:

ՌՃԸ (1727 թ.) չեարզին:

12:

№ 292

ՖԻՐՄԱՆ

(Թուրքերեն)

Թերթերը՝ 1:—Մեծությունը՝ 77.6×54.8 սմ.:
—Նյութը՝ դեղնած և կեղտոտած հաստ դիմացկուն
թուղթ:—Կազմ՝ չունի:—Պահպանակ՝ Ֆիրմանի վերևի
մասում, հետևում, կացված է կանաչավուն մի շոր,
որպես պահպանակ, ամբողջ լայնության վրա,
54.8×42.2 սմ. ծավալով:—Վիճակը՝ լավ:—Գրու-
թյունը՝ միապուն:—Դատարկ թղթերը՝ չունի:—Տողե-
րը՝ ընդամենը 10 տող:—Գծումները՝ աչքի չափով:
—Գիրը՝ արաբերեն (լեզուն՝ թուրքերեն):—Զարդա-
գրություն՝ Ֆիրմանի վերևի մասում կա շատ գեղե-
ցիկ մի զարդանկար, ներքևում կիսաշրջանակաձև,
իսկ վերևում բրգաձև: Բարձրությունը է 36.7 սմ.,
իսկ լայնքը՝ 32.5 սմ.: Ներքևի մասում միաձուլված
գրված է մահմետական «Բիսմ իլլահ ուսթման ուսթման»
բառերը, և «Մուհամեդ» ու 1—2 տող այլ արաբական
անուններ, ոսկեգույն և կապույտ գույներով: Սրա
հիշտ կողքին, աջակողմյան մասում կա ոսկեգույն մի
տերև, 10.5×5 սմ. չափերով, որ շրջանակված է
սիրուն վարդագույն ծաղիկներով և կանաչ տերևնե-
րով, և որի կենտրոնի ապիտակ թողնված մասում
գրված է արաբատառ թուրքերեն երեք բառեր: Սրան-
ցից բացի, այս երկու կոմպոզիցիայից դուրս, ընդ-
հանուր նկարում պատկերված են ոսկեգույն ծաղիկ-
ներ և ճյուղեր: Բուրգի երկու կողմերում նկարված են
զարդեր, ծաղիկների մման, ոսկեգույն, կապույտ և
կարմիր գույներով: Ընդհանուր սույն նկարից բացի,
աջակողմյան և ձախակողմյան երկու կողմերում,
նկարված են երկուական կանաչ ճյուղեր, տասնական
կանաչ տերևներ և երկուական վարդագույն վարդեր
(մեկը՝ կոկոն, մյուսը՝ բացված վարդ): Զափազանց
գեղեցիկ վարդեր են սրանք, թուրքական մանրա-
նկարչության հիանալի նմուշներ:—Գրիչը՝ անհայտ:
—Պատվիրատուն՝ անհայտ:—Ծաղկողը՝ անհայտ:
—Ժամանակը՝ ԺԸ դար:—Վայրը՝ թուրքիա:—Ծա-
նոթություն՝ սույն ձեռագիր Ֆիրմանը ստացված է
Հոգևոր ճեմարանի գրադարանից Հոգեշնորհ Տ. Նա-
րեկ վարդապետ Ծաքարյանի միջոցով, 1965 թ.
ապրիլի 15-ին:

ՀԻՇԱՏԱԿԱԳՐՈՒԹՅՈՒՆ

(Ֆիրմանի հետևի մասում.)

Հուլիսի Աստղ. չափելու Ֆարման է:
16:

№ 293

ԽՈՐՀՐԴԱՍՏԵՐ

Թղթերը՝ 23:—Պրակները՝ երեք (Ա՝ 10, Բ՝ 12, Գ՝ 1 թերթ):—**Մեծությունը՝** 28.5×20×1.2 սմ.:—**Նյութը՝** դեղնած ե կեղտոտած հաստ թուղթ:—**Կազմը՝** կաշեպատ ամպարաթուղթ, որի երկու կողքերին ճնշումով ծաղիկներ և սրբեր են նկարված:—**Պահպանակները՝** սկզբում 4 թերթ, իսկ վերջում 2:—**Վիճակը՝** լավ:—**Գրությունը՝** երկայուն:—**Դատարկ թղթեր՝** չկան:—**Տողերը՝ 23:—Գծումները՝** ճնշումով:—**Գիրը՝** բոլորգիր:—**Ջարդագրությունը՝** ձեռագիրն ունի մի հատ խորան (թ. 1ա), երկու հատ կիսախորան (թթ. 12ա և 15բ), մի քանի թռչուններ և ծաղիկներ, յոթ հատ լուսանցազարդ և ութ հատ գեղեցիկ թռչնազարդ: Բացի այդ ձեռագրում կան 22 հատ զանազան տեսարաններ Պատարագից, որտեղ նկարված են եկեղեցու բազմաթիվ պաշտոնյաներ: Հետագայում 1933 թ., ձեռագրի վերանորոգման ժամանակ, մատյանի սկզբում աղկազակած Գր էջում նկարված է մի սիրուն զարդագիր և լուսանցազարդ, Դա էջում տավիղ նկագող մի մարդ, որի գլխին թագ կա, Դր էջում մի սկիզբ և մի նշխար:—**Գրիչը՝** անհայտ:—**Պատվիրատուն՝** անհայտ:—**Մատչողը՝** անհայտ:—**Ժամանակը՝** ԺԵ—ԺԶ դարեր:—**Մանրությունը՝** 1965 թ. հունիսի 12-ին սույն ձեռագիրը Մայր Աթոռի Ջեռագրատանն է նվիրվել Բուդապեշտի Պոլիտիկ քաղաքից Ներսես Գաապազյանի կողմից: Մատյանը ս. էջմիածին է բերված Վեհապետ Հայրապետի ձեռամբ:

ՀԻՇԱՏԱԿԱԳՐՈՒԹՅՈՒՆՆԵՐ

Թ. Ար.— ...ք արկանելոյ ապա եկե... կամեցի քանանայն պատարագ մատուցան... պարտի այսպէս խորհրդաբար զգեստավորի:

Քանանայք քո զգեցին զարդարութիւն և ...ցնծալով ցնծացան:

Յիշիայ Տէր զԴավիթ և զամենայն հեգութիւն նորա:

Որպէս երդվալ Տեառն և ուխտս եղ Աստուծոյ Յակոբայ, եթէ ոչ մտից ի յարկս տան իմոյ, թէ եկից յանկողինս մահնաց իմոց: ...տաց քուն աշաց իմոց կամ հինջ արտեվանաց իմոց կամ հան... անց իմոց, մինչև գտից զտեղի յարկի Տեառն Աստուծոյ յակ...: Ամայ լվաք զնմանէ Նփրաքայ և գտաք զնայ ի դաշ-

տըս մայրից: Մտցուք ի յարկս նորա երկրպագոյք ի տեղոյ ուր կացիալ են ոտքն նորա: Արի Տէր ի հանգիստ քո դու, և տապանակ կտակի սրբութեան քո: Երիցունք քո զգեցին զարդարութիւն և սուրբ քո ցնծալով ցնծացն վասն Դավթի սիրելոյ քո մի դարձուցաներ զերեսաք յօժելոյ քոմմէ:

Երդվալ Տէր Դավթի ճշմարտութեան և ոչ ստիաց նմա, ի պտղոյ որովայնի նորա նստուցանել յաթոռ նորա:

Եթէ պահեսցնեն որդիք քո զօրէնս իմ և զվկայութիւնս իմ զոր ուսուցից նոցա:

Թ. Բա.— ...նոցա նստցին յավիտեանս յաիտենից յաթոռ քո:

Հանցեալ Տէր ընդ Սիօն և ընտրիաց բնակել ի նման ասէ. այս է հանգիստ իմ յավիտեանս յավիտէնից, ի սմայ բնակեացց զի հանցեալ ընդ սա:

Ջայրիս արայ օրհնելով օրհնեցից և զախաբառ սօրայ լցուցից հացի:

Երիցանց սօրայ զգեցուցից զսիրութիւն և սուրբ սօրայ ցնծալով ցնծացան:

Այլ ծագեցից եղջուր ի Դաւթի պատարագ արարից զգնազ օժելոյ իմօ:

Թշնամիաց սորայ զգեցուցից զամօթ և ի վերա նորա ծաղկեացի սրբութիւն իմ:

Փառք Հօր և Որդոյ և Հոգոյն Սրբոյ:

Ով սրբազան պատարագիչ յիշիայ զաղօթս քոյ շնորհ զընծայիցից քոյս Թատոռմին և Դարէջանի հոգին:

Թ. Գա.— Ներսէս Գաապազյան.

Պոլիտիկ, 12.6.1965 թ.:

Թ. Դր.— Յանկուած խորհրդատետրիս գրեցաւ ի թիւն օգոստոսի 1933 տարւոյ՝ Ս. Լ. Գազանճեանէ:

Թ. 1ա.— Ես Գրիգոր քանանայ Մատթէոսի Մանդակունեոյ Ջորաթաղի Սուրբ Գէորգ եկեղեցոյ Տփխիսի:

Կտամ յիշատակ Սուրբ Աստուածածին եկեղեցոյ Նիկոփրայ, ի ձեռն եկեղեցական և աշխարհական պատգամատուր Կաթողիկոսի ընտրութեան, ամենապատիւ Ստեփաննոս Եպիսկոպոսի Նիկոմիդոյ առ մի. Գաապատ Էֆէնտի Գ. Թ. Գաապաբեանի 11-ն մայիս 1892 ամի, ի Տփխիս: Գրիգոր քանանայ Մանդակունի:

Թ. Յր.— (Կա 14 տող հիշատակագրութիւն, որ թանաքը անցել է և այլս անընթեռնելի է եղել):

Թ. 17բ.— Յիշատակ է խոր ... ամեն: Յիշալից ի ամման պատարաքին:

Թ. 25բ.— Յիշեալ Տէր զհոգի Գևորգին և Քէրէվանի, և հանգո աղկութիւն ի յոյս երեսաց քոց:

Թ. եա.— 23 պատկեր ունի իր մօտ:

(Շարունակելի)

ՀԱՅ ՀԱՄԱԲԱՐԲԱՌԱՅԻՆ ԳՐԱԿԱՆՈՒԹՅՈՒՆԸ ԵՎ ՀԱՅ ՄԱՏԵՆԱԳՐՈՒԹՅԱՆ ՀԱՄԱԲԱՐԲԱՌԸ*

1. Ազարակն բրտի գերեզման օտարաց.
2. Բրտի ազարակն գնեցին գերեզման օտարաց.
3. Գնեցին զազարակն բրտի գերեզման օտարաց:

Այսպես է նաև՝ Ղուկ. Ժ. 9 «Եւ բժշկեսցիք որք ի մմա հիւանդս իցեն և ասասցիք նոցա. Մերձեալ է» վկայությունը, որը դրված է թե՛ Բժշկեսցիք և թե՛ Հիւանդս բառերի տակ.

1. Բժշկեսցիք որքան (sic) հիւանդ իցեն.
2. Հիւանդս բժշկեսցիք և ասացէք նոցա մեր.

Պարզ է, որ հեղինակն աշխատել է ճկունությամբ օժտել իր համաբարբառը՝ երբեմն դրան զոհաբերելով բնագրային ճշգրտությունը, նպատակ ունենալով ամեն գնով գտանելի դարձնել որոնված նախադասությունը: Այնուհանդերձ՝ այս երևույթի հետ պետք չէ շփոթել ձեռագրում նկատվող լեզվական այն ակնհայտնի աղավաղումները, որոնք, ինչպես դիտել տվինք արդեն, ուրիշների ձեռքով հետագայում կատարված սրբագրության և ընդօրինակումների հետևանք են:

Սրանից հետո հանդես է գալիս Բաղդասար Կ. Պոլսեցու համաբարբառը, որով սկսվում է հայ տպագիր համաբարբառների շրջանը:

1753 թվականին Կ. Պոլսում լույս տեսավ բանասեր-քերականագետ Բաղդասար դպիր Կ. Պոլսեցու կազմած նորկտակարանային համաբարբառը՝ «Յանկ գիրք Նոր Կտակարանին»⁵²:

Բաղդասար դպիրն իր ժամանակի հայտնի գիտնականներից էր ոչ միայն որպես հեղինակ երկհատոր Քերականության, որը երեք տպագրության է արժանացել նույն ԺԸ դարի ընթացքում, և ուրիշ երկերի, այլև որպես բնագրաբան՝ միջնադարյան մատենագրական բնագրերի հրատարակությամբ (Մաշտոց և Հաճախապատում, Կյուրեղ Աղեքսանդրացու, Դավիթ Անհաղթի, Ջենոբ Գլակի, Գրիգոր Տաթևացու և Սարգիս Ծնորհալու գործերը):

Ի տարբերություն Անանիա Ալլահվերդյանի Համաբարբառի, որը միայն չորս Ավետարաններն էր ընդգրկում, Բաղդասար դպիր Համաբարբառն ընդգրկում էր Նոր Կտակարանի բոլոր գրքերը: Դարձյալ՝ ի տարբերություն նախորդի, համաբարբառային սույն բառարանը լայն ծավալով չի բերում բնագրական վկայությունները, այլ միայն բառի հետ եղած շատ փոքրիկ կապակցություններով, բայց ունի խիստ այբբենական դասավորում. Օրինակ՝

* Ծարունակված «Լջմիածին» ամսագրի 1971 թ. ԺԱ.—ԺԲ համարներից:

⁵³ Տե՛ս «Գրքոյկ որ կոչի Յանկ գիրք Նոր Կտակարանին: Որ պարունակէ յինքնան գրանս ոմանս երևելիս, եղեալ ըստ այբբենական կարգին հանդերձ համաբարբառով գլխոցն և համարացն տընատմանց: Առ ի դիւրապէս գտանել զոր ինչ և խնդրիցէ ոք բանս ի սուրբ Նոր Կտակարանին», Կ. Պոլիս, 1753: Տպագրության հիշատակարանում ասվում է. «Եւ արդ՝ եղև կատարումն տպեցման սորին ի թվիս Հայոց՝ ՌՄԲ (=1753)... ի Կոստանդնուպոլիս քաղաքի...»:

Ազգաց եւ լեզուաց
Ազգաւ անմտաւ
Ազգն քո եւ քահա
Ազգս ազգս եթէ

Յայտ. ԺԳ. 7
Հոռմ. Ժ. 19
Յովն. ԺԸ. 35
Հոռմ. ԺԲ. 6

Բերված օրինակները ցույց են տալիս, որ այս համաքարքառում ևս բա-
ները շարք են մտնում իրենց ունեցած քերականական թեքումներով: Այս կեր-
պով բտաշարում համապատասխան տառերի շարքերում տեղավորված են
նաև, օրինակ, դերանունների հոլովված ձևերը՝ «Իմ եթէ չէր եկեալ» (Հովն.
ԺԵ. 22), «Ինեւ քարոզութիւնն» (Բ Տիմ. Դ. 17), «Ինձ որ տրուաւ եմ» (Եփ.
Գ. 8), «Նա է տեղեկացեալ» (Կոր. Ը. 3), «Նմա պարտ է անել» (Յովն. Գ.
30), «Նովաւ հաշտեցու» (Կող. Ա. 20), «Նորա յաշխարհի եմ» (Յովն. ԺԷ.
11), «Նոցա զազատութիւն խոս» (Բ Պետ. Բ. 19), «Նոքօք կատարիր»
(Յայտ. ԺԵ. 1), և այլն:

Այս նույն ձևով, օրինակ, գտնում ենք նաև էական բայի խոնարհված
ձևերը՝ Եղեալ, Եղեաք, Եղելոյ, Եղեն, Եղեր, Եղերուք, Եղև, Եղէ, Եղեց,
Եղէք, Եղիջիք, Եղիցի, Եղիցին, Եղիցուք, Եմք, Են, Էաք, Էիք, Էր,
Էք, Լեալ, Լեր, Լերուք, Լինիլ, Լինին, Լինիջիք, Լինիցի, Լինիցին,
Լինիցիք, Լիցուք: Հասկանալի է, որ բայական այս բոլոր բառերն իրենց
հետ միշտ ունեն փոքրիկ կապակցություններ, ինչպես՝ «Եղեալ վասն մեր
ան», «Եղեաք հեզք ի մի». և կամ՝ «Եղև ամենայն հնազանդ», «Եղև ամե-
նայն օրինացն», «Եղև բան Տեառն ի վերայ» և այլն:

Այբբենական շարքում տեղ են գտել ոչ միայն ինքնուրույն բառերը, ինչ-
պես են, օրինակ, գոյական և ածական անունները, այլև պարագայական
հանգամանքներ արտահայտող նախդիրները, նախադրությունները, մակ-
բայները, շղկապները: Այսպես՝ «Զերեսս երկնի կա» (Մատ. ԺԶ. 3), «Զե-
րիս աուրս ես» (Յայտ. ԺԱ. 9), «Ի մեռելոցն յառնել» (Մարկ. Թ. 9), «Ի
մեր վարդապետութիւն գր» (Հոռմ. ԺԵ. 4), «Յայնմ աուր խնդ» (Յովն. ԺԶ.
26), «Առ ի բառնալոյ գմե» (Եբր. Թ. 28), «Ընդ անիծիք են» (Գաղ. Գ. 10),
«Ըստ միտս կատարել» (Եբր. Թ. 9), «Յորքան ժամանակս» (Հոռմ. ԺԱ. 13),
«Վասն բազմանալոյ ան» (Մատ. ԻԴ. 12), «Զկնի երթան գա» (Յայտ. ԺԴ.
4), «Ժբրե գգորսս քան» (Յայտ. ԺԶ. 13), «Ժբրե լուան որք» (Գործք Ը.
14), «Եւ զի էք դուք որ» (Գաղ. Դ. 6), «Այլ և մեք իսկ որք» (Հոռմ. Ը. 23),
«Եթէ իցէ եկալ ըստ» (Կոր. Է. 36), «Զի եթէ որ ի ձեռն» (Եբր. Բ. 2), «Թէ
ե՞րք դառնայց» (Ղուկ. ԺԲ. 36), «Իսկ որ բերէ զփուշ» (Եբր. Զ. 8), «Ապա
թէ ոչ եւ դու» (Հոռմ. ԺԱ. 22), «Այսինքն է զիմ ա» (Փիլիմ. Ա. 12), և այլն:

Բաղդասար Կ. Պոլսեցու Համաքարքառը պարունակում է 10.512 բառ-
վկայություն: Նրա ծավալն սկզբնապես ավելի է եղել, բայց հեղինակը, հաշ-
վի առնելով տպագրության դժվարությունները, դուրս է թողել մի շարք վկա-
յություններ, որոնք, ինչպես ինքն է ասում, կարող էին գտնվել նաև տպագրու-
թյամբ հաջորդի ուրիշ երկերի միջոցով: Նա գրում է.

«Գիտելի է և այս և յոյժ ի միտ պահելի, զի վասն յոյժ հոգ տանելոյս մե-
րոյ համառոտութեան գրքուկիս, լետ հաւաքմանս մերոյ զհաւաքելիսն ըստ
մեր մտացս և դնելոյ ի կարգին, եղաք առաջի մեր զբառգիրքն Աբբային և
զհին ցանկն մատենական Աստուածաշնչոյն, և զոր ինչ գտաք ի նոսին ի մեր
հաւաքելոցս, հաճաք զայն ի բաց, աւելորդ համարելով զգտեալսն ի նոսին՝
դնել և յատում, որպէս ասէ Արիստոտէլ՝ թէ՛ աւելորդ է երկրորդս առնել
զայն, որ կարէ լինիլ միով» (էջ 174—175):

Այստեղ հիշատակված երկերից առաջինը Մխիթար Սեբաստացու բառարանի առաջին հատորն էր, տպագրված 1749 թվականին⁵⁴, իսկ երկրորդը՝ 1733 թվականին նրա հրատարակած Աստվածաշնչի⁵⁵ վերջում գտնվող «Ցանկ մատենական»-ն էր, բառացանկ, որն արտատպված էր Աստվածաշնչի 1666 թվականի Ոսկանյան հրատարակությունից և որի էությունն արդեն տեսանք վերևում՝ Ոսկան Երևանցու մասին խոսելիս: Այս երկու հրատարակություններում թեև բնագրական վկայություններ չէին բերված, բայց բառերի դիմաց նշանակված էին Աստվածաշնչի գրքերի համապատասխան գլուխներն ու տնահամարները:

Բաղդասար Կ. Պոլսեցին իր Համաբարբառը կազմելու համար որպես բնագիր օգտագործել է Մխիթար Սեբաստացու հրատարակած Աստվածաշունչը, որը հիմնականում Ոսկան Երևանցու անխնա սրբագրություններով աղճատված բնագրի վերարտադրությունն էր. բայց նաև երբեմն հարկս-դրված է եղել հայկական հին՝ հարազատ բնագրից ևս առնել որոշ տողեր՝ երբ դրանցից շատ է տարբերվելիս եղել ոսկանյան նոր բնագիրը, որպեսզի ընթերցողը չգրկվի դրանք ևս գտնելու հնարավորությունից: Բաղդասար դպիրն այդ մասին գրում է.

«Եւ հին վարդապետքն մեր՝ որ ըստ հնոյն եղեալ են ի գրուածոցն իրեանց, ընթերցողքն զնոսա՝ ալնպէս պահեալ են ի մտի. և որոնեալ զայն ի ցանկիս, ոչ գտանեն զնոյն ձև, զի այս ըստ նորոյս է հաւաքուած. թէպէտ և զոմանս եղաք և ալնպէս՝ առ ի գտանիլ» (էջ 173—174):

Նշանակում է՝ գիտնական հեղինակն իր աշխատանքի ընթացքում Ոսկանյան տպագրված նոր բնագիրը համեմատել է հայկական անտիպ հին բնագրի հետ և պատրաստել ըստ ամենայնի գիտականորեն հորինված մի համաբարբառ՝ ի պետս ուսումնասիրողների. և այդպես էլ ինքն ասում է, որ այս գիրքը «ամենայն կարդացողի ոչ է պիտոյ, այլ միայն գյոց աշակերտաց և բանասէր անձանց, որ սէր ունին գրոց գիտութեան» (էջ 175):

ԺԹ դարի առաջին կեսում մեզ մոտ հայտնվել են սուրբգրական մի քանի այլ համաբարբառներ, որոնք մնացել են անտիպ:

Նրանցից մեկը ժամանակին պատկանում էր Կ. Պոլսի Հայոց Ազգային Մատենադարանին (Ղալաթիա թաղամասում) և հայտնի էր որպես № 2 ձեռագիր. այդ առումով մենք նրան տալիս ենք «№ 2 համաբարբառ» պայմանական անունը: Այդ ձեռագիրն այժմ գտնվում է նույն քաղաքի Պերա թաղամասի Ս. Երրորդություն եկեղեցում:

Բարգեն կաթողիկոս Կյուլեսերյանը, որ ժամանակին կազմել էր Ազգ. Մատենադարանի ձեռագրերի ցուցակը, նկարագրել է նաև այս ձեռագիրը⁵⁶:

Տրված նկարագրության համաձայն՝ «№ 2 համաբարբառ»-ն ընդգրկում է Հին և Նոր Կտակարանները և ամփոփված է երկու սովոր հատորների

⁵⁴ «Բառգիրք հայկազնան լեզուի, բաժանեալ յերկուս հատորս, յորոց յառաջնումն՝ որ է տպագրեալս այս, պարունակեալ զոմ յոգնախումբ բազմութիւնք բառից Աստուածաշունչ Գրոց և այլոց երևելի մատենից լեզուազէտ դպրապետաց...: Արարեալ ի Մխիթարայ վարդապետէ Սեբաստացոյ Արքայ Հայր կոչեցելոյ, աշխատակցութեամբ աշակերտաց իրոց», Վեներտիկ, 1749:

⁵⁵ «Աստուածաշունչ գիրք Հնոց և Նորոց Կտակարանաց: ...Վերստին տպագրութեամբ ի յոյս անեցեալ աշխատասիրութեամբ և ջանիւք տեսուն Մխիթարայ վարդապետի Սեբաստացոյ՝ Արքայ Հայր կոչեցելոյ», Վեներտիկ, 1783:

⁵⁶ Բարգեն արքեպիսկոպոս Կաթողիկոս (Կյուլեսերյան), «Ցուցակ ձեռագրաց Ղալաթիոյ Ազգային Մատենադարանին Հայոց», Անթիլիաս, 1961, էջ 9—12:

մեջ, որոնք խորագիր և անվանաթերթ չունեն։ Նրա հեղինակն անհայտ է։ Գրված է բամբակյա փայլուն թղթի վրա, մանրագույն նոսրագրով։ Թղթի չափն է՝ 39×26 սմ, իսկ գրվածքի չափը՝ 23×19 սմ։ Բաղկացած է 46 պրակներից՝ յուրաքանչյուրը 12 թերթ կամ 24 էջ, ընդամենը՝ 552 թերթ կամ 1.104 էջ. էջերը բաժանված են 3-ական պոնակների, ուստի՝ ամբողջ գործը կազմված է 3.312 պոնակներից։ Դժբախտաբար նշանակված չէ տողերի բանակը, հետևաբար նաև հնարավոր չէ գոնե մոտավոր հաշվով իմանալ, թե քանի՝ բառ կամ վկայություն է պարունակում այս համաքարքառը։

Սահմանափակ են մեր տեղեկությունները «Ձ 2 համաքարքառ»-ի ձևային մասին։ Դատելով տրված նմուշներից՝ երևում է, որ այս համաքարքառը ևս ունի այբբենական հորինվածք, բայց բառաշարի մեջ մտնող բառերի դասավորման համար այստեղ կիրառված է բառերի համախմբման մի նոր դրույթուն։ Եթե, ասենք, Բաղդասար Կ. Պոլսեցու Համաքարքառում Աճճ հորինվածքով բերվող վկայությունները բաշխված էին զանազան տեղերի վրա, բառով բերվող վկայությունները բաշխված էին 2 տառի շարքում («Ձան-ծինսկ» զ նախորդով եղածները տեղավորված էին 2 տառի շարքում («Ձան-ծինսկ» զ նախորդով եղածները)», 3 տառի շարքում («Ձանծինսկ» իրենանց), «Ձանծինսկ» առնեն ձեզ), առանց նախորդի եղածներն՝ ողղակի Ա տառի տակ («Անձամբ զանձինս», «Անձանց իրենանց») և այլն, ապա «Ձ 2 համաքարքառ»-ն այդ բոլորը համախմբում է մի տեղ՝ ողղակի Աճճ բառի տակ, դասավորման համար նշանակություն չտալով նախորդներին։ Այդ են ցույց տալիս նկարագրողի հաղորդած հետևյալ նմուշները.

զ-Աճճ իր դիցէ ի վերայ բարեկամաց իւրոց	Յովհ. ԺԵ. 13
զ-Աճճ իր դնէ ի վերայ ոչխարաց	Յովհ. Ժ. 11
յ-Աճճ իւր, եթէ տրտնջեն վասն այնորիկ	Յովհ. Զ. 62
զ-Աճճ իւր, և բարձցէ զխաչ իւր	Մարկ. Ը. 34
յ-Աճճ իւր. և վաղվաղակի փառաորեսցէ	Յովհ. ԺԳ. 32
յ-Աճճ իւր զգօրութիւն, որ ելն ի մմանէ	Մարկ. Ե. 30
զ-Աճճ իւր կեցուցանել, կորուսցէ զնա	Մատթ. ԺԶ. 25

Ուրիշ որևէ տեղեկություն չունենք այս համաքարքառի յուրահատկությունների մասին։ Իսկ ինչ վերաբերում է նրա ներկայացրած վիճակին՝ այդ մասին նկարագրողն ասում է. «Կարծես առաջին գրչէ ելած գործ մըն է որ բառերը լա չեն դասաորում աչբոբենական կարգով. թէ՛ ետևառաջութիւններ կան և թէ՛ վերջէն յաւելումներ ու սրբագրութիւններ, նոյնիսկ քերումներ»։

Ուրիշ տեղեկությունների համաձայն՝ Կ. Պոլսի Հայոց Ազգ. Մատենադարանում մի ժամանակ կար նույնպես անանում մի համաքարքառ, որը կոչվում էր «Բուրաստան խնկոց»։ Կույտերյանի կազմած ցուցակում այդ անունը չի երևում, բայց մեզ թվում է, որ «Ձ 2 համաքարքառ»-ը և «Բուրաստան խնկոց»-ը կարող են լինել նույն ձեռագիրը։ Այդպիսի հավանականության համար հիմք է տալիս ոչ միայն այն հանգամանքը, թե երկու ձեռագրերի տեղն էլ Ազգ. Մատենադարանն է, այլև այն, որ նրանց մասին տրված նկարագրությունների միջև կան ակնբախ նմանություններ։

«Բուրաստան խնկոց»-ի մասին հետևյալ տեղեկություններն է տվել Թոներածական հոդվածում, 1895 թվականին Երուսաղեմում տպագրված համալուս քն. Տեր-Իսահակյանն իր «Տեսութիւն ի վերայ համաքարքառի Ա. Գրոց» բարբառի սկզբին.

«Յընթացս տպագրութեան մատենիս լանօթս շնորհեցաւ մեզ յԱզգային Մատենադարանէ Կ. Պոլսի ստուար երկհատոր ձեռագիր ցանկ ամենայն բառից Ս. Գրոց: Գիր գրչագրիս է նօտր կոչեցեալն, յոյժ մանր, ալ յստակ և գեղեցիկ, գրեալ ի վերայ հաստ և կարծր բամբակեայ թղթոյ: Չիք ինչ ուրեք ի նմին յառաջարան կամ վերջաբան կամ յիշատակարան. և ոչ իսկ անուն գրուածոյն կամ հեղինակին գտանի ի ճակատի կամ ալ ուր ի գիրս, ալ միայն ի յետ կոյս կազմի իւրաքանչիւր հատորոյ ոսկեգրով դրոշմեալ է **Բուրաստան խնկոց**: Ի մասին ոճոյ և դասաւորութեան՝ տարբեր ոչ սակաւ ի ներկայ գրուածոյս: Յայտնի տեսանի ի մնա աշխատութիւն եօթն կամ ութ անձանց» և այլն⁵⁷:

«Ձե 2 համաբարբառ»-ի և «Բուրաստան խնկոց»-ի մասին տրված նկարագրություններն միջև եղող մամուլություններն, ինչպես ասվեց, ակներև են և, ամենայն հավանականությամբ, դրանք միևնույն ձեռագիրն են ներկայացնում: Մեզ համար այս մասին տարակուսանք պատճառող միակ կետն այն է, թե Կյուլեսերյանը «Ձե 2 համաբարբառ» ձեռագրի նկարագրության մեջ ի՞նչպես կարող էր չնշել, եթե նրա երկու հատորների կազմի թիկունքին ոսկեգրով դրոշմված լինեին «Բուրաստան խնկոց» բառերը:

«Բուրաստան խնկոց»-ի նկարագրության մեջ ասվում է, որ, ձեռագրից դատելով, այնտեղ 7 կամ 8 տարբեր անձերի աշխատանք կա: Այս հանգամանքը ցույց է տալիս, որ «Բուրաստան խնկոց»-ը խմբական աշխատանքի արդյունք է: Մենք արդեն տեսանք, որ ժամանակին կարդ. Հուգոնն իր համաբարբառը կազմելիս գործի է լծել 500 և ավելի վանականների: Երևում է, որ «Բուրաստան խնկոց»-ը ևս վանական միջավայրում է ծնունդ առել. իսկ թե ո՞վ է եղել նրա նախաձեռնողը՝ հայտնի չէ:

Տեր-Խառակյանը բավականին համոզիչ փաստարկումով առաջ է քաշել այն կարծիքը, թե «Բուրաստան խնկոց»-ի հեղինակը պետք է եղած լինի Դիոնեսիոս վ. Կարապետյանը⁵⁸, որը Երուսաղեմի Ս. Հակոբի վանքի միաբան էր, այնտեղ վարել էր ավագ թարգմանի և քարտուղարի պաշտոններ, իսկ 1824 թվականին կարգաթող էր եղել և ընդունել բողոքականություն⁵⁹: Այդ կարծիքին է նաև Մկրտիչ եպս. Աղավունի⁶⁰: Եթե այդ կարծիքը հաստատ համարվի, ապա դա մեզ միմյն կտա ասելու, որ «Բուրաստան խնկոց»-ը կազմվել է Ս. Հակոբի վանքում՝ Դիոնեսիոս վ. Կարապետյանի նախաձեռնությամբ և մի խումբ միաբանների կամ ուսանողների գործակցությամբ, նախքան 1824 թվականը:

Այս ժամանակաշրջանից հիշատակվում է նաև Հին և Նոր Կտակարանների մի ուրիշ համաբարբառ, հեղինակություն Հովսեփ վ. Տեր-Ավագյանի: Դրա մասին, սակայն, ավելի է նպատակահարմար խոսել 1848 թվականին Զմյուռնիայում տպագրված անանուն համաբարբառից հետո, որովհետև կարծիք կա, որ դա կարող է աղբյուր ծառայած լինել վերջինիս:

Զմյուռնիայի համաբարբառը, որը միայն Նոր Կտակարանն է ընդգրկում,

⁵⁷ Տե՛ս «Համաբարբառ Հին և Նոր Կտակարանաց, աշխատասիրութիւն Թադէոս վարդապետի Աստուածատուրեան Արապկերցոյ, ի Միաբանութենէ Սրբոց Յակովբեանց», Երուսաղեմ, 1895, էջ Ե:

⁵⁸ Անդ, էջ Ե:

⁵⁹ Մկ. եպս. Աղավունի, «Միաբանք և այցելութ հայ Երուսաղեմի», Երուսաղեմ, 1929, էջ 116:

⁶⁰ Մկ. եպս. Աղավունի, «Սուրբ Գրոց ուսումը և անոր սաղիմահայ աշխատությունք», Հայ Խօսնակ. Բ տարի, 1924/25, էջ 125:

լույս է տեսել այնտեղ հաստատված ամերիկյան միսիոնարների տպարանից և կրում է «Համաքարքառ կամ ցանկ նմանաձայն բառից 'Նորոյ Կտակարանի» խորագիրը⁶¹։

Զմյուռնիայի համաքարքառը ևս բառարանային եղանակով է կառուցված, բայց, ի տարբերություն հայկական նախորդ համաքարքառների, այստեղ վկայությունները բերված են տվյալ բառին թե՛ նախորդող, թե՛ հաջորդող կապակցություններով։ Այսպես, օրինակ, **Մերձենալ** բառի տակ այստեղ Մարկ. Բ. 4 տևից բերված է «**Եւ իբրև ոչ կարէին մերձենալ առ նա**» ամբողջական վկայությունը, որը նախորդների սկզբունքով այլ կերպ չէր վիճի, բայց եթե սկսելով միայն **մերձենալ** բառից՝ «**Մերձենալ առ նա՝ յամբոխէ անտի**»։ Այս **Մերձենալ** բառի տակ էլ ամփոփված են այն բոլոր վկայությունները, որոնք պարունակում են այդ բառը և նրա թեքված ձևերը (մերձենամ, մերձեցաւ, մերձեցան, մերձեցայք, մերձեսցին, մի՛ մերձենար, մի՛ մերձենայք և այլն)։ Այս դրությամբ են բերված նաև գոյականներն ու ածականները։ Սակայն, եթե հոլովման կամ խոնարհման ընթացքում բառի արմատը կամ ձիւնքը կերպարանափոխվում է և կամ փոխարինվում է մի ուրիշով, այդ դեպքում նոր ձևը, որպես ինքնուրույն բառ, իր սեփական տեղն է ունենում բառաշարում։ Այս ձևով համաքարքառում որպես ուրույն բառեր են տեղ գրավել՝ **Օր**-ը (գօր, գօրս, յօր, յօրէ, ցօր) և **Աւոր**-ը (աւորք, աւորց, աւորք, յաւոր, յաւորս, յաւորց, զաւորս, զաւորքք), **ճանաչել**-ը (ճանաչեմ, ճանաչէ, ճանաչէք, ոչ ճանաչէք, առ ի չճանաչելոյ) և **Ծան(եալ)**-ն (ծանեաւ, ծանեան, ծանիցես, ծանիջիք, ծանուցեալ, ոչ ծանեար, ոչ ծանիցի)։ Նմանապես՝ **Ուտել**-ը (ուտեն, ուտէր, ուտիջիք, ուտիցէք, ուտելոյ, չուտեմք, ոչ ուտեն, ոչ ուտիցէ), **Կեր**-ը (կերան, կերայց, կերիցես, կերիցէ, կերիցուք, կերայք) և **Եկեր**-ը («Եկն թոչունն երկնից եւ եկեր զնա», և այլն)։ Դերբայական ձևերն ընդհանրապես գնում են, ըստ վերևում նշվածի, բայական բառերի տակ, բայց երբեմն նաև ինքնուրույն են հանդես գալիս բառաշարում, ինչպես, օրինակ, **Գալոց**, **Եկեալ**, **Ասացեալ**, **Կերող** և այլն։

Այս համաքարքառում տեղ չի տրվել ինչպես նախորդներին ու նախադրություններին, այնպես էլ դերանուններին, մակբայներին, շաղկապներին և գոյականների, ածականների ու բայերի շարքին պատկանող շատ բառերի։

Զմյուռնիայի համաքարքառի համար օգտագործված է Աստվածաշնչի Զոհրապյան հրատարակությունը՝ դասական թարգմանության բնագիրը։ Այսպես՝ Գործք Ժ. 33 «**Եւ ես իսկ և իսկ յղեցի առ քեզ... առաջի Աստուծոյ կամք**» վկայությունն ըստ Զոհրապյանի է տրված՝ **Յղել և Կալ** բառերի տակ, մաս առ մաս, և ոչ թե ըստ Ռսկանի, որը դրա փոխարեն ունի՝ «**Վաղվաղակի ուրեմն առաքեցի առ քեզ... առաջի քո կամք**»։ Սակայն երբեմն, Զոհրապյանի հրատարակության մեջ ցույց տրված տարընթերցումների հետևողությամբ, Ռսկանյան բնագրից ևս բերված են վկայություններ, որոնք անձանոթ են հայկական բնագրին։ Այդպիսիներից է, օրինակ, Գործք ԻԸ. 29 «**Եւ իբրև զայս ասաց՝ արտաքս զնացին ի նմանէ Հրեայքն, որք ունէին ի մէջ ինքեանց զբազում խնդիրս**» վկայությունը, որը մաս առ մաս տրված է **Արտաքս, Հրեալ, Ունել և Խնդիր** բառերի տակ։

Զմյուռնիայի համաքարքառի հեղինակն անհայտ է։ Թորոս քն. Տեր-Իսահակյանի կարծիքով՝ այս համաքարքառը պետք է քաղված և հանված

⁶¹ «Համաքարքառ կամ ցանկ նմանաձայն բառից 'Նորոյ Կտակարանի, այլբենական կարգս շարադասեալ», Զմյուռնիա, տպ. Գուլ. Գրիֆիտի, 1848։

ՀԱՄԱՐԱՐԱՐՆԵՐ

ԿԵՄ

ՅԵՆԿ ՆՄԵՆԵԶԵՅՆ ԲԵՌԻՅ

ՆՈՐՈՅ ԿՏԵԿԵՐԵՆԻ

ԱՅԲԲԵՆԱԿԱՆ ԿԱՐԳԱՒ ՀԱՐԱԴԱՍԵԱԼ

«ԲԵՆԵԶԵՅ ԳԳԻՐ» : ՀՅԿ . Է . 30 :

Ի ԶՄԻՒՌՆԻԱ

Ի ՏԳԼՐԵՆԻ ԿՈՆԼԻԵԼՍՈՍ ԿՐԻՖՅԻԹԻ

1848

Թաղեռս վ. Աստվածատուրյանի համարարարի անվանաթերթը

լինի «Բուրաստան խնկոց»-ից, ուստի և նրա հեղինակությունը վերագրելի է Կիռնեսիոս վ. Կարապետյանին. սակայն, անտարկելի չհամարելով իր այս կարծիքը, նա ավելացրել է. «Ցանկալի է մեզ ստուգադրյալ տեղեկեցում զայսման է հաստատություն կամ լուղություն կարծեսց մերոց»⁶²: Մեր կարծիքով՝ եթե հնարավոր լիներ հաստատել «Բուրաստան խնկոց»-ի և «№ 2 համաբարբառ»-ի նույն լինելը, ապա պարզված կլիներ նաև այս հարցը, որովհետև «№ 2 համաբարբառ»-ը, ինչպես տեսանք նրա նկարագրության մեջ, կառուցվածքով ակնհայտորեն տարբեր է Զմյունիայի համաբարբառից:

Զմյունիայի համաբարբառի հեղինակության հարցը կապվում է նաև Հովսեփ վ. Տեր-Ավագյանի անվան հետ, ինչպես ակնարկեցինք արդեն:

Զմյունիայի տպագիր համաբարբառի օրինակներից մեկը, որն այժմ գտնվում է ՀՍՍՀ Գիտությունների ակադեմիայի կենտրոնական գրադարանում (Ա. Ալպոյանյանի ֆոնդ № 105), անվանաթերթից առաջ կրում է հետևյալ ձեռագիր հիշատակագրությունը՝ առանց ստորագրության.

«Ցանկ բոլոր Հին և Նոր Կտակարանաց արարեալ է ի հայր Յովսէփայ գիտնական վարդապետէ Տէր Աւագեան, որ գտանի վասն տպագրութեան ի Պատրիարքարանին Կոստանդնուպոլսոյ, եղելոյ ի Մայր Եկեղեցոջ տեղոյն, կառուցելոյ յանուն Սրբոյ Աստուածածնի. այլ որպէս թոյի ինձ, թողեալ զցանկ Հնոյ Կտակարանի, զայս ցանկ Նորոյ միայն տպեալ են՝ առանց յառաջարկութեան և յիշելոյ զ՝ ի յոյս ընծայողն սորին, որ էր և է օրհնեալ ի յախտեանս, ամէն»:

Թե ո՞ւմ ձեռքից է այս հիշատակագրությունը և թե ո՞րքան է հավաստի այս կարծիքը, ըստ որի Զմյունիայի համաբարբառը պիտի հանված լինի Տեր-Ավագյանի համաբարբառից, չենք կարող ասել: Բայց այստեղ նույնքան և ավելի կարևորն այն է, որ Հովսեփ վ. Տեր-Ավագյանի հեղինակությամբ հորինված մի համաբարբառ տպագրության էր սպասում Կ. Պոլսի Ազգային Պատրիարքարանում՝ դեռ նախքան Զմյունիայի համաբարբառի հրատարակումը:

Արցախեցի Հովսեփ վ. Տեր-Ավագյանը հայտնի մանկավարժ և գիտնական էր, որը «նոխացոյց զաշխարհն Արցախու քերթողական, հոետորական, փիլիսոփայական և աստուածաբանական ուսմամբ»⁶³ և գնահատվել է որպես «առաջին աղբիր լուսատրութեան Արցախական նահանգի ի վերջին ժամանակս»⁶⁴: Մահացել է 1847 թվականին⁶⁵: Հեղինակ է քերականական և մի շարք այլ երկերի, որոնք մեծ մասամբ մնում են անտիպ⁶⁶:

⁶² Թ. քմ. Տեր-Խառակյանի հիշյալ հոդվածը, էջ 5:

⁶³ Արգիս վ. Զալայանց, «Ճանապարհորդություն ի Մեծն Հայաստան», մասն Ա, Թիֆլիս, 1842, էջ 193:

⁶⁴ Անդ, մասն Բ, Թիֆլիս, 1858, էջ 355:

⁶⁵ Մակար վ. Բարխուդարյանց, «Արցախ», Բաքու, 1895, էջ 179:

⁶⁶ Հովսեփ վ. Տեր-Ավագյանի անտիպ երկերից մեզ հայտնի են հետևյալ ձեռագրերը՝ երևանի Պետ. Մատենադարանում.

ա. «Քերականություն հայկական լեզուի», ձեռ. № 3620:

բ. «Տեսրակ բայի» և «Տոմար», ձեռ. № 2563:

գ. «Գիրք տեսական փիլիսոփայութեան», ձեռ. №№ 2525, 2828, 2835, 2990, 3619, 4038, 4045, 6556, 6818, 8750:

դ. «Ներածություն աստուածաբանութեան», ձեռ. № 4045:

ե. «Վաճան ողղափառաց», ձեռ. № 2622:

Բայցոված գործ է՝

զ. «Առաջին մասն Փիլիսոփայութեան որ ասի՝ Տրամաբանություն, համառոտեալ ի բուն Տրամաբանութենէ աստուածաբան վարդապետից Կովիմոյ ի 1830 ամի», Շուշի, 1840: Հմտ. Հ. Մ. Անասյան, «Հայկական մատենագիտություն», հտ. Ա, էջ 967:

Հովսեփ վ. Տեր-Ավագյան Արցախեցու հորինած համաքարքառն այժմ չկա Կ. Պոլսի Ազգային պատրիարքարանի դիվանատանը⁶⁷: Եթե այդ ձեռագիրն իրոք անցել էր Զմյուռնիայի ամերիկյան միսիոնարների ձեռքը, այդ դեպքում հարկ կլի՞նի նրա՛նց դիվանում որոնել անհրաժեշտ լուսաբանությունները:

Զմյուռնիայի համաքարքառից հետո, 1860-ական թվականների սկզբին, Երուսաղեմի միաբաններից Թադեոս վ. Աստվածատուրյանը⁶⁸ ձեռնամուխ է լինում Հին և Նոր Կտակարաններն ընդգրկող ծրագրով կազմելու մի նոր համաքարքառ, որը յոթնամյա տքնաջան աշխատանքով ավարտվում է 1867 թվականին, բայց 1895 թվականին է միայն, որ կարողանում է լույս աշխարհ գալ Երուսաղեմի տպարանից⁶⁹:

Այս համաքարքառը ոչ միայն ընդգրկումով, այլև մակարդակով ավելի բարձր էր քան Զմյուռնիայինը:

Համաքարքառի հրատարակման հետ կապված գիտական աշխատանքները վստահված էին Թորոս քհ. Տեր-Իսահակյանին, որի անունն առիթ ունեցանք հիշատակելու վերևում: Հատորի սկզբին գետնդված էր նրա ներածական հոդվածը՝ «Տեսութիւն ի վերայ համաքարքառի Ս. Գրոց»⁷⁰. իսկ ավելի առաջ, 1891 թվականին, նա խմբագրել էր Երուսաղեմի տպարանի անունից մամուլին տրված այն Հայտարարությունը, որով ուսումնասեր հասարակայնությանը կոչ էր արվում օժանդակելու Համաքարքառի հրատարակմանը⁷¹:

Տեր-Իսահակյանի գնահատմամբ՝ այս Համաքարքառը խթան էր հանդիսանալու ոչ միայն սուրբգրական ուսումնասիրությունների զարգացմանը, այլև հայագիտական հետազոտությունների: Մամուլի Հայտարարության մեջ նա ասում էր, որ «հայկական Աստուածաշնչի Համաքարքառն անչափ և անկշռելի օգուտ կրնայ ընծայել ամեն հայագետի»⁷². իսկ «Տեսութիւն» ներածական հոդվածում, ավելի մանրամասնելով իր այդ կարծիքը, նշում էր, որ Համաքարքառը հայագիտությանը մատուցելու է կրկնակ ծառայություններ՝ աղբյուրագիտական և լեզվաբանական:

Համաքարքառի հայագիտական ծառայությունը նախ լինելու էր այն, որ հնարավորություն էր տալու՝ բացահայտելու մեր միջնադարյան մատենագրության պատմական ու գրական կապերը և գաղափարական առնչությունները Աստվածաշունչի մատյանի հետ: «Չիք ինչ տարակոյս,—գրում էր նա,—գի ուսումնասերք մատենագրութեանց նախնեաց և եկեղեցական մատենից մեծապէս օգտեսցին Համաքարքառաւ ի ստուգութիւն աստուածեղէն բանիցն ի մէջ բերելոց թէ ուստի՝ և յի՛նչ միտս առեալ»⁷³: Սա՛ Համաքարքառի նշա-

⁶⁷ Ընդհանրապես ընդունվելով մեր խմբագրից, Ազգ. պատրիարքարանի դիվանատան պաշտոնյաներից պր. Գ. Բամպոքյանը որոնումներ կատարեց այդ ուղղությամբ, բայց՝ ապարդյուն:

⁶⁸ Թադեոս վ. Աստվածատուրյանը ծնվել է 1831 թ. և մահացել 1906 թ., տես Մկ. եպս. Աղավունի, «Միաբանք և այցելութ...», էջ 149:

⁶⁹ «Համաքարքառ Հին և Նոր Կտակարանաց, աշխատասիրութիւն Թադեոս վարդապետի Աստուածատուրեան Արապկերցոյ, ի Միաբանութենէ Սրբոց Յակովբեանց», Երուսաղեմ, 1895:

⁷⁰ Տես անդ, էջ Գ—Թ:

⁷¹ Այս Հայտարարության համառոտությունը տես Բազմավեպ, 1891, էջ 282—283:

⁷² Անդ, էջ 282:

⁷³ Թ. քհ. Տեր-Իսահակյան, «Տեսութիւն», էջ Ը:

նակության աղբյուրագիտական-քննադատական կողմն էր, որն, իրոք, այսօր էլ կարևոր տեղ է գրավում հայաշխտության պատմա-քանասիրական հետազոտությունների քննազավառում:

Իսկ Համաքարբառի լեզվաքանական-քերականական նշանակության մասին Տեր-Իսահակյանը գրում էր. «Չիք ինչ տարակոյս զի որք զհայ լեզուս հմտութեամբ և կատարելութեամբ ուսանել բաղձան, պարտին և զՀայկական Աստուածաշունչն գէթ իբրև հմագոյն և ընտիր մատենագիր՝ ուշի ուշով քննել և ուսումնասիրել, զհարազատութիւն ոճոյ և դարձուածոց լեզուիս ի նմանէ ստուգել և այնու հաստատել», ուստի և «պիտանի և տատարիչ վարկանելի է այնոցիկ որ զԳիրն ուսանիցին յաղագս յատկութեան և հարազատութեան լեզուին», այսինքն՝ «նշանակութիւնք բառից և կիրառութիւն նոցին նովիմքք իսկ բաղդատութեան օրինօքն հաստատեալ ճշդին» և «այսու ձեռնտոութեամբ քերականական համաձայնութիւնք որոշին, այլ և այլ կիրառութիւն յատուկ անուանց և օտար բառից և օրէնք տատարածութեան նոցին սանմանին»⁷⁴: Այլ խոսքով՝ դասական հայերենի օրինաչափությունների ուսումնասիրման ուղիներից մեկն էր ցույց տրվում այստեղ:

Հայերեն սուրբգրական համաքարբառների պատմության մեջ առաջին անգամն էր, որ ուշադրություն էր հրավիրվում այն օգուտների վրա, որ Աստվածաշնչի համաքարբառը ներկայացնում էր հայագիտության համար:

Այս համաքարբառը հօրինվածքով նման է Զմյուռնիայի համաքարբառին: Վերջինիս մասին խոսելիս՝ բառերի դասավորման համար նրա կիրառած հիմնական սկզբունքներից մեկը մենք պարզաբանեցինք Մերձենայ բառի օրինակով: Այժմ այստեղ փոխանակ ասելու, որ «այս Մերձենայ բառի տակ էլ ամփոփված են այն բոլոր վկայությունները, որոնք պարունակում են այդ բառը կամ նրա թեքված ձևերը» (տես վերևում), մենք ողղակի կրեքենք Մերձենայ բառի տակ ամփոփված 239 վկայություններից մի բանի նմուշներ:

ՄԵՐԶԵՆԱԼ

Ծնն.	ԺԲ. 11.	Մերձեցաւ Աբրամ մտանել յեգիպտոս.
	Ի. 4.	Աբիմէլէք ոչ Մերձեցաւ ի նա.
	Ի. 6.	Ոչ էտու... Մերձենայ ի դա.
	ԻԷ. 41.	Մերձեցին ատուրք կարեաց.
	ԼԵ. 16.	Մերձեցաւ ի Քաբրաթա երկիր.
Ելք.	Գ. 4.	Եթէ Մերձենայ տեսանել.
	Գ. 5.	Մի՛ Մերձենար այսր.
	ԺԲ. 48.	Ապա թէ Մերձենայցէ առ ձեզ.
	ԺԲ. 49.	Որ գայցէ Մերձենայ ի ձեզ.
	ԺԹ. 12.	Ամենայն որ Մերձեցի ի լեառնն.
	ԺԹ. 13.	Մի՛ Մերձեցի ի նա ձեռն.
	ԺԹ. 15.	Ի կանայս մի՛ Մերձենայք.
	ԺԹ. 21.	Գուցէ Մերձենայցեն հայել.

Հասկանալի է, որ այս նույն սկզբունքով են դասավորված նաև գոյականներն ու ածականները: Օրինակ՝

⁷⁴ Անդ, էջ Թ:

ՀԱՄԱԲԱՐՅԱԾ

ՀԻՆ ԵՒ ՆՈՐ

ԿՏԱԿԱՐԱՆԱՑ

ԱՇԽԱՏԱՍԻՐՈՒԹԻՒՆ

ԹԱԴԷՈՐ ՎԱՐԴԱՊԵՅԻ ԱՍՏՈՒԱՇԱՏՈՒՐԵԱՆ ԱՐԱՊԿԵՐԾԻՈՑ
Ի ՄԻԱՐԱՆՈՒԹԵՆԷ ՍՐԲՈՑ ՅԱԿՈՎԲԵԱՆՑ

Ի ՀԱՅՐԱՊԵՏՈՒԹԵԱՆ Ս. ԷԶՄԻԱՄԻՆ

Տ. Տ. ՄԿՐՏՁԻ Ա.

ԿԱԹՈՒՂԻԿՈՍԻ ԱՄԵՆԱՅՆ ՀԱՅՈՑ

ՀՐԱՄԱՆԱԻ

ՊԱՏՐԻԱՐԺԻ ՍՐԲՈՑ ԵՐՈՒՍԱՂԵՄ

ԱՄԵՆԱՊԱՏԻՒ Տ. ՅԱՐՈՒԹԻՒՆ

ՍՐԲԱԶԱՆ ԱՐԺ ԵՊԻՍԿՈՊՈՍԻ

ԵՒ

Ի ՊԱՏՐԻԱՐԺՈՒԹԵԱՆ ԿՈՍՏԱՆՅՆՈՒՊՈԼՍՈՑ

Տ. ՄԱՏԹԷՈՍԻ

ՍՐԲԱԶԱՆ ԱՐԺ ԵՊԻՍԿՈՊՈՍԻ



Ի ՏՊԱՐԱՆԻ ԱՌԱՔԵԼԱԿԱՆ ԱԹՈՌՈՑ

ՍՐԲՈՑ ՕԱԿՈՎԲԵԱՆՑ

ՅԵՐՈՒՍԱՂԵՄ

1895

ԶԻՆՈՒՈՐՈՒԹԻՒՆ

Գործք	ԻԲ. 28.	Բազում գլխաց զԶինուորութիւնս զայս.
Ա. Կորն.	Ա. 18.	Զգեղեցիկ Զինուորութիւնն.
Բ. Կորն.	Ժ. 4.	Զի զէն Զինուորութեան մերոյ.

ԽԱՐՏԵԱՇ

Մագոյն.

Հետ.	ԺԳ. 36.	Մի՛ դարմանեցէ քահանայն վասն Խարտեաշ
Ա. Թագ.	ԺԷ. 42.	Զի էր պատանեակ Խարտեաշ.

Ի տարբերություն Զմյուռնիայի համաքարքառի՝ այս համաքարքառում հոլովման ու խոնարհման ընթացքում քառերի կրած կերպարանափոխումները և կամ փոխարինումները մեկը մյուսով՝ չեն դիտվում որպես քառային տարբեր միավորներ, այլ ամփոփվում են մեկ՝ հիմնական քառի տակ: Հղովման դեպքերում հիմնական է համարվում քառի եզակի ուղղական ձևը (անեզական քառերի համար՝ հոգնակի ուղղական ձևը), իսկ խոնարհման դեպքերում՝ անորոշ դերբայը: Օգտագործելով հենց այն միևնույն օրինակները, որ նշեցինք Զմյուռնիայի համաքարքառի մասին խոսելիս՝ ասենք, որ այստեղ **Աուր**-ը քառային առանձին միավոր չի կազմում, այլ գնում է **Յր** քառի տակ. նմանապես **Կեր**-ն ու **Եկեր**-ը՝ **Ուտել**-ի տակ և այլն: Այսպես՝

ՕՐ

Ա. Մակ.	Է. 46.	Անկան յայնմ Աուր.
	Է. 48.	Արարին զՅրն զայն տարեկան մեծ.
	Է. 50.	Լոեաց երկիրն Յուդայ Աուրս քանի մի.
	Ը. 10.	Վացոցին մինչև յՅրս այս.

Կամ՝

Ա. Թագ.	ԻԸ. 20.	Զի ոչ Եկեր հաց գտին ողջոյն.
	ԻԸ. 23.	Ոչ կամեցաւ Ուտել.
	Լ. 11.	Ետուն մմա հաց և Կերաւ.
	Լ. 16.	Ուտէին և ըմպէին և տօնէին.

Այս նույն սկզբունքով էլ, դարձյալ, **Երաց**, **Եբեր**, **Եթաց**, **Եթող**, **Ելաց**, **Ելից**, **Ելոյծ**, **Եհաս**, **Եհար**, **Եհեղ**, **Էջ** և նման բայական ձևերը, որոնք Զմյուռնիայի համաքարքառում որպես ինքնուրույն քառեր էին տեղավորված, այստեղ գնում են **Բանալ**, **Բերել**, **Թանալ**, **Թողուլ**, **Լալ**, **Լնուլ**, **Լուծանել**, **Հասանել**, **Հարկանել**, **Հեղուլ**, **Իջանել** քառերի տակ:

Դասավորման վերոնշյալ սկզբունքներն, ի հարկե, գիտականորեն ճիշտ են: Հեղինակը քերականագիտական հասկացողությամբ է առաջնորդվել՝ քառերի խմբավորման ու դասավորման իր սկզբունքները մշակելիս:

Զմյուռնիայի համաքարքառի համեմատությամբ, ինչպես ասվեց, այս համաքարքառն ունի որակական անվիճելի առավելություններ: Ունի նաև թերություններ, որոնցից մի քանիսի մասին իր ժամանակին խոսվել է «Արարատ» ամսագրի անանուն գրախոսության մեջ⁷⁵:

Թերություններ ու քառերի պակասներ՝ անշուշտ ունի այս համաքարքառը: Պակասներն զգալի են հատկապես դերանունների և շաղկապների բնա-

⁷⁵ Արարատ, 1896, էջ 111—112:

գավառում: Նախդիրները (զ, ի, ց, առ, ընդ, ըստ) նույնպես չկան բառաշարում, թեև նախդիրներով կապակցված որոշ բառեր տեղ են գտել այնտեղ (Զմտաւ ածել, Առ ականէ, Առ աչօք, Ընդ ականք հայել, Ընդ վայր հարկանել, և այլն): Թեև ընդգրկված է մակբայների մի մասը (Արդէն, Արտաքս, Արտաքուստ, Արտաքոյ, Իսկ և իսկ, Իսկոյն, Հագիւ, Ակամայ և այլն), բայց շատ մակբայներ բացակայում են (Անդ, Աստ, Երբեմն, Երբեք, Իբրեւ, և այլն): Երբեմն նույնիսկ պատահում է, որ եղած բառի տակ բացակայում է այս կամ այն վկայությունը, թեև, մեր կարծիքով, այդպիսի պակասների թիվը մեծ չէ:

Այնու ամենայնիվ պիտի ասել, որ այս համաբարբառն իր ժամանակի համար լուրջ և գիտական առումով նկատելի երևույթ էր: Վերոնշյալ թերությունները կարող էին էական նշանակություն ունենալ լեզվաբանների համար՝ հայ լեզվի ուսումնասիրության հարցերում. բայց մատենագրական ուսումնասիրությունների համար նրա մակարդակը կարող էր հիմնականում բավարար համարվել՝ առ ի չգոյե լավագույնի: Դեռ այսօր էլ միջնադարյան հայ գրականության աղբյուրագիտական հարցերով զբաղվող բանասերներն անհրաժեշտորեն նրա օգնությանն են դիմում ամեն քայլափոխում՝ պարզելու համար, թե այս կամ այն գրվածքում օգտագործված այս կամ այն վկայությունն Աստվածաշնչի ո՞ր մասից է բերված և ի՞նչ նպատակով:

Այս համաբարբառը հիմնված է Զոհրապյանի հրատարակած դասական հարազատ բնագրի վրա:

Սուրբգրական համաբարբառների հայկական պատմության մեջ ժամանակով նորագույնը աշխարհաբար համաբարբառն է, որը 1963 թվականին լույս է տեսել Բեյրութում⁷⁶: Ընդերկում է Հին և Նոր Կտակարանները:

Այս համաբարբառը հիմնված է հայ բողոքականության համար պաշտոնապես ընդունված արևմտահայ այն թարգմանության վրա, որն առաջին անգամ 1853 թվականին տպագրվել է Զմյուռնիայում, ամերիկյան միսիոնարության տպարանում, այնուհետև անթիվ հրատարակություններ է ունեցել որոշ սրբագրություններով և այսօր էլ շարունակում է անընդհատ վերահրատարակվել հայկական Սփյուռքում: Այս թարգմանությունը կատարվել է եբրայական և հունական բնագրերից, ուստի և կապ չունի Ե դարի մեր դասական գրաբար թարգմանության հետ:

Ինքն ըստ ինքյան հասկանալի է, որ աշխարհաբար համաբարբառը հայագիտական առումով չի կարող ունենալ այնպիսի նշանակություն, ինչպիսին ներկայացնում են Աստվածաշնչի գրաբար բնագրին նվիրված համաբարբառները, քանի որ հիշյալ աշխարհաբար Աստվածաշունչը մեր ժամանակներում չունի կատարելիք, նույնիսկ հեռավոր նմանությամբ, այնպիսի դեր, որպիսին կատարել է անցյալում գրաբարը: Նա չունի կապեր մեր կյանքի պատմական ընթացքի հետ, մեզ դեպի մեր ապագան առաջնորդող գաղափարների ու տեսակետների հետ, մեր գրականության ու գիտության հետ: Պատմականորեն նա ոչ մի առնչություն չունի ժամանակակից հայության հոգևոր ու մշակութային կյանքի հետ, որովհետև, դարաշրջանի պայմանների բերմամբ իսկ, չէր կարող նրան տրված լինել հայության ազգային լուսավորության ու առաջադիմության փարոս դառնալ, նրա մտքի խոյանքների հա-

⁷⁶ «Համաբարբառ Աստուածաշունչ մատեանի Հին և Նոր Կտակարանաց, արդի աշխարհաբարով: Աշխատասիրեց Վեր. Վահան Գ, Սահակեան», Բեյրութ, 1963:

մար ենթադրումն ու ոգեշնչման աղբյուր դառնալ, ինչպես իր ժամանակին դարձել էր գրաբար թարգմանությունը՝ բազմաթիվ սերունդների համար: Պատճառն այն է, որ գրաբար թարգմանությունը ներքին՝ ազգային պահանջներով ու ջանքերով էր կյանքի կոչվել՝ ազգային նպատակներով, մինչ աշխարհաբար թարգմանությունը արտաքին՝ օտարի պահանջներով ու ջանքերով է կատարվել՝ օտար նպատակներով⁷⁷: Այդ իսկ պատճառով՝ նա ոչ միայն կատարելիք պատմական որևէ դեր չէր կարող ունենալ հայության կյանքում, այլև, նույնիսկ, ինքը չկարողանալով համընթաց քայլել ու զարգանալ նրա հետ, ետ է մնացել նրա արևմտյան գրական լեզվի զարգացման ժամանակակից մակարդակից: Կարելի է արևմտահայ այդ թարգմանության Բեյրութի 1963 թվականի տպագրությունից⁷⁸ բերվող մի քանի օրինակներով ակներև դարձնել այդ իրողությունը:

Հարաբերյալի և հարաբերական դերանվան տրամաբանական կապը բացակայում է, օրինակ, հետևյալ նախադասությունների մեջ.

«Հապա Աստուած իր ընտրեալներուն իրաւունք պիտի չընէ՞, որոնք ցորեկ ու գիշեր իրեն կ'աղաղակեն» (Ղուկ. ԺԸ. 7): Պետք է լինի՝ Իսկ Աստուած արդարութիւն պիտի չընէ՞ իր ընտրեալներուն, որոնք տիւ և գիշեր կ'աղաղակեն իրեն:

«Հարիւրապետի մը ծառայ ծանր հիւանդացած՝ մօտ էր մեռնելու, որ սիրելի էր անոր» (Ղուկ. Է. 2): Պիտի լինի՝ Հարիւրապետի մը ծառան, որ սիրելի էր անոր, ծանր հիւանդ էր և մահամերձ:

Քերականական օրենք չճանաչող նախադասություն է՝

«Պարզ պիտի տեսնես քու եղբօրդ աչքին մէջի շիղջ հանելու» (Ղուկ. 2. 42): Անկապ և անիմաստ է՝ տեսնել շիղջ հանելու:

Եզակի ենթակայի հետ բայի հոգնակի ձևի կիրառման օրինակներ են՝

«Բոլոր ժողովուրդը իրեն կու գային» (Մարկ. Բ. 13):

«Բոլոր ժողովուրդն ալ տեսնելով՝ զԱստուած կը զովաբանէին» (Ղուկ. ԺԸ. 43):

«Շատ բազմութիւն անոր ետեւէն գացին» (Մարկ. Գ. 7):

Բաղական ձևերի սխալ ուղղագրման և դրա հետևանքով եղանակների ու ժամանակների շփոթման նմուշներ են տալիս հետևյալ նախադասությունները.

«Երանելի է այն մարդը որ ամբարիշտներուն խորհուրդին մէջ չբալեր, ու մեղաւորներուն ճամբուն մէջ չկենար, և ծաղր ընողներուն նստած տեղը չնստիր» (Սաղմ. Ա. 1):

«Եւ ան որ իր խաչը չառներ ու իմ ետեւէս գար» (Մատթ. Ժ. 38):

⁷⁷ Անգլիական և ամերիկյան միսիոնարական կազմակերպությունների ջանքերով կատարված այդ թարգմանության որպես հեղինակներ հանդես են գալիս միսիոնարներ Էջերը (J. B. Adger), Դուալտը (H. G. O. Dwight), Հոմսը (H. A. Homes) և Ռիգզը (Elias Riggs), որոնք ունեցել են հայ «օգնականներ»: Հմմտ. T. H. Darlow and H. F. Moule, «Historical Catalogue of the Printed Editions of Holy Scripture in the Library of the British and Foreign Bib'e Society», vol. II, New York, 1963, p. 94-98. «Պատմական ակնարկ Աստուածաշունչի թարգմանությանը վրայ» (Ռատ. Ամերիկայի Հայ Ավետարանչական Ընկերակցության), Նյու-Յորկ, 1953, էջ 18-30:

⁷⁸ «Աստուածաշունչ գիրք Հին և Նոր Կտակարանաց», Բեյրութ, 1963: Հրատարակություն Մերձավոր Արևելքի Աստվածաշունչի Ընկերությունների (The Bible Societies in the Near East).

Այս չքալեր, չկենար, չնստիր, չառներ ձևերը սխալ են. պիտի լինեն՝ չի քալեր, չի կենար, չի նստիր, չ'առներ:

Թարգմանիչներն այս տեղերում ժխտական ձևն օգտագործելիս իրար են խստոնել սահմանական ներխաչի եզակի 3-րդ դեմքը և ըղձական եղանակի անցյալի ապառնիի եզակի 3-րդ դեմքը: Հմմտ. Գիշտ ձևերը.

Ս ա հ մ ա ն ա կ ա ն ե ղ ա ն ա կ

Ներկա

2եմ քալեր	2եմ կենար	2եմ նստիր	2եմ առներ
2ես քալեր	2ես կենար	2ես նստիր	2ես առներ
2ի քալեր	2ի կենար	2ի նստիր	2'առներ

Ը ղ ձ ա կ ա ն ե ղ ա ն ա կ

Անցյալի ապառնի

2քալեի	2կենայի	2նստեի	2առնեի
2քալեիր	2կենայիր	2նստեիր	2առնեիր
2քալեր	2կենար	2նստեր	2առներ

Եթե դժվար է համարվում կողմնորոշվել բալերի խոնարհման այս տրամաբանական ընթացքով, ապա կարելի է կողմնորոշվել նաև բառի արտասանական շեշտադրությամբ: Սահմանականում՝ ժխտականով խոնարհվող բայի օժանդակն է շեշտվում (չի) կամ, վերջինիս սղվելու դեպքում (չ'), բուն բայի առաջին վանկը. չի՝ քալեր, չի՝ կենար, չի՝ նստիր, չ'առներ: Իսկ ըղձականում՝ բայի վերջին վանկն է շեշտվում. չքալե՛ր, չկենա՛ր, չնստե՛ր, չառնե՛ր:

Եվ դարձյալ՝ արևմտահայ գրական լեզվի համար խորթ և անընդունելի ձևեր են հետևյալները.

«Անոնց վրայ» (Ղուկ. ԺԸ. 7), փոխանակ՝ **անոնց հանդեպ:**

«Անոր վրայով» (Ղուկ. Ե. 15), փխ. **անոր մասին:**

«Այս բանին վրայով» (Ղուկ. ԺԸ. 1), փխ. **այս մասին:**

«Ասկէ ետես» (Ղուկ. Ե. 10), փխ. **ասկէ յետոյ:**

«Քանի մ'օրէն ետես» (Մարկ. Բ. 1), փխ. **քանի մը օր յետոյ:**

Նմանապես՝ «Էրիկ» (Ելք. ԻԱ. 22), «որբևարի» (Ելք. ԻԲ. 21), «վալլել» (Առակ. ԻԶ. 1), և այլն, փոխանակ՝ **ամուսին (այր), այրի, վաչելել:**

Այսքանը բավական է տեսնելու համար, որ տվյալ թարգմանությունը լեզվի տեսակետից ևս մեկուսի է մնում մեր կյանքում:

Այսպիսով, ելնելով բոլոր հանգամանքներից, գտնում ենք, որ Աստվածաշնչի հիշյալ թարգմանության վրա հիմնված աշխարհաբար համաբարբառը էական նշանակություն չի ներկայացնում հայագիտության առումով: Այդ համաբարբառը կարող է միայն նյութեր տալ արևմտահայ աշխարհաբարի պատմության որոշ հարցերի ուսումնասիրության համար և հատկապես ծանայել արևմտյան հայերենով տարածվող բողոքական գրականության լեզվի հատկանիշներն ուսումնասիրելու:

Մինչև այստեղ մեր ներկայացրած թարգմանական և ինքնուրույն համաբարբառները բոլորն էլ երևան են եկել Հին և Նոր Կտակարանների բնագրային ուսումնասիրության հողի վրա, և դա, ի հարկե, շատ բնական էր, քանի որ սուրբգրական գիտությունները, ինչպես միջնադարյան քրիստոնեական աշխարհում ընդհանրապես, այնպես էլ Հայաստանում, հասարակության հոգևոր ու նյութական մշակույթի բոլոր թեղերի հետ անխզելի կապերով կապված էին: Այդ երևույթը հասարակության զարգացման օրինաչափությունների մասն էր կազմում: Ինչպես արդեն տեսանք իր տեղում՝ միայն ժԹ դարի վերջերին՝ Թադևոս վ. Աստվածատուրյանի Համաբարբառի հրատարակության առիթով է, որ որոշակիորեն հանդես եկավ այն գաղափարը, թե հայկական Աստվածաշնչի համաբարբառը կոչված էր բացառիկ դեր կատարելու նաև հայերեն դասական լեզվի հետազոտության ասպարեզում և ընդհանրապես հայագիտության մեջ: Այս գաղափարն արդեն ըստ ինքյան նոր բնույթ էր հաղորդում հայկական Աստվածաշնչի համաբարբառին՝ այն տեղափոխելով դեպի աշխարհիկ գիտությունների բնագավառը: Այս առումով՝ հայկական Աստվածաշնչի համաբարբառի գաղափարն առաջնակարգ նշանակություն էր ստանում հայագիտության համար: Այդ հարցին մենք կվերադառնանք սույն աշխատության վերջում:

Սրանով ավարտվում է հայ համաբարբառային գրականության այն հանգրվանը, որը բացառապես ընթանում էր սուրբգրական բնագրային հետազոտությունների գծով, ինչպես եղել է առհասարակ այն ժողովուրդների մոտ, որոնք միջնադարում ունեցել են քրիստոնեական գրականություն:

(Ծարունակելի)



ԲՈՎԱՆԴԱԿՈՒԹՅՈՒՆ

Էջ

Հայրապետական քարոզ Փրկչի հրաշափառ Ծննդյան տոնի առթիվ Մայր տաճարում	3
Ամանորի և Փրկչի հրաշափառ և սուրբ Ծննդյան տոների առթիվ Ամենայն Հայոց Ծայրագույն Պատրիարք և կաթողիկոս, Նորին Սուրբ Օծություն Ս. Տ. Վազգեն Ա Հայրապետի և քույր եկեղեցիների հոգևոր պետերի միջև փոխանակված ողջույնի հեռագրերն ու գրությունները	6
Ամանորի և Փրկչի հրաշափառ և սուրբ Ծննդյան տոների առթիվ Ամենայն Հայոց Ծայրագույն Պատրիարք և կաթողիկոս, Նորին Սուրբ Օծություն Ս. Տ. Վազգեն Ա Հայրապետի և նվիրապետական Աթոռների ու առաջնորդարանների միջև փոխանակված ողջույնի հեռագրերն ու գրությունները	10
Ամանորի առթիվ Ամենայն Հայոց Վեհափառ Հայրապետի և պետական անձնավորությունների միջև փոխանակված հեռագրերը	13
ԵՂԻՇԵ ԱՐԻԵՊ, ԴՈՒՐՅԱՆ—Աստվածպաշտության խորհուրդը	16
Սուրբ Ծննդյան պատարագ և հայրապետական քարոզ Մայր տաճարում	19
Ս. Ստեփանոսի տոնը և սարկավագների ձեռնադրություն Մայր Աթոռում	21
Ամանորը հոգևոր ճեմարանում	24
ՄԱՅՐ ԱԹՈՐՈՒՄ	27
Հանգիստ գերաշնորհ տ. Հայկազուն արքեպիսկոպոս Արքահամյանի	29
ԳՐԻԳՈՐ ԳՅՈՒԼՅԱՆ—Տ. Հայկազուն արքեպիսկոպոս Արքահամյանի պաշտոնի շատակին	33
Հայկական բարեգործական ընդհանուր միության նախագահ տիար Ալեքս Մանուկյանը խոսում է՝ ա. Էջմիածնից և հայրենիքից իր տպավորությունների մասին	35
Հ. ԵՂԻՍԱՍՐՅԱՆ—Ամաղու Նորավանքը	39
Քուցակ Մայր Աթոռ ա. Էջմիածնի նոր ստացված ձեռագրերի	45
Հ. Ս. ԱՆԱՍՅԱՆ—Հայ համաբարբառային գրականությունը և հայ մատենագրության համաբարբառը	49

ԽՄԲԱԳՐՈՒԹՅԱՆ ՀԱՍՑԵՆ ՀԱՅԿԱԿԱՆ ՍՍՀ, ԷՋՄԻԱԾԻՆ «ԷՋՄԻԱԾԻՆ» ԱՄՍԱԳՐԻ ԽՄԲԱԳՐՈՒԹՅՈՒՆ

Армянская ССР, Эчмиадзин, Редакция журнала «Эчмиадзин».
Rédaction de la revue «Etchmiadzine», Etchmiadzine, Arménie, URSS

Հանձնված է արտադրության 28/XII 1971 թ.: Ստորագրված է տպագրության 10/II 1972 թ.:

Տպագրական 4 մամուլ, թուղթ 60×84¹/₈, պատվեր 926

Մայր Աթոռ ա. Էջմիածնի տպարան, 1972 թ.